

見

山

樓

詩

集

四明張氏約園開雕

言集

良山叟

序

壽鏞往讀陳鈞堂先生貽令堂家告

家告未刊壽鏞錄副藏之

夙相契合者數人於張君麟洲曰詩格沈雄學明七子非徒貌似使酒嫉俗傲骨直腸不肯徇人亦不虞人之欺己今馮君孟顓寄示見山樓詩集四卷卽張君晚年定本也質諸陳君吧懷亦稱其能詩壽鏞因盡讀之儻歐陽子所云窮而後工者非耶詩始道光丙午終同治庚午凡二十五年然君之卒也在光緒戊寅此九年中之詩猶未見也更不知其別橐尙藏諸後人否慈志於

東山樓詩集

一四明叢書  
約園刊本

君傳附入其祖雪君先生後略而不詳壽鏞幸得讀其詩猶可考證一二以補慈志之闕蓋君少與兄雲卿有避居西巖其遇鄭媪於塗者卽舊主人也自杭歸里衢巖告警姑蘇劉培甫傳本陳夢樵祖綬招遊吳門謝之杭城旣復更寓焉於是登鳳皇山而有感其詩曰千頃田荒饑鼠雀大江波湧舞蛟鯨時干戈猶未已也辛酉正月其師督學張星白錫庚召之爰有台州之行泊冬甬上戒嚴君侍王父航海入申浦杭城再失星白學使

殉焉君哭以詩慈谿之陷也在是年十月二十六日時  
皖旣不守由皖而浙首金華次蘭谿而諸暨而蕭山而  
紹興而嵒縣上虞餘姚以至慈谿最後鄞鎮象有林義  
士者率妻子居慈城北鄞輿著短衣持梃呼鄉人與戰  
越日又轉戰數里義士死焉君之父收其骸骨義士者  
君之長姑夫林桐齋世榮也君於是林義士辭更有  
明州紀事歲暮懷人諸作皆感時之深者矣自後以拔  
萃朝試用爲令聽鼓楚北者十有七年司權襄陽終老  
興國初未聞小試單父一聽絃歌船唇馬足多寄於詩

見山樓詩集序

二四明叢書

約園附本

其情亦可哀已君論詩尤具隻眼於清初諸詩家不獨  
論其詩且論其人褒貶所垂儼同鈇鉞直腸傲骨略見  
一斑顧壽鏞獨怪恩竹樵將刻見山樓集王縵雲旣以  
詩謝其後竹樵果實踐與否雖未可知然鄉之人初未  
見斯詩之傳也今距先生之歿六十年矣而始傳於世  
豈詩之傳亦有其時耶因刻君詩更敘君之所遭之時  
今昔有同慨焉民國二十七年四月後學張壽鏞



序

夫同攻俞跗而扁鵲獨究奇脈並扣藥于而州鳩獨知  
柳宛桑林杳矣庖丁奏其聲懈谷憚矣麤賓應其響蓋  
道以無執而貴文以獨造爲宗故丹鳳翩翩游其神朱  
鳥翺翺歸其肆八會九奏歸於自然則性情之所得者  
然也曩歲校士浙東擢菱舟於異等覽其文蔚然而茂  
也進之庭淵乎其容也到溉之孫生而愴定崔駰之子  
長更淹通讀鹿鳴而傲兒坐羊車而入市自未冠時已  
翩翩乎光賦海之才劍門勒銘之譽焉厥後詩曰昌

鬼山樓詩集

序

一四  
初版書  
約圖刊本

學日富倚柱嚴灘之上游儻自浮支筇葛嶺之邊寒鴉  
亦語以鯨鏗春麗之質流闌電華羽之音擅美當時傾  
其流輩越歲辛酉遂充選貢方當入承明紆扈帶發議  
金石耀寶池隍而轉徙烽火奔走家難龍泉一鳴駿坂  
再蹶同賀循而北去從僕射以南來放食京華之春酣  
歌濟南之酒軍中孫楚淒涼錦瑟之吟幕下陳琳慷慨  
寶刀之贈目窮海岱詩滿江淮先後十載始以補試高  
等就官漢南策馬都門望雀樓而竟去挂帆建業詠牛  
渚以西征雙槩三秋一官百里當夫山青夏口月白彝

陵抽觴散襟詎不拂其夙志哉然而颯流代變大雅中  
希或侈弁相尋或雕績無質識本尙慤而宗尙章王情  
異蒸蒼而強規濫李良由性之所毓者薄斯才之所達  
者微流別旣窮朱紫遂眇自非獨照之匠鮮或裁焉而  
菱舟抱瑰偉之才稟醴粹之性以吳國男子作江東步  
兵范稚春鷲學山中劉孝標哀吟世亂一自賊窺兩浙  
烽逼四明鼓震皋亭禱奔龕緒其母甫孳家人於西輿  
菱舟侍大父於甬東刁斗隔江柴車破曉肩囊舊史足  
闕荒山以至王粲辭家表忠泛海鯨背側而日黑龍氣  
動而雨青八口星孤一身露宿卒使穎士全身於伊洛  
許劭託命於江湖極之蒲口兄歸朔風被冷林閒婦病  
秋樹蟲多依航海之篙師負過江之大母篤孝不倦涉  
危已艱況乃洗馬愁深元龍氣盛拾遺詩史聞闕至德  
之朝杜牧兵才扼腕河北之事山塞入塞長歌短歌采  
灞岸之雅音綴扶風之逸韻怨誹不亂哀厲彌長若夫  
周季直之留書魂來斷壠潘安仁之遺掛淚掩秋風豔  
溢鎔毫感均頑豔或以爲才人悱惻具體玉谿而不知  
見山樓一集可傳者不在是也夫祈父爪牙小雅以閔

亂美人素手古詩以喻誠觀夫樓中明月之倚隴首秋  
雲之何直舉胸臆忠孝藹然則菱舟固以曠朗之體運  
其沈摯之思乎昔初白樊榭各以詩名兩浙然厲之過  
爲縣麗刻畫金莖要不如查之造於渾成附庸玉局以  
斯旨叩之菱舟吾知其必有合也抑吾聞之政靜者思  
暇道豐者俗和菱舟傳山陰之譜題漢上之襟釣臺柳  
青英雄所流覽渚宮花落詩人所詠游則他日傳荆潭  
唱和之詩得江山悽惋之助非斯人其孰能之同治十  
有一年春三月長沙周玉麒序

序

吾邑張雪君先生洛社耆英詞林尊宿游宦萬里積詩  
一囊唱勅勒之歌陰山磧暗擅巴東之句野渡舟橫大  
集繁葉遠出流輩後賢矯矯近得文孫如我菱舟大令  
者生稟異姿仰承重慶遵彥駒齒超宗鳳毛著聲方在  
童時出語已驚長老高密世業志屬於小同杜陵天才  
詩宗乎必簡屬因隨宦遠涉閩中攬奇無諸之城訪道  
考亭之里字題榕樹曲度幔亭開荔子之樽全傾醉墨  
縛仙茅之筆妙構新辭山水有懷詠歌斯作已而出門

東山樓詩集

序

一四  
約圖刊本

西笑驅車北征陸機入都人爭識面劉蕡下第眾共汗  
顏登易水郭隗之臺蒼茫弔古受河東李渥之聘慷慨  
從戎維時廣武城前連天烽火黃巾固畔弔地干戈君  
乃曉渡桑乾夕宿臨濟墨磨盾鼻草露布之千言星落  
旄頭譚饒歌之一曲舒懷命筆抑何壯也夫其蘊騰遠  
飛超之志負倜儻瑰璋之才振厥風飆直軼任筆沈詩  
而上商所位置當在石渠金匱之間卒不以之遴承明  
領清要潤色鴻業鼓吹休明僅得由拔萃之科注選人  
之籍囊琴而出則案牘勞形腰笏以趨則風塵鞅掌以

五斗米屈陶靖節以百里才羈龐士元得無牒訴倥偬  
妨其懷簿書迷悶敗其興乎豈知通人用大循吏才優  
姚合武功偏多著作潘岳懷縣不廢嘯歌矧君仕宦之  
鄉卽古江漢之地二南舊俗三楚遺蹟喬木聽游女之  
吟香草感美人之恨當夫訟庭電掃印室雲開方將膺  
武昌之魚酣宜城之酒坐南樓之月揖西塞之山指景  
陶嘉運情發藻此聞才子慣唱銅鞮何事參軍但工蠻  
語他日者傳之以黃鵠遺我以鯉魚則九辨九懷恍提  
詩人之耳一官一集彌展作者之心矣可鏞畫虎莫肖

東山樓詩集

馮序

二

四明叢書

約園刑本

退鷁何辭逐隊觀場頻年羈程送人作郡到處揶揄今  
夏四月君方奉檄以出都僕亦敝裘以旋里魚龍叫嘯  
同浮滄海之槎花月流連並艤申江之棹相親晨夕互  
作唱酬暇出其見山樓集俾爲之序觀其文采必霸律  
呂均調克攬藝苑之英華寶接祖庭之衣鉢琳琅滿目  
枕中之鴻寶同珍風雨離羣門外之騷歌又唱助哉苟  
令行矣孔璋爰書所懷并以爲別同治辛未夏六月馮

可鏞

序

昔徐丹崖嘗謂天地英靈清淑之氣結爲文章造物者  
鄭重祕惜不肯多與殆百倍於科名富貴嗚呼諒哉吾  
觀唐宋以來以科第取士顯達者何可指數其得留名  
至今者不必藉科第以傳乃或窮困終身負才不遇天  
若故爲其難以相厄而其名轉得昭垂於後世蓋將以  
萬古之伸敵一時之絀也然則天之所重者從可知已  
吾師張菱舟先生少負不羈才爲人慷慨倜儻而謹於  
大節不屑屑事制舉業特以詩古文辭名於世辛未夏  
將出宰漢南而命祥序其集祥一童子耳烏足以知先  
生抑先生才之大學之博當世之知者不乏人祥又奚  
敢贊一辭卽鋪張而揚厲之要豈足爲先生重雖然使  
先生早登科第列於翰苑方將繩拘墨守習應制詩墓  
院體書低首下心揣摩求合以冀不次之擢亦豈得縱  
覽天下名山大川古今奇跡極宇宙之大觀以擴其胸  
中之梗概而發爲文章之奇氣哉惟其久困名場鬱鬱  
不得志僅以拔萃科出任百里是天蓋欲大先生之才  
而不願其以一時之科第榮耀夫流俗此人所以皆爲

先生惜而祥獨爲先生幸者也先生少遊閩嶠壯歷幽燕於山見秦岱之高於水見黃河之大七經滄海悲歌向若有遺世之志且夫楚漢名勝之區爲古英豪所聚之地有二南三騷之遺風今之適茲土也政事之暇舒懷命筆舉凡所謂可歌可慕可慨可泣之事皆足以因情生感而見之於詩傳之於後世歷千百年而不朽以視夫目前科第僅博一時之榮者其相去不大遠乎則天所以大先生之才者蓋於是乎在而祥所以爲先生幸者亦於是乎見也先生爲詩浸淫乎漢魏而馳驟乎

兒山樓詩集

王序

一四明叢書

約園刊本

三唐氣充詞沛而允謹於格律故雖奔放浩瀚中節奏愈嚴蓋得江山之助者居多其必傳於後無疑也祥不敏辱先生教少有進將益自治其文辭異日者尙能傳衣鉢以不負栽培則天之厚待先生者而並及於祥是又祥之深幸也夫同治十年夏四月門人王定祥時年十七歲

題詞

題張菱舟見山樓詩

鄭敏禧 敬白

廿年不讀見山集開卷頓教倦眼驚湖海寫懷悲浪迹  
燕齊橐筆事長征馬遷文得江山助杜老詩多喪亂聲  
仰首高歌低首誦壯心爲爾一時傾

讀張菱舟見山樓詩

鎮海 林嵩堯 餐英

灑筆出塵俗發言歸自然澄懷真吐月清響澗鳴泉  
劫徵詩史高歌感盛年琴聲滄海上吾欲問成連  
神交十餘載今始讀君詩一卷淡相對千秋勉其期快

見山樓詩集

題詞

一四明叢書  
約圖刊本

談傾積慄豪氣落深卮所惜萍蓬合春風易別離

題見山樓詩集

嘉善 張寶仁 香巖

名山慧業幾生修拔幟先登最上頭擊節高歌徵信史  
當筵豪氣歷名流一庭詩禮真傳守兩代衣冠古處留  
大好光陰消受得由來家慶重詩謀

荆榛徧地事長征單騎蕭蕭馬不鳴薊北難逢孫伯樂  
江南愁煞庾蘭成神仙眷屬曇花影書劍生涯畫餅名  
努力新編循吏傳英雄從此足平生

張麟洲大令之官漢南道出姑蘇旅館話舊感贈



二律

壽春  
孫振翮 養雲

十載不相見重逢意倍親  
君行將作宰吾道重臨民  
未改觀河面頻看許國身  
清秋鷓鴣健奮翼出風塵

片席浮滄海雙鳧下鄂州  
此才非百里佳句足千秋  
昔

是龍門客竹樵方伯曾  
延入幕今爲虎阜遊  
送君江上棹望遠

獨登樓

張菱舟明府之官楚北弭棹吳門恩竹樵方伯招  
同俞蔭甫太史孫養雲延小昉暨等祖餞於薇  
署之竹如意齋時當三秋集茲佳士攄綠波南

東山樓詩集 題詞

二四明詩  
約園刊本

浦之懷倚胡馬北風之詠詎猶六軍駐節偶賦  
層城九日開筵故誇勝會而已哉等與菱舟十  
載齊年一別如雨風簾燒燭月露未晞赤牒應  
官故人相對攬袂索句讀畫寫心庶幾南皮不  
忘之雅云卽求和正

錢塘 許等身 康甫

江上秋來好放船題橋此地比昇仙  
元規幕府慚齊軌

菱舟昔在方伯山左幕  
京兆聲名願執鞭  
誰謂出山非遠志  
況今

報國正華年舊時遊迹  
還能記鷓鴣洲前句待聯

荻花楓葉寫旗亭脫手沙痕一道輕  
秋到河梁無冶色

緣深香火自離情，劉遺白社圖雲霧。應璩西園餞月明，  
聞道峭帆淮海過。夜寒可聽澤鴻聲。北路大水

七里山塘思渺然，蓬窗四面水連天。笙歌不絕秋雲豔，  
鷓鴣無聲夜夢圓。畫裏溪山聊入詠，詩家主客亦留緣。  
年來綺語刪都盡，無那新愁到酒邊。

風情曾記識荊州。余與菱舟初識面在浙江試院中唱徹驪歌正麥秋。

拔萃高才多擁傳，霓裳舊侶況同遊。寒潮鄂渚迎官舫，  
黛色君山對郡樓。一紙詩箋珍重寄，直從楚尾溯吳頭。  
奉和叔復舟明府見贈元韻 長白恩錫竹樵

東山樓詩集

三四明

約區刊本

迢迢湘水一帆開，棹艤姑蘇百尺臺。共說江淹曾筆夢，  
果然張籍是仙才。寒天雁唳汀煙冷，秋樹蟬吟驛路哀。  
好向高樓訪黃鶴，步他崔李後塵來。

愧肆騷壇上將旂，天涯寥落友朋稀。郵程聽水滄聲壯，  
祖道持杯酒力微。秋柳幾行吳月淡，驪歌一曲楚雲飛。  
定知分手長亭路，空羨帆檣宿鳥依。

再疊前韻誌別

恩錫

蠻箋十樣筆花開，作賦應登宋玉臺。額下探驪原妙手，  
夢中吐鳳果奇才。登臨大有風塵感，砧杵頻催木葉哀。

縱使扁舟飛櫂去短書還許雁傳來

鎮鳴鶴首閃牙旂莫恨恩會面稀鄂渚蒼苔煙水闊  
越山超遞夕陽微詩情過眼秋雲薄客路驚心暮雨飛  
無計留君无勅酒臨歧把袂且相依

秋日悟慈谿張麟洲得讀其見山樓集漫題二律

錢塘諸可寶 遲菊

狂書白練裙醉席一逢君海內有韓孟年家託紀羣多  
才此遊宦把酒快論文未厭百回讀盪胸疑岱雲

筆陣不可接詞鋒淬太阿我來黃鵠渚真有落梅歌古

見山樓詩集 題詞

四四明發書

約圖刊本

思門臨野遠懷秋渡河天然具風格莫道豔情多

都中有懷張麟洲因綜計聚散之跡作爲此詩

尹金莢 秋雪

溪上何人是奇士眼中所見惟吾子詩歌上訴三百篇

議論橫驅廿一史我初識君君二十來向文場作勁敵

風檐鏖戰苦相持壁上人譁兩奇傑君登竟把赤幟麾

我退空驚寶刀折

每歲科試余二人輒列前茅庚申考選拔余以一字之誤竟爲君所得

浮名得失何足計與君文字終相契談空說有其不眠

載酒花前更聯襪去年同作都門行樓船十丈浮滄瀛

登舟忽發蘇門嘯海若出聽天吳驚到來京國春正好  
梅雪乍過梨雲曉停車古寺別蘇碑步屐閒亭拾瑤草

同遊天靈寺  
陶然亭諸勝

狂奴心性兩不羈投壺六博相娛嬉當時

豈識別離苦但道歡樂毋相疑東風摧折離亭柳停雲  
落日空回首君行去食武昌魚我留獨醉長安酒昨宵  
忽夢黃鸝樓酒星卻在樓上頭銜觴共矚晴川樹弭櫂  
還尋芳草洲不知身世閒南北遠道且喜從君游丈夫  
豈合耽邱壑漢上牽絲良不惡所嗟老醜寡朋儔作得  
新詩怨離索

東山樓詩集

五

約園刊本

得麟洲漢南來書并示近作卽次其贈竹樵方伯

詩韻

尹金葵

客邸春深芍藥開一樽別酒共登臺固知潘岳真仙吏  
可但張衡是雋才鄂渚秋風帆影亂楚天寒雨角聲哀  
吟成卻憶長安客一紙遙憑雁寄來

曾向騷壇鬪鼓旂交情膠漆世原稀壯遊君已題黃鶴  
拙宦余慚供紫微京洛緇塵衣盡化漢川雲樹夢頻飛  
可知王粲真無賴欲向荊州覓所依

聞江蘇方伯恩竹樵先生將刻見山樓詩因至鄂

求其全集喜極有感作此寄麟洲先生兼贈方

伯

王定祥 綬雲

書生不幸不生三代前詩歌譜入三百篇又不幸不生  
漢魏兩晉時采入昭明文選詩煌煌今古大文章不逢  
知己終淪亡莫爲之後盛不傳莫爲之前美不彰近來  
當路名公卿提唱後進無其人奇才抑塞長陸沈誰復  
賞識到風塵國初已來詩才出大半皆由推挽力宋王  
宏瑗最風流徐韓好士能物色海內壇坫樹風聲廣搜  
名人俱著述厥後繼起希與沅愛才亦足稱盛德二百

見山樓詩集

卷四

八十四

一約則川本

年來誰復爾一經品題成佳士不圖風雅久沈淪乃有  
恩侯尙如此不才久耳明公名每爲先生代感情得非  
李白遇荊州無乃鄭公待杜陵況聞千里求名稿將爲  
先生付梨棗會看大集出槃槃壽世榮名非草草姑蘇  
達官多名流漫堂潛庵無與儔從今後起更有公三人  
鼎峙堪千秋我念知音不易得聞風興起心悽惻天涯  
冷落空山寂自別先主誰鑒識半生知遇亦非偶極目  
雲山時翹首便問楚樹與吳雲兩地相思同我否

題張麟洲明府見山樓詩集

長沙

吳式訓

松麟

勝地誰賓主風流獨擅場文章經閱歷詩酒縱顛狂不以功名薄而妨逸興長奇才兼李杜大筆邁鍾王意氣雲千疊襟懷水一方何緣借吏隱裘帶古循良

送張麟洲明府歸慈谿

吳式訓

聚散原無定追隨恨太遲論文共昕夕得意略尊卑雅

抱千秋鑑難忘一字師我漸葑菲質公廢蓼莪詩

時奉封翁

諱倉卒返鄉國須臾傷別離楚江風雨疾雨水夢魂馳

分手自茲去孤蹤何所期從教知己淚時望海天垂

張麟洲大令歸自襄陽重讀其見山樓詩集因題

見山樓詩集

題詞

十四明樓書

約圖刊本

錢廷綸學史

淋漓大筆重詞壇一卷詩同信史看才似杜陵多痕迹天教張籍起微官百年湖海交情擊三楚煙雲眼界寬如此江山著仙吏何嫌身世誤儒冠

歲筆南閩又兩河奚囊詩好記遊多武夷歌起停舟聽  
參岱雲開按轡過大澤名山憑點綴斷碑殘碣任摩挲  
千行醉墨留題處分付山靈好護呵

角聲嗚咽柁聲柔落拓申江憶舊遊五兩翻風春選勝  
十千美酒夜澆愁君因祿養甘微秩我獨歸來賸敝裘

數載相思重相見直從楚尾溯吳頭

天南地北悵離羣楓落霜清又遇君三徑菊存陶令宅  
一罇酒讀謫仙文鱸魚風味閒中領  
鸞鳳清聲座上聞  
乘興高歌還痛飲生平豪氣總如雲

慈谿縣志本傳

張翊儔字菱舟號麟洲咸豐辛酉拔貢生朝考二等以  
知縣用分發湖北戊寅五月卒於興國差次著有見山  
樓詩文集



見山樓詩集總目

卷一

古今體詩一百三十九首

卷二

古今體詩二百十二首

卷三

古今體詩一百六十一首

卷四

古今體詩一百八十二首

見山樓詩集卷一

丙午至庚申

清慈谿張翊儔麟洲著

青陽

青陽舒氣大地風興喜贏而發大德曰生和以甘露怒  
以震霆動物斯啓植物斯萌華鐙朱幕黼飾太平芸生  
受祉春臺是登

朱明

朱明炎炎日德所被繼長增高暢我庶彙芄芄者苗離  
離者穗碩大且蕃豐年爲瑞華實兼收性情畢遂戒愼

見山樓詩集

卷一

一四明叢書

約園刊本

持盈君子攸畏

西顛

西顛清泚萬物作肅商氣西來戕我庭木嚴風鼓莖清  
露零粟農夫有慶登茲百穀發之收之栽培傾覆搏節  
明禮筋骸自束

玄冥

玄冥陰沍蓋藏是遵天騰地降悶悶淳淳萬類空枯是  
爲道根毋搖爾精毋蕩爾神安身靜體深合黃純堅固  
不落仁壽我民

擬猛虎行

處世徒爲狐鼠侮入山寧與猛虎遊猛虎豈不畏受侮  
良失謀山君一怒林風號麋鹿奔竄狸鼯逃虎性奇傲  
無媚骨日暮荒山忍饑渴松柏日短羅網多虎兮虎兮  
柰爾何

擬善哉行

來日苦少去日苦多我欲返日柰無魯戈一解堂堂歲  
月如駒過隙朝饗夕飡飽食可惜二解仙人招我遊戲  
天門駕龍騎虎猝不得馴三解印何纒纒綬何若若思

兗山樓詩集

卷一

二

四明叢書

約圖刊本

濫其筭羣笑南郭四解腰纏十萬棄儒而賈大婦篋篋

中婦歌舞五解蝸蟾歡喜能得幾時蜉蝣紛飛朝暮爲

期六解砥德礪材令名是寶何慮何憂永錫難老七解

擬西門行

出西門多煩憂來者不可恃去者不可留羲和疾奔駛  
人命如寄郵一解云胡不樂置酒高堂趙瑟秦箏越女

吳倡宛轉絃歌發清商華鏡百枝輝洞房朱帷翠幕天

無光夜如何其夜未央二解夜長日苦短暮色崦嵫來

昨日池館今日蒿萊智愚寂寂同塵埃功名富貴安在

哉三解 萬歲爲樂樂亦有期古人不自惜今人代傷悲  
旨酒盈金卮酌君君莫辭宴飲致足樂遐壽天與齊四解

擬東門行

出東門心茫茫入室無儲糧出門無行裝西風悽厲涼  
天隕霜野田棘刺牽衣裳前啼熊虎後豺狼行役死異  
地不如忍餓歸故鄉歸來日云暮引領還入房妻子色  
愉悅采藿作羹湯棲棲皇皇道里阻長不如歸來守我  
故常安貧勵清節久久自芬芳不枝不求何不臧但保  
金石心貧富庶兩忘

東山樓詩集

三四明發書

約園刊本

雍露曲

天蒼蒼兮地茫茫兮日昃月虧經有常兮四時代謝菁  
華藏兮人焉中處靡自長兮

蒿里曲

鬢鬢冢青青蒿下狐窟上梟巢無賢無愚魂不得招生  
前苦饑餓死後傷飄飄白楊樹風蕭蕭舊鬼哭新鬼號

擬唐人出塞

渺渺黃沙路茫茫黑水流將軍期破敵一夜出秦州旗  
溼霜花重腰橫劍氣秋未能酬主遇敢望大刀頭

乞巧詞同四姑氏

芭蕉

兄雲卿作

盼斷蛛絲漏已殘  
滿身涼露倚雕欄  
癡情莫笑閩中女  
千古才人守拙難

擬古別雜

去去碧江頭  
客舟輕如葉  
不見送行人  
落花隨雙楫

芝城漫興

蘆根青後鰕初上  
梅子黃時蛤正肥  
想殺故園好風味  
年年何事未成歸

建甯官署漫成呈四姑氏家兄

見山樓詩集

卷一

四四明叢書

約園刊本

老屋摧頽長綠莎  
衙齋岑寂似巖阿  
橫藤礙路蛇歸洞  
玉樹迎陽鷺出窠  
故里關河三載別  
少年辭賦一家多  
其娛白髮呈新句  
重慶堂前幾度過

崇安

石鼓堂凌漢大王峯  
插雲我來武夷曲  
不見武夷君  
簫響幾時息  
權歌空際聞  
山靈苦塵俗  
茶市日紛紛

崇安署中觀趙清獻公手植紅梅

高風琴鶴古今誇  
清獻祠堂夕照斜  
莫問千秋循吏事  
官梅紅發宋時花

擬古

飄蓬本無根何有遇合時丈夫愛遠遊悠悠竟何之美  
人怨遙夜月落空帷遲露氣滿清秋庭外紅蘭滋露輕  
蘭葉榮露重蘭葉衰采蘭置懷袖欲以遺所思榮衰一  
任君此心君未知

山居和家兄韻

夕籟風篁急層陰煙樹深藤青危石絡潭碧亂星沈猿  
鶴參新契詩書發古心有誰吹鐵笛引起老龍吟

故宮柳

見山樓詩集

卷一

五

四明叢書

約園刊本

猶是昭陽舊舞腰春來還發短長條數行寥落東風裏  
倦眼青青送六朝

秋日旅感

乾坤浩蕩新爲客身世蒼茫獨倚樓萬壑葉聲溪口雨  
半天帆影海門秋荒原霜重饑鷹出故壘風高旅燕愁  
無限歸心託雲樹鄉關遙在海東頭

過嚴灘

羊裘人去釣臺虛寂寞磯頭坐老漁兩岸青山雙槳水  
隔船猶賣子陵魚

釣臺懷古

萬古清流此灘水先生祠宇尚江村飄零眷屬神仙貴  
終始交情帝子尊山水有心成獨往江湖無夢到重闈  
釣臺自是劉家土大澤披裘亦主恩

塞上曲

暮色營門上凍旂故鄉盼斷寄寒衣雪花一夜大如掌  
偏向長城窟裏飛

磧裏風高砂卷地塞垣霜重月當天笛中吹出陽關柳  
不識春光已十年

鬼山樓詩集

卷一

六

四明叢書

約園刊本

子夜曲四首

爲歡剝蓮子切切與歡語食蓮莫去心要人識甘苦  
望郎郎不至見郎無片詞向壁轉羞澀不如初見時  
歡爲樹上綿妾作機中綫尺寸皆有致不愁中道變  
裁錦作荷囊袞袞牽素絲遺歡留作佩貯此長相思

題宜黃陳少香大令

借煉

鷗汀漁隱集後

鬢齡豈解文章事讀到公詩意興長舊識雲卿交膳部  
未隨王粲拜中郎老來宦迹符鷗夢早歲才名重梓鄉  
辛苦春官曾九上卅年賺得鬢成霜

薊門風雪楚門煙終歲依人劇可憐詞翰縱橫蘇玉局  
鶯花潦倒杜樊川曳裾恥列三千客奉母空思二頃田  
奔走甯甘隨燕雀承歡毛令已衰年

越王臺畔駐鳧時飽噉南荒好荔支從古才人多薄宦  
本來循吏最工詩永豐春在堪娛老江鮑名傳況有兒  
歲歲緘愁付彭蠡湘裙繡葆豔新詞

一爲遷客淚重潸竟有文人福命慳世味艱難燕市酒  
宦途險阻晉安山黃梁夢醒餘吟篋白首心傷出玉關  
絕域荷戈休悵望君恩終許賜刀環

東山樓詩集

卷一

七

四明叢書

約園刊本

春夜江樓聞笛

浩渺江天動客愁春宵風景似新秋一聲玉笛知何處  
人在桃花水上樓

送遠曲

諧談未已驪歌起送君一別幾千里主人把酒客不辭  
雲在船頭月在尾舟子無情促就路孤帆一片渺何處  
楊柳依依喚不同落花冉冉人歸去

天色寒甚殊有雪意口占

欲雪未成雪空庭一夜寒梅花偏耐冷扶影上闌干



梅花

美人衣縞素日暮倚江干流水杳然去一枝春雪寒

少年行

玉驄金勒赴三秦劇孟袁絲是故人一笑出門持劍去  
回頭猶未受恩身

讀史記

立誅司馬還軍日怒解鴻門一謝中若論古今真大度  
敢云隆準勝重瞳

自君之出矣四首

東山樓詩集

卷一

八

四明叢書  
約園刊本

自君之出矣愁見水潺潺江潮猶有信一夜一回還  
自君之出矣階草懶重看東風不解事吹綠上闌干  
自君之出矣無意理瑤箏相思元有曲祇是不成聲  
自君之出矣華燭怕燒紅會得愁人意相看淚眼同

閨怨

遙夜應多思如何歸信無翻疑今夜月偏不照兒夫

瓶花

膽瓶供得小桃紅有限生機勺水中自是託根太孤冷  
飄零何事怨東風

鷺

一鷺立釣磯側伺魚兒上展翅忽飛來啄碎桃花浪

甬上寓廬感懷

天涯旅館仍霜露永夜殘燈鎮寂寥詩夢悽惶高閣雨  
客愁來往大江潮宵衣北極憂殊切野哭南方魂未招  
寶劍早煩鑿勃海登壇豈假霍嫖姚

三月得舅氏陳蘭生先生祖彝揚州消息

故里鶯花暮江南戰伐新本爲羈旅客況作亂離人鋒  
鏑寰中血蟲沙劫裹身芒鞋幸無恙辛苦逐流民

見山樓詩集

卷一

九四明叢書

約開刊本

贈赤城金聽秋濬卽送歸天台

邂逅相逢恨見遲江樓尊酒定交時稱名客路來今雨  
投刺花前有小詩雄筆自當千古映布衣共有百年期  
何因潦落征塵裏吹上星星鬢畔絲

橐筆年年事浪遊偶然來過古明州閒身到處留鴻爪  
妙墨無人識虎頭五夜鄉心虛幌月一肩行李大江秋  
家山漸近遊人老指點煙雲歷亂愁

風塵難得九方臯寒色蒼茫上佩刀半世窮途遭白眼  
廿年爲客老青袍登樓王粲身猶寄投轄陳遵氣尙豪

酒罷瑤琴訴清怨海門風緊月輪高

西風吹動少微星何惜征車不暫停江口去帆孤鳥遠

馬頭殘照九峯青遊蹤重約鶯花暮別緒難消長短亭

擺脫塵鞿知未得天台遲爾覓仙靈

繪有名山  
訪道圖

### 閨思

衾冷不堪眠空自蕤龍腦只有圓蟾輝依依入懷抱

### 擣衣曲

空庭一夜霜如雪砧聲敲碎梧桐月把杵傷心淚不乾  
翠袖天寒自嗚咽苦念今宵萬里人沙場獨洗征袍血

見山樓詩集

卷一

十四明徵清

約圖刊本

### 易水

酒徒掉臂咸陽去終古蕭蕭易水寒豈有頭顱還楚將  
竟能鹵莽報燕丹劫盟翻使雄心啓醫國全憑劍術難  
當日賓朋拚一哭西風哀動白衣冠

### 仙臺

曾懸駿骨招英傑又築高臺望帝鄉人世自甘售死藥  
神仙無意誤君王茂陵松柏陰風起涓曲煙塵輦路荒  
都向瑤池盼玉母蓬萊弱水總茫茫

### 車遙遙

車遙遙馬洋洋明河月落天降霜膏車秣馬遊四方君  
海角妾天涯君晨發妾夕啼願天不生輪與蹄生生世  
世無別離

烏啼曲

吳宮棲烏啼月明梧桐葉墮秋風清葉墮盡烏啼死祇  
有君王不得聽臺上臺下皆歌聲

春詠

青春如過客幾日別人忙芳草薰閒幕濃花謝洞房驚  
風鶯入院愁雨燕棲堂果是金徽遠屏山離夢長

東山樓詩集 卷一

十一四明樓書

約園刊本

江樓看雨

樓閣峙滄溟龍歸雨氣腥日沈千嶂黑山壓半江青宇  
宙酣新戰文章負妙齡憂時頻看劍灑淚向蒼冥

重陽後二日二十初度感賦

陸機賦筆傳京洛王勃文名噪馬當百歲光陰剛弱冠  
廿年佳日況重陽螢窗雪案勤勞習人事天時感慨長  
珍重青春好努力輕肥恥逐少年場

椿萱老健垂重蔭世業清芬守畢生梁氏夫妻偕隱迹  
謝家兄弟忝詩名湖山有美供新詠隴畝無多足耦耕

駟馬高車宿素志題橋意氣漫縱橫

蔓延寇盜盈天地歎息兵戈有歲年楚國江河流戰血  
石城鼙鼓動樓船誰籌蜀漢千艘粟愁控臨淮十萬弦  
一卷陰符鏡下讀沈沈風雨草堂前

不挽軍前五石弓生涯猶作老雕蟲賈生人忌才華露  
太史文從閔歷工花竹荆扉秋入夢江湖鳧雁晚多風  
揮毫卻對延年菊且付豪情酒盞中

重悟聽秋

一夜春風起滿城桃李開故人曾有約千里肯重來吳

東山樓詩集

卷一

十二四明叢書

約園刊本

楚仍戎馬田園更草萊饑驅殊未已淪落惜奇材

買花柬內

海棠含雨懶無力芍藥臨風嬌可憐難得山妻不相妒  
典金釵作買花錢

憶女

嬌小殊堪憶春來久別離無知偏戀母多病轉愁伊牆  
杏窺妝閣江湖接短籬故園空有夢何日是歸期

千人壇

驪山之陵發於唐黃巢阿房之宮燬於楚火燒誰知道

蹟猶在勾章道數勿縹緲干雲霄居人云是千人壇秦  
皇此地求仙丹當時徐福多狂誕發人采藥三神山童  
男叩女浮海去雲濤雪浪神山路海水茫茫望眼穿神  
仙學竟在何處祖龍當死有神語不死之藥亦何補吁  
嗟乎英雄末路愛求仙方士狂言能惑主君不見上元  
太乙工祈禱真人應與天同老可惜宮車晚出時咸陽  
不是蓬萊島

金烈婦辭

有序

烈婦梁氏蚶城人嫁於慈夫業漁恆經歲泛海

東山懷詩集

卷一

十三

四明叢書

約園刊本

姑悍毒無人理婦固豐於妾時有豔婦者以金  
啗姑姑諾之以強婦婦矢志不從姑憤甚繫其  
手足納土穴中朝夕箠楚兼炮烙焉越三月卒  
不爲動鄰人鳴諸吏出之則已斃矣此其辛苦  
備嘗有英雄豪傑之所不能受者而百折不迴  
則又忠臣義士之所難也而乃得之兒女子乎  
張子哀其志而幸其冤之不沒也爲作是詩

相彼飛燕不亂其羣女子從一圭璧其身一解 姑兮甘  
旨是職是供姑兮禦寒是裁是縫二解 婦身勞兮姑色

不怡無踰我閑禮防自持三解 重違姑意燔灼任姑不

敢帝號體無完膚四解 婦肉爲焦婦血爲沸豈不愛身

豈不愛義五解 能燔婦身莫燔婦心婦身如玉婦心如

金六解 身不可污心不可沒彼婦之志可以貫石七解

烈婦之死溪水同清凡百士女期於一貞八解

### 西湖

畫船簫鼓鬧中流松柏西陵夕照收第一湖山詩酒國  
古今人物帝王州金牛蹴浪鳴寒月白雁驚霜唳暮秋  
惆悵時艱思將略岳侯墳上爲遲留

鬼山樓詩集 卷一

十四 四明叢書

約園刊本

### 渡錢塘遇雨

西風吹浩浩片席渡錢塘駭浪排高岸驚濤落大荒錦  
袍神自旺白馬恨何長不盡興亡感江流到海忙

驟雨來江浦狂風挾怒靈鯨鱗翻日黑龍氣擁潮青急  
溜艱舟楫新涼滿渚汀越山東望近疏樹忽明星

### 暮冬返里詢內近狀

恩恩歲盡始還家消瘦容顏別後加几案清疏縉貝葉  
軒窗晴暖護唐花連年荒歉愁親故一病支離感物華  
甬上風潮溪上月可知咫尺已天涯

感懷

歲月忽云暮天涯未罷兵長空數行雁風雪自南征烽  
火魂猶悸儒生世所輕驚人有靈烏試爲一飛鳴

哀無家

江西人某行賈吳越閒家有一妻一子去歲聞  
亂閉關而還比歸而妻若子杳然也余悲其遇  
作哀無家

美遊不如惡歸生離不如死奔走苦饑寒妻子隔絕  
久一解 天昏月黑烽煙高熊虎搏人豺狼號髮紛紛兮

東山樓詩集 卷一

十五

四明叢書  
約園刊本

風腥臊骨籍籍兮填城濠 二解 蒼皇歸故鄉雙足苦不

前遙望里門外野草何芊芊 三解 低頭入我室犬不吠

雞不鳴野雞肅肅梁上出狐狸驚鼠啾深窟 四解 禽則

有偶獸則有羣嗟我婦子爲沒爲存 五解 采蘘作藥采

粟作餐婦兮子兮誰與爲歡 六解 在地爲浮萍在天爲

明月浮萍有聚月有圓此恨絲絲何時絕 七解

聞秋

萬籟夜中發長空作怒濤寒林木葉下涼月海門高名  
恥因人著詩緣縱酒豪憂時還自奮頻看彥深刀



秋夜江樓

遙天一片月流影落高樓海近星河潤江空枕簟秋笛  
聲驚宿雁鄉思託牽牛明日買舟去故山叢桂留

悼徐孺人

壽天云有相相經可不讀人生云在天天意何反覆嗟  
我糟糠婦顏豐而性淑能得重聞歡矧乃姊妯睦一病  
竟不瘳鬼伯何迫促食貧卿自甘齊眉我無福崩摧五  
內傷欲泣淚在腹

病婦臥帷牀計時值良月蓬首久不理鬢髮盡成結氣

見山樓詩集

卷一

十六

四明樓書

納園刊本

息微似絲肌膚寒於雪舅姑入室來欲問心慘裂病婦  
謝舅姑冀得慈心悅但言疾少瘳未語聲先咽

我昔縱酒狂一飲傾一斗對月飛巨觴邊惜醉濡首慮  
我體太弱往昔勞苦口可憐永訣時含淚執余手未識  
卿何言心傷不忍叩舌卷已入喉猶聞呼酒酒

皎皎明月落寂寂疏簾垂熠燿殘燭光瑟瑟淒風吹耿  
耿河已橫切切心成灰一室聚哭聲望見靈牀悲送汝  
夜臺去問汝何時歸

慘慘白日昏空房暮逾寂之子竟長往衾枕無顏色魂

魄翼一逢假臥時屏息微風鏡動搖恍惚若有得帷榻  
故依然浮塵日以積巡視思其人疑信轉交迫晨雞伊  
啞鳴寒蟲動四壁長夜浩漫漫思君此何極

雜憶

鎮日窗前守藥爐驚看消盡舊肌膚偶因理髮牀頭坐  
瘦骨支離不易扶

一炷名香酒一尊衣襟長濕淚雙痕知卿生小甘清淡  
寂寞靈筵薦菜根

又聽慈闈述夢奇長眠人有返魂時漆宮已作蠶絲裏

東山樓詩集

卷一

十七

四明叢書

約園刊本

翻悔當時一慟遲

愁鎖眉頭久不開年來祇是病爲災添將笑靨遺容裏  
如此歡顏見幾回

牟珠金扇與香篋分贈從前姊妹行惟有合歡親製扇  
任他塵鎖縷金箱

憐君未免怪君癡敝盡衣裙尙護持翦得石榴新色樣  
幾曾見爾上身時

篝火縫衣每夜闌剪刀聲裏指尖寒殘經脆緯餘鍼帖  
拋向閒窗不忍看

脂箱粉盞病時疏遺物淒涼檢點初藥裏中猶留手迹  
驚鴻認取隔年書。

未換秋風一幅巾勞卿軟語慰頻頻如今猶對空帷泣  
下第人爲失偶人

獨支鰥枕歲寒心窗外梅花月又侵破紙夜來風過處  
卻疑牀上有呻吟

畫樓催動五更鐘夢裏何緣一笑逢地下定知無藥餌  
至今猶是病時容

小泊烏篷大道邊婦家重到意茫然去年二月春風裏

東山樓詩集

卷一

十六

四明叢書

約園刊本

帽影衣香共一船

忽見離離草又青更添愁思向閒庭春歸路比泉臺近  
猶有東風爲喚醒

鐙夕

且逐遊人走月明滿城簫管鬧春聲前年記與華鐙下  
梅影當窗互寫生

看鐙人逐軟紅塵鬪酒徵歌樂事新今夜闌中諸少婦  
幾家愁煞醉歸人

遲遲漏箭畫堂深椒酒盈樽次第斟此處豈容卿位置

香燵燈火倍傷心

對畫癡心祝再生相思訴盡總無聲鄰家女伴偏多事  
猶指遺容說性情

新年漫成

雨江寓  
盧作

寒暑承天運隆冬忽已謝旅人臥高樓江春入殘夜星  
霜逾七載歲月如傳舍春風扇樹梢薄寒解亭榭世俗  
爭試鏡十里珠樓下且逐夜遊人莫問金錢價譜作太  
平歌言迎東皇駕

吾邑有廉吏吾邦多豐年比戶鮮追呼夜行無控弦願

見山樓詩集

卷一

十九四明叢書

約園刊本

此僻海隅眾志堅城堅沉彼阨險要可無守吏賢兵甲  
滿關河烽燧光燭天請纓詎無志時事良可憐翹首望  
昇平目斷長江邊

不有源本思人生竟何託再拜瞻影堂執事凜有恪聰  
強我王父勛勵更奚若讀書期有用所貴經濟略殘編  
從吾好硯田良不惡愧予小子拙無成一如昨載賡述  
德詩才氣慚康樂

春寒殊未已高齋餘殘雪小硯時摩挲鸚眼青欲活几  
案淨無塵蘭亭玩竟日生涯筆墨中聊可自怡悅所惜

綺窗前寒梅花如綴誰與夢羅浮故里空明月

橫塘曲

妾家住橫塘郎舟渺何處卻問別人船道是還鄉去  
朝朝見船開暮暮見船泊愁共江潮生不共江潮落

書摩詰詩後

經典暮年耽梵悅琵琶早歲盛詩名凌雲誰敵新詞賦  
狗監功名惜長卿

感事十章

青燐新戰骨日浪古渝州地險有時奪天驕盡族留犬

見山樓詩集

卷一

二十四明叢書

約園刊本

羊喧列肆蛟鱷避行舟秦漢無長策終成百代憂

依海推名郡臨江峙大城樓臺競金碧士女尙驕盈羅

綺春無色絃歌夜有聲誰能行儉德爲洗此風清

人滿天心厭時奢物力殫豐年新米貴喬木故家寒虛

牝金空擲殘棋劫欲闌催科徒自力轉恤使君難

惑眾同巫蠱傷財過錐盧圖開點鬼簿人盡牧豬奴顛

倒荒紅女淫昏事紫姑可誅緣敗俗慎勿有狂愚

村落呼號急城垣鈴柝高攪金淸晝士帶劍綠林豪入

穴虎斯得穿隄蟻漫逃猶聞矜盡戮毋乃長官勞

市虜揚眉日斯文掃地辰冠裳淪竈養裘服僭舟人大  
俠名猶竊貲耶例自新金門饑欲死臣朔正愁貧  
籌餉勞黃屋藏金溢紫標豈容程卓富不報聖明朝涓  
滴竟何補恩榮偏屐邀君看輸粟者徧插侍中貂  
錢幣奸生蠹魚鹽利擅商弄兵因積憤畏死反跳梁腥  
血膏叢莽殘骸蠹野塘招徠賢太守不戰意何長  
此鄉猶幕燕大地盡嗷鴻命奪干戈衰魂招道路中無  
依愁草露得食鬪兒童我亦憂離亂他時瓊尾同  
滔滔甬江水莽莽越山雲六邑屏東浙元戎典重軍舳  
艫波不起刁斗夜無聞坐鎮資談笑誰憐宵旰勤

送葛似山茂才航海之粵

離筵握手重徘徊萬里饑驅事可哀幕府棲遲消壯志  
天涯寥落老詩才孤帆海舶春風健一夜羅山別夢迴  
垂暮高堂勞倚望爲言遊子早歸來

贈黃巖蔡申甫茂才

燕某  
卽留別  
時同客  
武林

君是詩狂我酒狂相逢忽漫在錢塘依山樓觀秋聲動  
繞郭風潮海氣涼鄉夢榮迴千里月寓廬吟嘯一天霜  
金峨蓋竹遙相望雁過休忘報數行

自杭歸里

朔風攪樹泣鴟鴞日夕孤城轉寂寥晴雪樹頭長作雨  
野塘冰底暗通潮閩中燈火留情話客路星霜憶昨宵  
獨有閒情媚邱壑故應無分向雲霄

衢巖告警姑蘇劉培甫

傳本

陳夢樵

祖級

招遊吳

門詩以謝之

烽火連天逼暮春睦州城外劫灰新一家骨肉悲同命  
千里音書責故人海國風波愁我險吳宮花草約爲鄰  
白頭兩世椿萱在敢向天涯浪寄身

見山樓詩集

卷一

三

四明叢書  
約圖刊本

寄內

持家辛苦近何如鎮日眉頭定未舒蠲忿莫刪階下草  
得閒好理案頭書夜深燈火明妝閣江上風濤撼寓廬  
多病總緣離思重莫將寒暖祇愁予

擬同谷七歌

有客有客麟洲子巾衫落拓書生耳興至時還讀我書  
不識人閒有青紫胡不我後不我先江湖滿地浩如此  
嗚呼一歌兮發長歎天荆地棘行路難

人生樂事不用一錢買兩世高堂各健在無端身世遭

亂離行歎坐愁苦不解朝朝暮暮老人心鬢毛如雪容  
顏改嗚呼二歌兮心煩憂慈烏夜夜啼枝頭

阿兄吾家謝康樂作爲詩歌才不弱筆底風生走怒濤  
行閒霜冷飛蓮鐔對此忽覺豪氣盡置酒尊中空獨酌  
嗚呼三歌兮心永傷愁雲爲我橫高岡

有妻有妻來名門亡者已亡存者存存者藥裹不離手  
亡者環佩無歸魂與子乖離未可定哀哉况爾長眠人  
嗚呼四歌兮歌愈促一室人聲雜鬼哭

有子有子襁褓物爾何爲乎生今日鬢髮垂垂露頭角

見山樓詩集

卷一

三

四明樓書

約園刊本

笑口啞啞爭梨栗弄兒牀頭樂事多我今對之轉蕭瑟  
嗚呼五歌兮淒以長燕雛學語棲屋梁

有家有家山城中僦居聊蔽雨與風烽燧漸逼可奈何  
旅焚安保巢不空人生在世若朝露何況區區數畝宮  
嗚呼六歌兮歌欲寂風聲雨聲寒四壁

我欲從軍赴玉關古來征戰無人還我欲采藥遊仙竇  
海上何有三神山登山涉水行復卻雲霧四塞蛇龍頑  
嗚呼七歌兮歌聲杳出門四顧乾坤小

雪夜有懷長沙周韓城師

玉麒



青衫寥落有啼痕，知遇難忘舊日恩。  
自恨荒莊同陸氏，每逢深雪盼程門。  
文章沉澗三生契，風月婆娑一老尊。  
同是公家桃李樹，尙容遲發待春溫。

三月大雪杭城失守挈眷屬入西魯

天末妖星驚入度，嶺頭飛將枉當關。  
三春道路仍殘雪，八口流離且亂山。  
滿目艱危難自救，如絲骨肉盼生還。  
羈魂甫定憂端起，松柏西陵哭望聞。

西魯

溪流十萬丈，倒飛作晴雪。  
烏道鑿半空，亂山如笏列。  
幽

見山樓詩集

卷一

三四四明叢書

約園刊本

居竹陰深樵徑人聲絕，武林盛豸虎烽火。  
連天黑西湖桃李花，都作可憐色。  
顧此荒僻地，雞犬亦愉悅。  
昨日襍被來相對，各嗚咽。  
得所聊羈棲，家鄉不堪說。  
攬景發哀歌，臨風心似結。

清明

杏花飛盡柳條青，如醉春愁喚不醒。  
正是禁煙時節也，滿城烽火在西泠。

鄉居呈家兄

多病身猶弱，無家累轉輕。  
百年生死感，空谷弟兄情。  
天

地還風鶴饑寒更甲兵長鏡聊託命山雪沒黃精

白衣仙人歌

天竺高據羣山巔樓臺金碧煙雲連中有仙人七寶裝  
白衣跌坐圍青蓮年年浴佛爭祈福四郊楊柳連天綠  
畫舫遊行湖外湖麗人來往曲江曲長隄十里香風襲  
遊蜂浪蝶穿花急寶馬林中緩緩歸翠鈿陌上紛紛拾  
今年繁華勝去年傾城士女何聯翩奇禍誰知起不測  
香煙未散飛狼煙烈焰漫天殺氣生刀光閃爍霜花明  
清淨場中虎豹入綺羅隊裏豺狼行繡裙飛盡錦衣裂  
玉釧委地金釵折殘肢塞池池上平波聲滾滾淘紅雪  
哀號呼救力已竭愁雲隱隱風瑟瑟白衣仙人空際立  
手握楊枝語不發

喜聞杭城收復

迅掃妖氛幕府開海濱喜見捷書來張巡幸賴危城守  
李愬原推宿將才草草湖山埋碧血寥寥池館沒蒿萊  
愁顏莫便將軍破赤地猶聞野哭哀

賊竄姑蘇喜陳夢樵攜家歸里并懷劉培甫

我亦傷弓鳥君爲虎口餘鄉音猶未改兵火竟何如惆

悵三年別艱難一紙書隨州獨不見離亂更愁余

新晴登鳳皇山有感

崖石童童秋氣橫芒鞋一兩趁新晴風迴深谷層陰起  
樹落殘虹斷澗明千頃田荒餓鼠雀大江波湧舞蛟鯨  
英雄髀肉生如許李蔡何人淚得名

贈武林歌者紅雪

回首吳山有所思滿城簫管月明時江山錦繡今何在  
怕聽秋娘唱竹枝

六橋桃李付塵沙霧鬢雲鬢怨落花一曲念家山唱後

見山樓詩集

卷一

二六

四明叢書

約園刊本

獨將清淚灑琵琶

見山樓詩集卷一

見山樓詩集卷二 辛酉至壬戌

清慈谿張翊儻麟洲著

正月婦病方劇丹徒張星白師 錫庚 適見召遂有

台州之行口占留別

此去無多日胡爲淚不乾憐卿扶病送使我別離難雨  
細燈花暗風高客路寒莫愁歸信滯應未及春闌

大橋阻雨

兩雨風風一道斜荒涼旅館暫停車雲迷村舍全成墨  
水沒谿橋半汨沙絳蠟燒殘渾不寐濁醪醉後苦思家

見山樓詩集 卷二

一四明叢書  
約園刊本

憊憊此夜瓊窗裏瘦損寒梅一樹花

梁陸驛

雞聲北舍還南舍馬首前巖又後巖客裏不知春已老  
落梅如雪點征衫

新橋

四山一谿水十里萬梅花雪霽煙籠舍風迴路漲沙勞  
人驚物候佳日怨天涯林木故園好春深不到家

相見嶺

東嶺名相見西嶺名相見同是嶺上人相見不識面

曉發桑州嶺

隱隱晨星落迢迢石徑斜  
枯松猶帶子敗竹漸生花  
粲盡饑鴻雁山深蝥蝱蛇  
憂時增百感不獨怨天涯

甯海道中

霜氣山山白春深草尚凋  
荒墳纏薜荔枯木泣鴟鴞  
屠割生靈慘催征俗吏驕  
窺人有魑魅行旅日蕭條

途中偶成

垂柳已堪折啼鴉不忍聞  
客愁連日雨詩夢萬山雲  
車馬風塵悴荆榛道路紛  
荒村愁止宿狐兔恨成羣

見山樓詩集 卷二

二四明叢書  
約圖刊本

小洞巖題壁

旅舍淒涼易白頭一宵風雨屋如舟  
客中況味家鄉思  
迸作溪聲日夜流

臨海

驛路迢迢策騎過征塵僕僕奈愁何  
一溪流水鳴寒玉  
萬壑晴嵐疊翠螺落日影隨行旅散  
春風聲入鼓鼙多  
荒郊今幸無烽火古堠長看繞薜蘿

八仙巖

峭壁立半天參差花劍出巖泉  
飛白龍驚雷奮靈窟緣

磴愁苔衣攀柯穿石骨括蒼橫翠微滄溟浴白日絕頂  
凌層巒嵌空懸古刹老僧陪客遊殷勤爲陳說云有仙  
人臺鸞龍此休歇作賦素壁閒龍蛇認絕筆至今雲氣  
深時時覆石室我來悔已遲仙蹤渺琳闕黃梁雖幻情  
無緣望徒切不見邯鄲生夢醒轉蕭瑟

寄黃巖蔡申甫同年

相逢才卅月小別已三年舊夢西湖水新愁北固煙  
大固山亦號北固干戈危旅客風雨緊歸鞭百里郵程近猶慳一  
面緣

見山樓詩集卷二

三四明鏡書

約圖刊本

臨海陳衡士同年翰銓餞別清華閣卽席賦贈

傑閣參差倚碧虛行廚親爲薦嘉蔬蕉痕綠映詩人酒

花影紅扶長者車

時星白  
師在座

千點雲嵐風散後萬家煙火

午晴初芳筵餞我西歸客楊柳絲絲一帶疏

道出清溪距天台山三十里余以婦病憊促就道

不果登詩以誌愧

絕頂霜鐘已擱晨瓊樓玉闕望中新萬烽瀑瀉天池水  
百丈霞蒸海國春東閣梅花勞夢想北山松桂笑風塵  
歸心苦逐輪蹄急慚愧天台采藥人

書事

漢家無意事起荒不惜金縉餌犬羊北極終留冠冕地  
南天苦作戰爭場畫樓底事虛丹鳳歸騎何時擁白狼  
自是盈庭公輔意議和頻許郵支王

二月十二日抵家

去時燈火正良宵多少風光客裏消春鳥一聲催夢醒  
再遲三日是花朝

悼胡孺人

一病纏綿不肯輕恩恩收拾夜臺行枕痾已試奇方徧

鬼山樓詩集

卷二

四一四明叢書

約園刊本

微命終難鬼伯爭七尺桐棺千古別數聲莊缶百年情  
悲懷亦自知無益酒醒燈昏涕泗橫

猶憶天孫乍渡河綺筵簇簇好風多香車聲裏月初落  
畫舫歸時水不波兩字同心鑄玉佩一雙瘦影對銅荷  
歡情未散悲情續如此光陰太易過

井曰霜天賴爾操梅花蕉萃在江皋霜寒玉指衣新翦  
月冷冰蠶手自繰生小性情甘縞素從來意氣薄錢刀  
可憐骨立形銷日猶是人前說耐勞

抱出佳兒似阿侯盧家少婦暫消愁漸生頭角看初度

能識之無是去秋花落忽驚鬢影散巢空無復燕雛留  
年年枉祝官男草一檢兒衣一淚流

江頭戎馬驚心日堂上淒涼掩泣時相對無言空有淚  
未曾死別已生離鳥啼花落驚魂繞雪虐風饑瘦骨支  
一自清明歸棹後不堪銷盡舊丰姿

紅闌款語記依稀正值亭江乍賦歸銅漏聲遲宜罷繡  
玉階露重早添衣愁多易使芳情損病久休嫌藥力微  
底事囑君君不信翻勞舊恨訴靈幃

藥鑪燒盡賣文錢瘦怯容顏太可憐孤枕倚殘明月影

東山樓詩集

卷二

五四明叢書

約園刊本

重衾擁到暮春天玉釵敲斷真成識脂盃拋來已隔年  
長夜漫漫勞待旦青燈如豆照無眠  
祇望病從春日減春深翻是病深時醫言養胃宜清味  
我恐勞神戒苦思四壁呻吟愁似海五更風雨命如絲  
牀頭相屬無多語寒暖而今要自知

怕聽解脫唱黃雞夜色沈沈月正西留得畫圖難省識  
幸無兒女助悲啼春蠶殪後絲方盡青鳥歸來信已迷  
二十五年真就木如卿身後太淒淒

素幃寂寂暗傷神痛哭堂前有幾人入夢不來嗔夜短



營齋無力怨家貧，目原易瞑心難死。魂尙能招鬼尙新，  
一笑拈花將佛日。祝生淨土豈無因，卒於四月二日

觀物應傷奉倩心，房櫳寂寞恨人琴。鈿圓空牘雙鬢翠，  
釵冷猶留半股金。塵篋蕭條拋義髻，空牀撩亂疊羅衾。  
更從枕畔搜遺跡，一卷分明女史箴。

有人先故在泉臺，七載音容杳不回。離合悲歡催我老，  
新愁舊恨逐年來。鴛鴦夢早人閒斷，姊妹花應地下開。  
馬鬣雙封湖上路，淡煙疏雨總成哀。移徐孺人殯宮並厝慈湖之北

白髮飄蕭厭哭聲，謝公老去若爲情。傷心無計留嬌女，

東山樓詩集 卷二

六四明發齋

約圃刊本

揮淚翻勞慰館甥，今日承顏惟有弟。早年折玉已無兄，  
病中猶望登堂祝。錦襪羅衣手製成，五月爲外舅五十壽

徧地干戈客子憂，天台道上慢遲留。家鄉漸近心成結，  
安否如何夢亦愁。欲訴相思聲息薄，強言無恙淚痕流。  
早知聚首無多日，悔向天涯事浪遊。

蕉衫曾記伴湘裙，郭外同遊趁夕曛。鞋印迷離留淺草，  
衣香搖曳動春雲。無邊風月歸詞客，如此湖山著細君。  
白馬素車重到日，獨餘夫壻哭荒墳。

素顏冷落葬山阿，續命無湯可奈何。雙宿雙飛愁裏憶，

相嗔相愛夢中過緣如未了來生補死尙鍾情別淚多  
死後撫屍哭之淚出如雨祇恨仙山梯不到廣寒無地晤姮娥

翁萊仙秀才鑿將侍其尊甫琴堂先生泛海之遼

西詩以送之

南北奔馳事可憐歸來閩嶠又冰天暫拋故國三千里  
先訂歸期四五年濁浪夜粗淘海月天風秋勁送樓船  
此遊歡好嚴親博雙淚休教灑別筵

絕域天寒木葉凋客愁好借酒杯澆五陵年少邀看劍  
萬里平沙試射鵬詩入邊關音獨壯身經霜雪病能消

東山樓詩集

卷二

七四明叢書

約圖刊本

他時重話遼西事翦盡書窗燭幾條

蚤女曲

越山春草青珠江春水綠十五小嬌娃新妝豔如玉妝  
成倚碧紗雙鬢堆雛鴉小小綠篷船搖動花印花花田  
多素馨對影何娉婷瑤簪一一穿宿酒爲郎醒郎如江  
上萍妾似江中水萍開有合時水清波不起江水映顏  
紅靈犀默默通贈郎紫羅襪相思懷抱中相思何處著  
潮生又潮落盡日畫船頭低首弄絃索絃管日悠悠春  
心拾翠洲好風吹不斷和夢到羅浮

程不識刁斗歌 用昌黎石鼓歌韻

芒碭山中真人起大風臺上發浩歌追逐秦鹿有韓彭  
發縱指示歸蕭何蕩滌邪穢日正中削平四海韜干戈  
文景襲業享承平功臣宿將多消磨天生孝武振漢祚  
奇材異士皆搜羅當時名將程與李開闢邊郡功峩峩  
李以簡易程以煩文法嚴重無依阿軍中夜深擊刁斗  
戰士擐甲勞護呵至今流落滎陽庫銘志宛在非差訛  
土花剝蝕光陸離古篆屈曲盤蚪蚪製形類銅受一斗  
叩之則應鳴靈鼉我聞漢儀夜漏起城頭紛擊醒南柯

見山樓詩集 卷二

八四明叢書

約園刊本

周廬亦復持木柝侯士三百紛拋梭宮闕省闕各有備  
周衛嚴密懲委蛇鳳閣宵長肅阿監龍樓春曉驚官娥  
方今天下正多事對此不覺涕泗沱上公徒承主恩澤  
士卒未見鳧藻和營門箕踞吹笙竽行軍今古多殊科  
粵西蔓延及吳楚江南江北煙塵多供頓絡繹役牛馬  
韜重萬兩驅囊駝歡呼時雜歌吹聲縱橫屢見蛟龍過  
豈無陰符與六韜誰復揣摩知切磋百萬雄師壓江口  
投鞭可斷長江波當時若早嚴守禦行陣整頓安不頗  
吹笳擊鼓期無懈江左靜謐甯有他奈何坐令藩籬撤

不思振奮徒媿媿我覩遺物深歎息剗苔剔蘚重摩挲  
當世已無長樂尉側身四顧空吟哦武林至今苦兵甲  
東浙猶待肅鸛鵙熊足龍首製可撫無人約束事則那  
背生生不逢明盛奔走終日何坎軻願得良將扼險要  
破碎一角留山河有備無患古所訓幸告守吏無蹉跎  
廣杜前出塞六章

軍書催我去萬里赴戎行親朋走相送酌酒歌同裳王  
師討不庭除莠安善良吾儕小人耳何敢戀故鄉

邊地多悲風落日旌旗卷沙漠日以近骨肉日以遠生

鬼山樓詩集

卷二

九四明叢書

約園刊本

死寄他方敢望延殘喘威重性命輕身賤恩情淺

驅馬長城下月黑霜天高胡騎四圍合陰風相怒號左

射人墮車右射人伏破諸將競高會絲管聲嘈嘈

猿臂矜善射老死南山頭金印如斗大不識兜與鼙舉

世崇蠅電鹽車困驂騮何不據要津而懷數奇憂

墨磨盾鼻雲米浙矛頭月脫我舊戰袍紅濺猩狔血諸

君得虎子我獨探虎穴十年壯士心化作天山雪

枕戈宿草露北風何蕭瑟中夜夢故鄉恍惚入我室入

室見妻子相對舊顏色夢醒竟何在軍門吹筆策

廣杜後出塞九章

皇家嚴武備制兵有定賦歲發千萬緡恩重心自固承  
平數百年明文視爲具諸將利身家三窟營狡兔朝入  
中軍帳暮滅公徒數一人二其首此唱而彼赴持此股  
削餘不足供一屨釋甲爲市僧妻子猶待哺禍患起倉  
卒遊民爭召募生來不識戰謀食逐雞鷄

鴟梟滿枳棘鳳鳥鳴亦孤蓬蒿偏四野麻短誰爲扶嗟  
我耳家子辭家爲卒徒同隊肆焚掠禦人以自腴子女  
與玉帛堆積山不如從容戒同隊同隊笑我迂自言奉  
命來萬里入此都屠戮爾倖免何敢吝區區飲宴更爲  
樂白晝相叫呼主將寂不聞危坐觀兵書

今歲旣不征明年復不戰坐令疥癬疾釀成心腹變羽  
毛豈不豐棧豆誠可戀幕外列從官幕下羅俊彥偶談  
軍國事舉座口忽斂若不縱虎狼安知重鷹犬與師賀  
蘭阻築塢董公健甯爲守株兔不作離絃箭士馬今騰  
飽主恩逮卑賤豈無報國心力薄難自薦

賊梳兵復篋土兵乃如薙苦賊更苦兵村落無完地可  
憐諸父老相對各流涕足欲赴營門逡巡不敢詣叩馬

略陳詞主帥聲色厲爲言遠行役家室久離棄況復道  
途隔糗糧苦不繼爭室本人情就食亦常例我聞主帥  
言咄咄稱怪異一軍盡夢夢獨醒難爲計

豈無黃金甲燦燦輝朝日豈無三尺刀皎皎耀霜雪旌  
旂蔽遠空弓矢紛羅列昨日羽書徵今日全師出秣馬  
厲軍裝行陣劇嚴密強敵倏在前走若鳥獸疾聚之非  
一朝棄之不甚惜賊眾顧相笑彼勞而我逸

力戰在人先勦業居人後欲效不狃步難得狼暉友驅  
策分所甘韜略吾何有英雄用武時邊計身與首昨日  
下一城小醜爭奔走共論恢復功同輩多自負自笑同  
遼豕不敢居功狗君恩賜錦衣再拜顏滋厚

日高不得食秋深不得衣再拜告軍吏軍吏徒歎歎大  
官擁黃標囊囊日云肥安知千萬人今日寒與饑迫之  
使走險小人何足非有如水決隄一瀉不可追有如大  
廈傾一木不得支金珠齎羣盜名敗身殉之挾貨不爲

備人謂豚犬兒

將帥制閩外君命有不受文臣拘文義動輒掣其肘亦  
有袖手人從旁袒左右羣疑滋滿腹猜嫌起斗酒武臣

以爲可文臣以爲否戰守兩失宜心乖力不久坐看錦  
繡地相繼成盜藪勿身謝天下一死不掩垢長城壞萬  
里借問誰之咎

東北有壯士意氣凌其儔拔幟當一隊狼驚不可收招  
來字以恩百鍊鋼始柔賜之侍中貂爵之冠軍侯肘後  
黃金印胯下紫驂騮人心險江海變幻難預籌未效犬  
馬力乃與豺狼遊猛虎傳以翼反噬良可憂

十月二十三日家大人與儻守城中宅時眷屬已

避居西皋寇逼家大人入鄧命儻侍王父甬東

兗山樓詩集

卷二

十二

四明叢書

順道至西皋留別家人五章

伯勞與燕子東西各飛去我有骨肉親播遷無定處或  
在城之北空山渺雲霧或在山之西茫茫隔遠渡而我  
獨江東兩地不相顧悲風滿城郭奔走驚狐兔不有居  
者在米鹽誰爲慮不有行者在年老誰持護豈無兒女  
情大義不得住隻隻獨行役慟哭當歧路

城中有敝廬躊躇不忍棄薪木皆我有相看忽成寄念  
當違別離中夜起無寐山中有母在一訣苦不遂

家慈先居

鄧  
老父向兒語酸聲淩人鼻汝侍大父去仔肩亦不易

危邦而久居遺子庸可冀去去勿復道相見甯無地再  
拜辭父行痛極轉無淚

與子爲兄弟相依三十春讀書昧生理矧迺罹艱屯千  
戈催我去道路多杪塵瞻茲手足情恩愛何時伸譬彼  
連枝樹柯葉倏以分今夜一室中明旦江水濱上有祖  
母老下有諸姻親八口以累子勿復憚苦辛生當與子  
聚死當招我魂一別若千古哀此亂離人

而月爲我婦送我就遠道恩情苦不長訣別何太早中  
宵切切語氣咽聲逾小生離良可傷死別甯自保妾有

見山樓詩集

卷二

十三

四明雜書

約園刊本

白玉環光輝何皎皎脫作君纏臂魂魄長相繞勿謂輕  
賤物皓質以爲寶感于區區意相對心如擣

谿聲驚我夢殘月明屋北遊子夜中起對案不能食荒  
雞喔喔鳴分離爭一刻出門有戒心行李不遑飭短衣  
纔至骭風霜苦相逼今日分手去臨風乖羽翼海水有  
時枯山石有時泐善保千金軀與子長相憶

二十六日侍王父登海舟三章

北風北來天渺茫東號虎豹西豺狼爹娘妻子不相顧  
行李狼籍委路旁孤城眼見生荆棘王孫慟哭空自傷



我本有家句山傍我今無家歸何方流離骨肉天一鄉  
青山白水遙相望眼枯見骨復何益血淚不敵東流長  
旁人勸我浮海去危檣百尺江上路朝發北解暮南溟  
川后靜波屏翳馭我欲從之心茫然巨濤如山風吼怒  
嗟余已爲蓬與萍臨流莫唱公無渡痛哭能令海若愁  
奇窮未必蛟龍妬不如援琴尋我師滄溟彈出霜天曙  
行裝肩荷還入舟道窮真欲乘桴浮舟中豈無舊相識  
對此不覺涕泗流握手問我家何在爲君指點荒山岷  
道絕不知存與不一別或恐今生休煢煢惟有祖與孫

見山樓詩集

卷二

十四四明叢書

約園刊本

相依爲命嗟幸留君聞我言更慰我慰我彌起愁中愁  
擁被彷徨不成寐坐聽海上風颼颼

舟中守風望慈城火燄徹天歷一晝夜

如沸人聲刮地風孤城兵火燭晴空煙霾星斗三霄黑  
燄射峯巒萬丈紅命縱幸存生意少家無可戀此身窮  
憐余獨倚危檣立渺渺家山哭望中

泛海放歌

黑風卷地號深秋海水壁立突兀撐山頭天雲四合黯  
無色但見萬里不斷泥沙流伏龍橫臥金雞峙馮夷狂

吼天吳愁奔騰澎湃走怒雷蛟門鎖鑰不得收橫船迅  
駛出關去茫茫日夜乾坤浮鼙鼓動地呼噪千貔貅鐵  
騎突出琅琅鳴戈矛一起一伏上下百餘丈低昂直似  
梭拋投長舸巨編絡繹來不絕明滅閃爍飛白鷗大魚  
吹水作人立赤髻搖搖排旌旂長江如帶黃河如鉤五  
嶽眼底有如浮漚此中惟有朝見日出暮見月一雙跳  
蕩玻璃毬我欲登山島我欲窮十洲仙之人兮山之嘔  
羽衣蹁躑招我遊以玉爲字兮以瓊爲棋煙雲隱現涼  
颯颯颯神山可望不得至中心願而煩憂海外未必無  
昭神庥南溟行將六月息下視榆枋弱羽聲啾啾

海上望七姊妹山

海島峻嶒歷幾春朝朝顛擲浪花新故鄉夫婦多離別  
定有山頭化石人

吳淞口放船入申浦

水色連天似鏡鋪斜陽一抹淡寒蕪青黃村樹都成畫  
平遠江山已入吳對客忽驚鄉語改思家倍覺夢魂孤

風塵憔悴何人識市上空多碧眼胡

黃浦

黃浦江頭落日斜帆檣獵獵起寒鴉高官慣醉蘭陵酒  
商女猶歌玉樹花霸國河山隨逝水鮫人邑里溷中華  
胡兒亦解皇恩大夷夏如今暫一家

贈蘇州孫嶼芝明經

傳嶼

蛇豕縱橫道路中隻身天地哭途窮故園第宅銷兵火  
海上風波老寓公雨水無魚書寂寂蘇臺有鹿走恩恩  
家鄉等是歸無計羨爾思鄉八口同

見山樓詩集

卷二

十六

約園刊本

晤馮生南秀才

清裕

猥贈長句次韻奉酬

面目風塵一瘦人誰憐辛苦賊中身命爭虎穴無人色  
魂落鯨濤付海神骨肉空山生計斷干戈徧地血痕新  
滿堂絲竹愁難解花近心傷怕見春

生涯無計暫依人莫謂儒冠誤此身貧乏見愁艱旅食  
迂疏終不事錢神江湖浩浩魂難越世界番番局轉新  
一領緜袍憐范叔溫和還是故鄉春

時有鄉人  
贈君一袍

懷劉培甫兼憶亡友陳夢樵

虎山戰骨莽塵沙甬上淒涼又暮笳在昔劉琨曾避跡

如今張儉已無家，依人羞比隨陽雁。覓宿誰憐失樹鴉，  
生死交情餘涕淚。妻孥一樣怨天涯。  
余家避鄧寇兩邑山閒夢樵眷屬亦僑居郭畧均無音耗

送徐僕歸西舉取眷屬

幸有崑崙隨我在，亂離無改舊時心。路從冰雪堆中去，  
家向蛟龍窟裏尋。消息憑人傳語早，艱難勞爾入山深。  
可憐生死猶無定，獨向天涯盼好音。

聞杭城危急有懷張星白師

羅掘已將盡，援師未有期。吳山今夜月，烽火燭天時。一

見山樓詩集卷二

十七四明叢書

約園刊本

死公奚吝孤城力，不支東南諸弟子。我亦哭流離。

徐僕歸後音書久不至，臘月朔日忽駕輪船送眷

屬來驚喜賦此

相逢真再世，喜極轉茫然。驚定知非夢，飛來或自天。風  
長千里近地僻，一家全更問音書。滯人行在雁前。

欲訴相思苦，還驚少二人。

家嚴慈徒居裘市未至

知交雖可恃，顏

色幾時親。但得生相聚，何嫌家已貧。胡爲留海角，兒輩

總酸辛。

林義士辭 有敘

十月二十六日賊陷慈谿城邑令先三日走通  
城人皆走義士率妻子居城北鄧舉賊猝至義  
士著短衣持梃呼鄉人與戰斃賊十餘人餘遁  
去越日賊大至義士復與之鬪轉戰數里賊愈  
集焚鄧舉民居幾盡鄉人潰義士受數創死臥  
沙磧中賊退後吾父收其骸骨而殮焉義士者  
余長姑夫也桐齋其字世榮其名也

黑雲西來低壓城城頭烏鵲噤不鳴黃狐跳梁白狐人  
立蕭蕭野骨悲風四塞一解 城中主者誰飛蓋一去不

鬼山樓詩集

卷二

十六

四明叢書

約園刊本

復迴城中居者誰東西南北何時歸二解 朝出暮入焚

掠四野草木不青邱陵爲楮三解 公何人斯不爲守土

吏不受國士知奮挺大呼一鄉之人多從之殺賊漉漉

血染鬚餓虎狂吼野豕紛馳山頭蔓草塗膏脂四解 明

日賊又來村居燥燥飛紅埃裏瘡復戰鼓絕力不衰身

臥沙磧血漬苔左手握刃右手挽鬪體紫稜閃閃雙眸

開五解 風淒日慘天無光妻子慟哭歧路旁桐棺藁葬

荒山荒六解 生爲人傑死爲鬼雄草莽之臣君恩同獨

行其是成孤忠千秋萬歲垂無窮七解

明州紀事

城壓金峩引海流繁華共說古明州  
天中絲管吳兒曲江上帆檣估客舟  
誰使金銀通夜氣忍令鼓角動深秋  
衣冠文物都消歇破碎河山滿眼愁

寥寥數騎走黃巾白馬橋邊戰壘新  
四壁何妨觀鉅鹿一軍忽已散清人  
華元棄甲傷犀兕張翰還鄉戀膾純  
多少浙東乾淨土正愁萬骨委沙塵

官奴城外信沈沈束手同看劫火侵  
四百罪人齊出獄三千死士早離心  
登陴誰策臨淮卒比戶虛糜郭氏金  
眼見萬家煙火絕淒涼故鬼哭牆陰

鬼山樓詩集

卷一

十九

四明樓書

約園刊本

妖人徑入長官衙  
驛宇蕭條冷暮霞  
雲外早飛緹氏烏  
水邊難迓細侯車  
一城無主狐登屋  
半夜相驚鬼瞰家  
戎馬未來絃誦斷  
河陽遺恨滿庭花

旌旗市地龍山赤  
煙火漫天鳳嶺紅  
無限亭臺消蠹畫  
幾聞士卒化沙蟲  
金珠璀璨拋歧路  
蛇豕紛紛據郢宮  
守宅有蛟龍不瞰  
畫樓一例染腥風

白頭作賊古今哀  
戾氣天鍾禍有胎  
甲楯何難句踐保  
乘韋翻訝鄭商來  
從容揖盜羣思亂  
倉卒開筵劇費才

豎子迎降真可笑犬羊羅拜在塵埃

呼天忠憤豈須激殺賊鄉兵皆絕倫烈燄奔騰崖石紫  
寶刀飛舞鬪饋新一村萋叔盤中血五百田橫島上人

殺魄我猶招未得殺殺高嶺暗傷神

高嶺在城北郊

敵騎長驅勢莫當江頭畫角太蒼涼帳中喚起將軍夢  
郭外都成瓦礫場礮火橫衝戎幕月刀光寒迸女牆霜  
朝廷養士恩如海一戰猶堪答聖皇

步騎如潮湧未平赤眉分道盡登城旌旂四卷無天色  
士女千家哭有聲血凍梅花紅灼爍骨浮湖水白縱橫

鬼山樓詩集

卷二

十四明齋書

約園刊本

梓鄉尚有忠魂在縛虎當年恨不成

行李倉皇出走時備兵海國竟何爲爪牙爾已忘祈父  
皮服人憐雜島夷越境不妨先屬吏言歸曾否乞鄰師  
年來渤澥風波靖一任樓船日夜馳

虛堂琴韻聽依稀手握銅符又見機秀實競傳身秉笏  
侍中浪說血沾衣溼溼江岸雙魚至歷歷吳淞畫鶴飛  
前日空山竟長往模糊誰辨是耶非

蛟門白浪亂翻銀羣盜紛紛伺海濱宦橐不教歸陸賈  
家資無恙寄盧循留行車轍曾三臥乞食空山賸隻身

布襪青鞋人不識頭銜已換作齊民

海外惟餘此彈丸檄書傳到萬人看乞師越石腰橫劍  
流涕君山髮指冠孤注尙存輸帛誤洪濤可恃駕梁難  
莫嫌偏地冠裳改山水偏爭一角殘

北岸濤聲卷白沙舉頭何處認中華逍遙盡入波斯藏  
樓閣新成海客家渴飲醜湯人不擇倦樓惡木計原差  
花門留後村蕭瑟請看江東起暮鴉

朱門重到是何年狼籍蛾眉太可憐白壁青蠅還自惜  
花鈿繡履盡成煙曲終誰解文姬怨思斷長離奉倩絃  
輓輓饑腸一甌粥坐聽畫角動霜天

鬼山樓詩集

王四朝敬書

約圖刊本

舉國如狂不解整掌珠何事竟輕投姻緣潦草聯蕭史  
夫婿英雄誤蔣侯綠酒紅燈歡會短銀牀錦帳此生休  
蓬門獨有女貞樹一簇寒林殿暮秋

槐國衣冠紛海角僞官輿馬耀銜前草閒爭拜劉盆子  
海上誰逃魯仲連嶋虎生風聊竊勢井蛙放眼久無天  
聖恩總不誅狂瞽前洗應難向盜泉

一坡搜掘徧東西金穴銅陵路不迷銀鴨雙飛辭古冢  
錢龍四壁破紅泥貪饕無計驅喪衛姓氏何從變范蠡



慾壑難填家已毀多田休更舊名題

孤城又作戰爭場兩大難容眼有芒巢本無心留宿鳥  
玉眞何罪痛昆岡鷓持我欲招漁父虎鬪人思借卞莊  
未必儒生皆淺見一書無奈誚疏狂

旄鉞新聞拜主恩東南來整舊乾坤三衢飛將收巖邑  
六月王師抵海門慎勿域中容小醜直教釜底泣遊魂  
唐生有淚何須灑甘把鋤犁老一村

喜得夢樵眷屬消息

昨日喜逢鄉曲道孤嫠猶得住空山貧從亂後無人問

東山樓詩集

卷二

三

四明叢書

約園刊本

家在城南何日還新鬼淒涼啼夜月故交潦倒客江關  
令暉此日增悲慟一領春衣淚點斑

君次妹爲  
余繼室

夢樵歿已週歲久欲以詩哭之不果至是補作

蘇臺戎馬裏倉卒返江濱

居吳門凡二世  
去歲歸原籍

疾自愁中亟

交從死後眞更無身外物賸有未亡人瞑目歸泉下晨

昏奉老親

尊翁早捐館太  
夫人服尙未闋

君竟飄然去其如八口何淒淒諸弟妹婚嫁未成多舊  
宅餘灰燼新墳長薜蘿可知危嶺下腹痛故人過

君浮  
厓直

刺楨  
下

剛失髻齡女曾無膝下兒未能成一事生爾竟何爲短  
命人爭惜遺文世不知去年塵篋裏重檢寄余詩

又驚滄海變谿上劫灰殘異地容身苦荒山覓食難生  
前一諾重亂後兩家寒無計甯存歿愁懷觸萬端

歲暮懷人詩

眼前羣盜滿鄉關異地思公淚暗潛爲問春申江上雁

飛來曾過鳳皇山

胡雪巢外舅

兩家消息萬山中我獨飄飄感斷蓬可惜吳淞往來水

淚痕流不到江東

徐穎齋婦弟

東山樓詩集

卷二

三四明齋書

約園刊本

故鄉戎馬太紛紜千里遙遙苦憶君聞說故人無恙在

芒鞋踏徧亂山雲

董湘舟明經

槐國衣冠徧海城六州有鐵鑄難成家山好隱還須隱

莫遣時人識姓名

胡柏甫茂才

異鄉風景悵鶯花故國傷心舊礮車誰料去年江上別

片時分手已天涯

胡梓琴婦弟

有家休更說家貧薇蕨西山亦可珍悔我出門謀食苦

他鄉添得一流民

翁萊仙茂才

江關潦落有誰憐回望鄉園路隔千一機去家君更遠

歲闌又上嶺南船

錢西箴明經

一家無定悵西東莫歎儒生道竟窮好作詩歌當信史

浣花堂亦戰爭中

何崧青茂才

魚書傳到代酸辛老屋城東劫又新忽覺無家猶有我

江湖飄蕩更愁人

陳子仙同年

紅橋明月照桑田不見音書已十年

客維揚城陷不返

地下若

知離別苦還應夜夜卜金錢

舅氏陳蘭生先生舅母早卒

忍將微命寄干戈哭望天涯奈母何爾自不歸歸亦晚

甬江風浪近來多

徐厚齋婦弟庚申客杭城陷未返

鬼山樓詩集

卷二

十四明鼓書

約園刊本

蓋竹峯高雁信稀武林戰血一城飛

星白師聞已殉難杭州君在台州亦

無音耗不知誰與收忠骨哭向西風淚滿衣

丹徒張均甫公子

小別愔愔一歲過剡中兵甲近如何拾遺故宅今回首

大固山頭落日多

臨海陳蘅士同年

猶憶青山看暮潮與君把酒話前朝三年忽覺杭州夢

兩度紅羊劫已銷

黃巖蔡申甫同年

韋羌山勢鬱嵒巽應見孤州劫火燒嫁在異方更離亂

傷心惟有左家嬌

仙居何曉林同年長女適鄞鮑氏

詩畫風流老此生論交短褐傲公卿家山寫就今誰買

鎮日罇頭醉不成

臨海金龜  
秋山人

文章品誼重吾鄉別後相思渺一方千古知心略形迹

衡山醇謹六如狂

俞子黃  
茂才

衣韜醞藉名流折詞翰縱橫筆陣開醉後自歌還自泣

誰知杜牧是兵才

何芝齡  
茂才

踏破孤城萬馬蹄巖焚難覓一枝棲山林深處多魑魅

愁聽嬌兒失乳啼

陳芾庵茂才  
時新失偶

縱談時事氣悲吞席上金壺有劍痕不少三千門下客

侯朱原是解酬恩

黃巖蔡恭  
生茂才

見山樓詩集卷二

三五

四明樓書

約園刊本

避跡空山海太深無端楚炬苦相侵劇憐此日秦淮海

風雪漫天瘦不禁

秦蓮史  
茂才

遙遙何處問君家知是山涯是水涯獨有素心吾最信

冷銜冰雪畫梅花

鎮海謝東  
村孝廉

裙屐風流一隊齊誰憐鴻爪各東西舊時詩社都零落

孤館蕭蕭冷木樨

象山王研  
農同年

不少同鄉話別情君猶消息未分明海濱忽送勤王檄

難得軍中有士衡

鄞陸季  
雲茂才

梁家夫婦尙荒村淚灑麻衣有血痕料得今宵相對憶

月華寒浸望京門

鄭毛溪  
莊茂才

戰骨蕭蕭古戍樓  
狼煙直逼海東頭  
知君揮淚同臣叔

白髮相依祖母劉

鄧張子  
寬茂才

三年曾訂結芳鄰  
滾滾波濤怯海濱  
今日風塵迴首看

桃源雞犬盡仙人

定海袁棧  
西茂才

徧地干戈客夢驚  
偏隅休恃作長城  
乘時好作英雄氣

莫聽雞鳴當惡聲

葉喬卿  
茂才

家室飄零已可憐  
青箱世業付雲煙  
泉臺好慰慈親望

莫戀歡娛誤妙年

孫鴻樞  
表弟

見山樓詩集

卷二

三

四明叢書

約園刊本

未亡人更亂愁新翠袖天寒慘不春  
難拭眼前兒女淚

江南況有白頭親

方氏  
四姑

浮海

浮海忽東去艱危且此遭  
魂驚出湯火心死任風濤  
兒

女啼號急鄉閭烽燧高出門  
眞惘惘憂極不知勞

豪門

豪門充食客江海逐流民  
奔竄俄千里艱難備一身  
直

爲生意盡那得喜心眞  
八口今何在懷鄉淚滿巾

干戈

干戈自吳越錦繡此山河豪族三江集名花十里多乾  
坤迷酒色鼓角換笙歌滿目悲無極淹留可奈何

人作

人作懷安想天施稅駕恩豈煩回紇馬便擬武陵源燕  
雀餘生寄蛟龍野性存何時一漁艇歸去臥江村

盡夷

盡夷叢葬地樓閣滿荒洲薪貴資松柏牆敲拄觸骸食  
殘天亦憤氣燄鬼都愁隱忍何時已傷哉此物留

夜氣

鬼山樓詩集

卷二

三

四明叢書  
約圖刊本

夜氣燭金穴妖星動石城儘多魍魎伺獨恃犬羊盟江  
漲新濠鏟泥融高壘成偏隅宵屢警羈旅夢時驚

江左

江左非吾土申江自域中暫留八騶住頓使一州雄搜  
刮忙劉晏風流鎮謝公劇憐冠蓋里翻近島夷宮

百萬

百萬流亡戶囂然聚一鄉層樓知地盡斗米共金量生  
計離鄉促憂端與日長誰能逐崇愷裘馬走平康

餓虎

餓虎垂涎久饑蛟掉尾來妖烽江上熾野哭徧東哀殺  
氣日無色浮骸浪不開回看歌舞處咫尺是樓臺

聲威

聲威胡騎借城闕羽書馳幕下千官盛江南一角支雉  
盧呼夜急鼙鼓動春遲保障諸君力真能效藕絲

莫道

莫道儒生弱奇功出允文五更風雪夜八百背鬼軍賊  
壘平江浦饒歌動海雲獨煩李僕射來與建殊勳

北極

見山樓詩集 卷二

天四明樓書

約園刊本

北極歸仙仗南天朗市星近能爲漢衛益以壯皇靈聖  
度自無外前驅征不庭知恩解事主留與障東溟

喜晤劉培甫二首

五載心交訂今才一刺通與君江海上還在亂離中故  
里烽煙各天涯涕淚同相逢期努力莫漫怨途窮

兒女傷心日英雄失意秋元瑜新入幕

時在會防局

王粲暫

依劉眼底生靈血江頭畫角愁救時望吾子把酒看吳

鈞

大雪感懷二首

曉色逼寒衣開門雪亂飛異鄉苦淪落生計竟全非江  
閩魚龍戲山深鳳鳥饑雙親遙海隔愁絕雁書稀

家有梅花樹今年開未開我猶江海上何日復歸來宇  
內雙蓬鬢風塵一廢材未容求聞達無夢到燕臺

紀事用王小竹師韻

掃盡紅巾近十春

甲寅收復上海

孤城一角戰爭頻樓臺金碧

望中滿文武衣冠劫後新買宅儘師蕭相國求環誰禁  
鄭商人紛紛保障論功賞爲有餘光借比鄰

贈楊秩人

遜孫

次前韻

見山樓詩集

卷二

五十四明齋書

約園刊本

浦東焦土不成春骨肉流離轉徙頻故宅已隨兵火盡

異鄉又燬旅巢新

慈城舊宅被焚徙居浦東又遭蹂躪

江湖浩渺餘歸夢

襤被淒涼泣路人何日故園同買棹與君重結孟家鄰

余家去君家數武

贈尹秋雪

金炎

再次元韻二首

天風吹送一帆春滬濱相逢話舊頻夢定空山魍魅遠

魂驚隔浦鼓聲新頽垣破瓦傷塵劫酒地花天著恨人

不少同心數晨夕異鄉猶幸德爲鄰

珠江青草蔓生春旅櫬歸來涕泗頻碧血空留生死感



白頭愁見亂離新令兄礪南司馬任儋州以繁華滿眼  
緝匪被戕太夫人猶在堂增愁思絲竹中宵惱酒人獨有胡兒與胡女芳郊車馬  
走鄰鄰

何雨人啓濶自漢口歸過亂徙家東鄉旋自甬至

漚酒樓話舊感贈

風雪荒寒返漢陽逼人寇盜太披猖狼奔豕突懸雙淚  
婦汲兒春聚一鄉面上風塵蘇季子市頭潦倒馬賓王  
如今都作江南客尊酒相逢泣數行

輓星白師

見山樓詩集 卷二

三四明鏡書  
約圖刊本

愁雲四起天濛濛湖山到處飛妖烽戈矛環堞圍且攻  
戰士三月食不充天崩地裂聲隆隆百萬兕虎頭巾紅  
斫人快劍橫青銅積屍高與城垣同城亡與亡臣之忠  
我公就義何從容錦帶手縮官關東梅花萬樹環當中  
學署後圃梅花皆公手  
植臨難自縊園亭中握拳透爪髮上衝憤懷耿耿噴

長虹巫陽下招騎白龍浩然正氣返紫穹一門忠節人

所崇庚申賊陷杭城長公  
子暨眷屬殉難四人魂魄天上相追從眾仙迎導

開珠宮翠幢羽葆排重重羣盜駭歎羅拜恭一棺盛以  
龍門桐海水浪浪飛繖歸骸千里來吳淞公子年少

嗟飄蓬亦城道阻山龍控韓門弟子涕滿胸親視含殮

輸寸衷

公概與王中丞概同寄泉漳館江蘇守吏具棺柳冠服於二月七日改殮苦無識公貌者傷聞

請往啓視而色如生

俟殮畢哭奠而返勁骨不共殽尸封泥丸削盡青芙

蓉七旬顏色猶清丰

是日距成仁之期七十日矣

沐浴洗濯光熊熊

加以朝服昭敬共象犀玉佩搖玲瓏孤覩拂拭塗丹彤

魂樓好卜機山峯

當事議擇地存厝

他時簡牘達帝聰昭忠典

禮天家豐勒碑大筆誇文雄活溪赤石爭磨礪我昔握

衣謁我公論文昕夕開懸蒙風骨稜稜憂冲冲歲寒早

信凌霜松降生有神嶽與崧懷懔大節驚疲瘡設奠拜

東山樓詩集卷二

四明叢書

約園刊本

公公罔恫和以琴瑟鳴金鏞翩然披髮來遙空寒濤落

日生悲風

家大人自甬至

一別慈親後長傷故國秋何期千里水送到夜行舟方

訝容非肯先驚雪滿頭荒村猶有母仍作兩邊愁

送袁小湖望之海門

春歸君去兩恩恩海島微茫一髮通沙岸大魚吹浪白

柁樓落日射潮紅村多花木宜詩客俗尙桑麻有古風

我獨江南望江北歲華銷盡別愁中

何兩人歸慈谿口占贈別

我作天涯客送君歸敝廬家鄉花發後莫惜數行書

家大人至申居數日復擊兄嫂歸洋墅余仍留申

侍王父母作此誌別四首

去年別家去寒霜離庭楸出門強歡笑欲泣旋復收  
滄海一遼隔中心多煩憂故地生荆棘狐狸鳴啾啾我有  
高堂親蕭蕭雙白頭兵甲苦不息空山悲羈留何意春  
風來吹送江上舟會面在今時痛定始淚流先言亂離  
事繼訴辭家愁骨肉既云聚吾生復何求

東山樓詩集

卷二

三四明齋書

約園刊本

在家常苦兵作客更苦貧不歸良所難歸去依何人故  
居山城中欲問無鄉鄰躊躇決去留中夜心如焚去半  
處亦半仔肩庶以分一家聚復散遷徙等轉羶去者怨  
行役處者傷風塵涼颯東西征颯颯吹浮雲

承顏無幾時恩恩又千里海國東風和雲帆盪天起吾  
親自茲去相送申江水親去日以遠色養違甘旨阿母  
暨諸姑安否今何似翳我獨遠方輾轉不能已慚非車  
中輪相隨無終始又非日與月普照無遐邇黃鵠鍛毛  
羽臨風涕不止

我家門祚薄田疇苦不多況乃罹兵火謀食當如何我  
猶客江上送子歸巖阿異鄉風土思思增百疴此歸  
好珍攝庶幾疾病瘳兩世親各老音容判山河侍奉我  
與子厥職寧有他隨時各努力勿復悲坎坷

春寒

城破家何在山遙夢未通淒涼旅人意不是少春風

贈錢掌史

廷綸

一見驚猶在飄零與我同命全兵燹喪家在有無中兄  
弟悲生別妻孥累寓公看花空下淚愁絕異鄉紅

見山樓詩集

卷二

三

四明叢書

約園刊本

寒食

兵火酬佳節風花入苦吟親朋千里道邱隴百年心金  
盡人先拙魂勞病易深明知歸不得鄉路夢中尋

客中見柳

一春轉眼去堂堂寒食清明爲底忙可惜楊花無氣力  
東風吹不到家鄉

芍藥將放示內

異地鶯花別樣新與卿還是客中人將離權作當歸看  
珍重階前數點春

家大人歸甬久無書至

片帆歸去路迢迢魂繞蛟門上下潮兩字平安千里隔  
百端愁緒一身遙似聞兵甲荒村近仍放鼃鼃白日驕  
聞賊將攻舟山甬上淒涼還海上傷心同是怨蓬飄

病中聞甯郡收復喜賦

捷書傳到楚江頭瘦骨禁寒喜病瘳板屋猶能知敵愾  
島夷亦解賦同仇祖宗邱墓餘生守灰燼田園雪涕收  
已見家人忙料理典衣便欲買歸舟

贈海上李小瀛太守

曾裕

卽題舒嘯樓集

東山樓詩集

卷二

三四四明叢書

約園刊本

風雅於今得主持逸情高致是吾師季鷹早已思蓴菜

白傅翻成弔柳枝

先生辭職已近十年其集  
中悼錢姬詩悽惋動人

花月九衢

天醉夜棋枰一局劫闕時都將家國無窮恨百感蒼茫  
盡入詩

同人勸赴北闕遂有金臺之行留別掌史卽題玉

丁東館集

等閒三十負青春賸有名山事業新賈誼不妨終謫去  
馬周末必竟長貧樓臺燈火離家感世難年荒遠別人  
自笑生涯眞草草京華又踏軟紅塵

抵都二首

道遠無由問客程，兩隄禾黍戰秋聲。  
眼看一帶荒涼景，不信前邊是鳳城。

日暮風高馬不前，征車數輛駐濠邊。  
箇中惟有殘書在，關吏何須問稅錢。

重九日有憶二首

秋墳鬼亦唱無家，繡閣妝樓長綠麻。  
長憶前年今日裏，有人扶病看黃花。

粲粲蓬頭冷荒邱，麥飯無人薦一甌。  
相對白楊涼月上。

鬼山樓詩集 卷二

五

四明叢書  
約園刊本

三千里外話牽牛

長白恩竹樵廉訪錫招集槐雲館賞菊分韻得四

律同作者爲俞筱雲明經凌春波孝廉桂鑑湖參軍雙湖主政昆季童葆庭明經如梁胤筆

政六人

盼菊

扶杖東籬日幾回，濃陰空見覆蒼苔。  
自憐三徑荒依舊，偏有高人期不來。  
秋信竟隨鄉夢杳，故園應傍戰場開。  
不同凡卉爭遲早，青女何須夜夜催。

伴菊

能得花憐隱亦仙木來老圃有前緣同爲籬下棲遲客  
愁對重陽風雨天呢我可知非傲我忘年相與祝延年  
更收殘瓣裝成枕留取餘香到鬢邊

評菊

五色離披絢晚霞平章次第到秋花從來眞賞人間少  
一任狂名世上加大葉麤枝都入格郊寒島瘦各專家  
歲闌誰許爭高節惟有孤山梅影斜

惜菊

日暮天寒見幾枝泉明去後更誰知風霜閱盡全無色

東山樓詩集

卷二

三四明殿書

約圖刊本

冷淡妝成不合時入世豈能容汝傲致身未免恨君遲  
芙蓉一樣秋無主憔悴江干不自持

答掌史卽用見寄元韻二首

自經滄海後一洗萬緣空落落長安道淒淒家難中風  
高羞敢翼麻直恥爲蓬獨有天邊月相看兩處同

久客知何事蕭然四壁空浮沈人海裏睥睨酒杯中故  
里增烽火余身悔斷蓬一鐙話岑寂幸有素心同

雪夜東竹樵先生二首

時九月十二日

雪花如掌撲檐飛裘做無溫酒力微卻憶江南篝火畔

家人猶未製寒衣

天街蕩蕩淨無泥碎玉飛瓊襪馬啼多少鳳凰城裏客  
幾人情在灞橋西

冬夜望家書不至用掌史得後雲京都書卻寄韻  
客中又見小春回風雪飄飄雁不來爐火有心終夜暖  
燈花何喜盡情開思鄉獨下蘭成淚入洛空慚賈誼才  
一領青袍今誤我鏡中頻見鬢毛催

感懷步掌史見寄元韻

江南薊北路漫漫甬上依人覓食難

大父客甬東祖母暨家嚴慈兄嫂輩

見山樓詩集

卷二

五

四明館書

約園刊本

猶寓上海八口至今分數地一家有夢到長安貂裘已敝書  
空上遶道難歸缺倦彈祿養未能烏哺急萬端愁緒怯  
憑闌

喜雪

寒冬十月風怒號凍雲四合天寂寥  
飛雪作團壓庭木  
千點萬點梨花嬌玉龍鬬敗歸海去  
臘爪殘鱗墮無數  
又見海上濤頭來銀山倒湧連天素  
瓊玉裝成十萬井  
琉璃現出三千頃老鴉無聲煙色薄  
隔窗惟見梅花影  
長安市上供狎遊春明門外多酒樓  
狐裘蒙茸朔風緊



珊鞭垂手驅紫騮百尺樓前調絲管金爐熾炭終宵暖  
但覺春情座上多酣嬉又苦銅龍短年來西南方苦兵  
田宅汗萊秋無成北地高寒轉煦燠天津愁聽鶉啼聲  
今歲嗣皇舜繼堯肅清朝右登夔臯東國作詩美袞繡  
西人感德來旅葵承平有象昭天工太和元氣何融融  
大雪來爲聖主瑞惟帝協天天無功土膏融溢蝗蝻滅  
三軍挾纜心愉悅豐年歌譜旬服外中興頌獻鷓鴣列  
我本明州淪落人寇氛催送申江濱奔走餘生冰雪裏  
粗能領略江南春六月買棹來燕京殘秋送盡寒風生

兜山樓詩集

卷二

五十四明叢書

約園刊本

置酒園爐論往事轉眼不覺寒暑更硯田凍合水生骨  
仰視飛絮檐前歇黃昏不待下重簾細嚼寒梅佇明月  
伍員廟

胥山落木晚蕭蕭相國祠堂久寂寥畫壁龍蛇森佩劍  
沿門兒女學吹簫蛾眉謠詠生前恨白馬英靈死後淒  
一卷離騷低首誦忠魂先爲楚臣招

息媯祠

荒祠寂寞楚江濱翠羽明璫照眼新飲恨暫爲同命鳥  
椎心暈作未亡人膝前玉樹羞成立劫後桃花爛放春

西子不曾歸越殿入湖還是受恩身

阿房宮

嵯峨樓閣煥丹青未肯繁華讓摘星  
帝子不來人已老  
神仙誤我藥無靈  
百年難保驪山暮  
半堵終輸魯壁經  
秦岱喬松滄海石  
恩威留與重秦廷

明妃冢

芳草萋萋滿墓亭  
紫臺千古葬娉婷  
深宵環佩月中杳  
瀚海琵琶雪後聽  
妾爲至尊憂社稷  
天教圖畫誤丹青  
涼秋長信悲團扇  
豈爲邊庭勝漢廷

鬼山樓詩集 卷二

序九四明叢書  
約園刊本

五丈原

大星飛落渭南營  
有志中原惜未成  
五十年華悲命促  
三分事業與天爭  
生難隻手扶劉鼎  
死有餘恩泣李平  
一代廢興歸氣數  
忍聽留守渡河聲

景陽井

歌筵未散起烽煙  
賸爲遺簪悉可憐  
江左已無乾淨土  
穴中還是有情天  
未完詞句紅箋裏  
告急封章玉枕邊  
古井無波成禍水  
辱名千載誤嬋娟

玉鉤斜

一杯黃土覆瓊姿螢火淒涼鬼唱詩  
汴水迴時淮水繞  
寶兒愁與貴兒癡紅橋誰管三分月  
新柳平添十丈絲  
料得夜深猶望幸雷塘秋雨翠華遲

陳橋驛

汴洲城北駐旌旗驛裏倉皇受命時  
攬轡目原無禪子  
加袍志已慰吾兒  
讜言豈使宮中覺密議先容介弟知  
未必負人人負我  
典兵何事苦相疑

風波亭

一紙書誰付獄中忍將刀鋸反酬功  
舉朝無意圖全局

見山樓詩集 卷二

四十四明齋書

約園刊本

不殺終當復兩宮  
道濟長城甘自壞  
畏宏碧血痛何窮  
忠魂肯作胥濤怒  
畢竟西湖與鏡同

半閒堂

湖山歌舞幾時休  
浪子平章不解愁  
堂上美人行樂夜  
樊城戰鼓可憐秋  
木樛庵裏浮生短  
促織聲中王氣收  
畢竟神仙閒有味  
嶺頭丹井至今留

黃鶴樓

獨從滄海桑田後來看  
長江繞檻流浮世  
幾更同去鶴  
乾坤無恙此高樓  
天中仙子歸何處  
唐代詩人在上頭

烏鵲無聲河漢近一杯清酒酌牽牛

白鸚鵡

雕籠銀架淨無塵深鎖梨花一院春霜翻幾時歸故里  
雪衣何處認前身聰明本色應憐爾文采風流亦誤人  
玉輦不來行殿閉問安聲裏總傷神

黃蝴蝶

牆角翩翩鳳子忙粉衣新爲試鵝黃菜花風裏尋無迹  
籬菊夢中時有香十萬金錢拋上苑一雙硬本揭滕王  
褪腰閒逐游蜂隊到處園林媚夕陽

鬼山樓詩集

卷二

四

明叢書

約園刊本

得家信知徐厚齋自金陵逃歸喜賦

不信三年隔重來虎穴身得書翻出涕驚爾尙爲人命

向波臣奪

夷船中臥病欲棄之海者  
屢矣得同鄉救護乃免

生從劫後珍慈親

方臥病相見益傷神

老吏

浮沈宦海幾經春聽鼓應官爲底頻刀筆有誰嘲辣手  
風塵無計早抽身舊時政績留遺碣此後公評見負薪  
賡有一生忠厚意瀧岡要待表阡人

老將

乾坤百戰陣雲昏歸去南山醉尉尊弓劍荒涼殘血繡  
肌膚刻畫舊刀痕眼看部曲分茅土手註韜鈴付子孫  
自問封侯無骨相投閒歲月亦君恩

老妓

舊日羅衣褪粉香天涯何處覓鴛鴦忍看姊妹新承寵  
懶抱琵琶再上場勸酒尙調金縷曲開籠誰放雪衣娘  
自家對鏡無顏色薄倖何心怨十郎

老伶

胭脂羞澀點歌唇絲管樓臺迹又陳客舍渭城誰與唱

見山樓詩集

卷二

四

明叢書

約園刊本

貞元朝士更無人譜成霓曲推先輩養出鶯雛傲比鄰  
莫笑鬚髯今似戟十年前見女郎身

老馬

西風病骨幾時蘇效力無多只識途脫齒難消青苜蓿  
據鞍也有白髭鬚做帷異日叨餘惠殘命如今寄僕夫  
一事差強人意處飛黃騰達看家駒

老鶴

玄裳縞袂尙躡蹻華表飛來不計年羽客鍊成先上漢  
佳雛養就早冲天夢歸遼海三生後巢認松枝六代前

眼見纍纍荒草裏無人能識舊蘇仙

寒夜梅花獨酌

酒從燕市買花向帝城看涼月滿清酌旅人增夜寒

論詩

百代殊風氣千里同性情詩者聖人教其言爲心聲溫  
柔復敦厚持論貴以平體製規風雅何必門戶爭大海  
迴紫瀾天風颯然生小草媚幽徑上有靈禽鳴殊途本  
一致各已留其名勿以絲羅貴遂視菅蒯輕勿以鐘鐺  
重而乃廢琴箏

見山樓詩集 卷二

四明叢書

約圖刊本

儒生好奇古矢口談黃農皇娥白帝歌荒誕不可宗刪  
詩斷唐虞賡歌何雍雍葩經三百篇豈爲箋魚蟲纏絲  
而排惻入人肝脾中讀書見古人悠然發我蒙譬彼食  
菽粟能使氣體充辟穀求金丹安期何時逢

離騷古變雅忠愛積方寸能發後賢心不解羣小慚兩  
漢去古近風流踵遺韻古詩十九章憤亂增煩怨年遠  
不紀名永此千秋恨託興在閨房無心計聲聞美人香  
草思刀圭誤頑鈍

漢高起布衣浩歌懷故鄉項王本霸才垓下何慨慷唐

山一女子高詞擬明堂典籍燔強秦海內多愚眊如何  
應運起蔚此興朝光孝武聰穎姿秋風聲蒼涼蘇李各  
抗手節短音彌長古人發至性信手成文章萬里瀉長  
河千仞凌崇岡道尋苦無迹汗流走且僵

曹公亂世雄詩歌劇放逸有子皆雋才子建更無匹建  
安盛七子公讌競秉筆孔門如取詩各使呈著述諸子  
許登堂陳思定入室長鯨鼓海浪驚颿捲崖雪卓哉八  
斗才光輝爭日月

六代趨繁縟文采日以增顏謝與阮左卓卓人中英子

見山樓詩集 卷二

聖四明藏書

約園刊本

山殊晚出綺麗兼老成餘子尙藻繪屬對稱精能有如  
翦綵花色相不可憑有如木偶人徧體裝綺綾陶公淡  
天趣氣味故清澁參軍樂府擅俊逸開少陵長歌行路  
難霜翻騰秋鷹

唐初崇四傑體製沿六朝李杜起巍巍光氣干雲霄鶴  
立眾雞駭龍吼羣嶺消王孟與高岑左右揚其鑣一振  
靡曼響閭闔鳴笙璫降至慶厓下歷歷詩名標仙鬼各  
有致寒瘦何須嘲豎儒苦別白蜚語鳴塘蜩豈知盛衰  
分由來非一朝齊梁雖卑格古意猶能昭唐人巖聲律

風氣已日澆把卷論中晚斯言徒曉曉

宋儒理學名元人尙詞曲詩教日云亡搜巖鮮良玉豪  
健歸蘇黃恬靜輸范陸揭薩遺山外松雪超殊俗江河  
日趨下狂瀾挽宜速孰改時世妝仍服先儒服

青田並青邱詩名耀一代前後兩七子才氣各豪邁  
峒拔戟來諸賢旗鼓對翱翔千古上持律嚴疆界古詞  
撫皇墳悲歌擬出塞音聲嗣唐賢有如鍼投芥規仿縱  
有迹河流無異派牧齋爾何人拔苗植秕稗公論在人  
心勿逞私情快

見山樓詩集 卷二

四五四明叢書

約園刊本

作詩不關學儀卿何激烈笑彼鈍根人故紙誰悟徹讀  
書破萬卷胸懷若冰雪放筆論古昔蓬勃不可遏心存  
忠愛旨言之乃有物毋希俗目賞宜守先賢轍空谷寂  
無人素絃調未瑟

有憶

暖玉琵琶紫玉笙美人消息總關情遙憐暮雨瀟瀟曲  
變作金戈鐵馬聲

見山樓詩集卷二



見山樓詩集卷三 癸亥至庚午

清慈谿張翊儔麟洲著

竹樵先生奉山左都轉之命邀余同行留別都中  
諸友

卅年蹤跡半江湖僕僕風塵悔道途詞賦不逢楊得意  
功名羞比阮元瑜雲閒雨雪全家冷日下繁華舊夢孤  
聚首無多離別易夜談猶是戀寒爐

五千里作一年遊東國輪蹄北澥舟飽看名山來泰岱  
曾經滄海悟浮漚男兒志氣酬弧矢太史文章笑馬牛

見山樓詩集 卷三

一 四列叢書  
約圖刊本

飄泊不禁行子感重關已是雪盈頭

翩翩閒逐五陵豪歌管樓臺夜月高痛飲難消金鑿落  
嬌喉齊唱鄭櫻桃兩行銀燭支殘漏十丈紅塵污錦袍  
忽地京華春夢醒長途車馬又勞勞

白馬河梁新落照緇衣京國舊啼痕本來作客重爲客  
無計酬恩怕受恩半世浮萍悲蕩子一尊春酒饒王孫  
故人情重行期迫未聽驪歌已斷魂

出都留別俞筱雲桂鑑湖雙湖昆季

西出都門路渺茫好風吹送一鞭忙連天衰草寒鴉黑

十里平沙落日黃河勢迴環仍北向雁飛撩亂自南翔  
多君送我長亭外莫忘臨歧淚數行

征車謠

獨漉獨漉前驅後逐上阪遲下阪速

刺促刺促泥深水濁馬不敢後馬畏我僕

輾輾輾上者陵下者谷天昏月黑不得宿巨纆縛馬傷

馬腹吁嗟不如初生犢

黃村曉發

伊喔雞聲月色殘僕夫催送上征鞍五更風起檐鈴語

見山樓詩集

卷三

一

四明叢書

約園刊本

一夜霜高馬背寒遊子何心甘獨客家人猶是夢長安

隔窗兒女喁喁話萬種鄉愁欲遣難

任邱旅館紀夢

環佩聲隨五夜風兩邊愁思話怱怱已拚地下成長別

又向天涯訪斷蓬妝閣盡銷兵燹裏荒墳都在戰爭中

覺來猶聽牽衣泣門外驕嘶怨玉驄

十五日河閒道上憶留都諸友

成樓突兀旌旗動荒墩傾頽古木凋風掃平隄車轍亂

雪融淺草馬蹄驕驚砂刮面人先老塊磊填胸酒不銷

卻羨京華行樂客滿街燈火滿城簫

趙北口

趙北燕南去路長七雄事業已茫茫鼓刀市上悲歌客  
挾瑟邯鄲大道倡野水碧添三尺漲征衣涼襲五更霜  
垂楊垂柳連橋路風景依稀似故鄉

禹城見柳

冰雪燕山尙作堆韶光驚見客中回迎人一路垂楊綠  
春自南歸我北來

趵突泉

見山樓詩集

卷三

三四明徵者

約園刊本

怒龍出空潭左右二龍子幻作三重泉懸空飛不止條  
條練帶搖一一珠幃起崖石怒欲飛奔流激如駛曲折  
赴澗行微波漾清泚濕紅潤岸花空青蕩洲芷名作立  
如林殘碑字可紀名泉七十二此泉屈一指汲泉試一  
烹芬芳流口齒吾鄉有虎跑風味猶遜此安得兩腋風  
飄然歸故里摘取龍井芽來烹此泉水

寄題太白酒樓

謫仙樓上謫仙人引杯一醉三千春謫仙一醉不復醒  
手翻白浪跨青鱗降生惜在唐天寶知己無過賀季真

我亦濟南狂醉客大明湖上采秋蘋

赴兗州渡汶河

一輻征車渡汶河  
閭閻蕭索困干戈  
沿村壞壁紅泥盡  
帶劍行人白日多  
野哭幾家收戰骨  
荒田何處覓新禾  
已聞上將收淮北  
忍使哀鴻澤畔歌

靈陽題壁

茅舍亭亭落日低  
野田又見麥芽齊  
東風示我春將老  
故遣楊花逐馬蹄

一宵風雨杏花殘  
冒冷依然上玉鞍  
卻憶香闈春夢醒

東山樓詩集 卷三

四四明叢書

約園刊本

重衾猶怯五更寒

抵兗州營

時竹樵都轉奉  
旨督兗州軍務

落日芳隄驟玉驄  
入門長揖見元戎  
霜圍錦帳刀光白  
雲壓重城纓影紅  
筆底淋漓揮露布  
酒邊嗚咽唱扶風  
舊時書劍從軍願  
豈爲封侯始立功

賊逼兗州紀事

時僧即未至靈陽久困前粵  
撫黃石琴先生乞兵救援

虜騎縱橫走朔風  
狼煙直逼魯王宮  
鄰封師乞黃江夏  
淮上軍須郭令公  
鵝鸛陣開雲氣紫  
鷓鴣膏拭劍光紅  
勤勞須慰宵衣苦  
汗馬靈忘舊日功

時徵傳捷  
軍未至

收復嶧山軍中夜宴徹曙卽席賦贈

狂寇新看殄，嶧陽戟門春。冷夜飛觴千軍待，令迎晨露

萬馬無聲立。曉霜守隘卽今留，臥虎

已委勝副戎守山

當門猶

見伺貪狼遙，憐泗水城邊路。還是烽煙逼曙光。

時賊尙據泗水

題竹樵壽春留別詩後

南郡空倉勢不支，一書痛哭上丹墀。謫歸豈是先皇意

氣盡臨淮十萬師

留別詩歌紀昔年壽春山色慘寒煙大難，此日爲廉吏

歸去曾無二頃田

見山樓詩集

卷三

五

四明叢書

約園刊本

今年有詔起東山，未許裴公竟養閒。一沐新恩重下淚

鼎湖龍去幾時還

東國師千寄老臣，魚鹽瑣屑更勞薪。旁人不信身心瘁

阮瑀曾爲入幕賓

登杜甫臺

卽兗州城樓

南樓一角尙巍然，未肯高情讓謫仙。泰岱羣峯羅眼底

登萊數點落尊前，至今古意留名榭。

山上有古意亭

當日詩王

尙少年得與浣花堂，並峙表揚終賴後人賢。

鄂文端建祠於上

無題和竹樵

冰雪由來本性真，有緣脩到女兒身。嬌姿原不禁羅綺，絕世何須借笑顰。妝罷閒窗親繡佛，譜成通國拜鍼神。東家阿母心相許，道是瑤臺第一人。待嫁東風爲底遲，縷金衣唱杜秋詩。不關鳩鳥媒無益，未肯蛾眉椽入時。梳子篸開花褪色，牡丹屏掩雨成絲。人間未必無情種，蕉萃容顏勉自持。海棠夢醒鬢慵梳，無那傷春病未除。俊眼枉拋張一妹，琴心難得馬相如。玉釵敲斷期猶遠，金屋妝成願總虛。舊日垂髫諸女伴，陌頭送盡七香車。

鬼山樓詩集

卷三

六

四明叢書  
約齋刊本

瑤箱疊損嫁衣裳，春到蓬門草自芳。不惜三年窺宋玉，終無一紙感蕭郎。羅襟浣得前番淚，脂盞拋殘此日香。何似天寒脩竹裏，素衣還我儉梳妝。

得家書賦呈竹樵

時祖母逝世  
兄病增劇

嚴親書到促還鄉，喪亂連年劇可傷。自覺上書慚季子，更堪多病有元方。滿頭霜雪愁烏鳥，徧地關山怯虎狼。幾度欲歸歸未得，枕邊終夜淚成行。

壽陽孫養雲

振勝

以詩贈別賦此奉酬

六月辭江南，四月發濟北。一身一年一萬里，舟行畏海

車畏陸平生不解事遠遊茲何爲者傷僕僕一昨明州  
飛妖烽室廬灰燼田園空一家老幼各奔走十生九死  
干戈叢飢來驅我不得留策馬聊作長安遊不第敢謂  
文字厄入幕還使英雄羞燕趙齊魯古名勝欲登泰岱  
吞河流邯鄲道上豈無俠少年爲我悲歌擊劍一洗胸  
中愁遊俠少年不可逢下帷且作號秋蟲知心幸有韓  
荊州論文復得孫興公君家住皖水相去幾千里寇氛  
催使四方走高堂白髮違甘旨一樣風塵落拓人同病  
相憐看吾子何意昨日來家書大母終堂伯兄殂重巖  
年老竟誰侍行將膏車秣馬歸故閭感君臨別贈我詩  
一束情真語摯不忍讀杜宇歷歷號春木哀猿聲聲鳴  
巴蜀君送我歸憫我行路難摩天無翼翔黃鶴我今返  
故鄉道路阻且長地北與天南遙遙各一方嗟此蘇李  
情分手悲河梁側聞狂寇重披猖已踰淮潁窺壽陽時  
苗逆南魚不來音信絕一家無定清淮旁君亦行止未  
復熾可卜清宵涕淚沾衣裳憂來頓覺天地小生不逢辰苦  
潦倒君詩慰我我慰君相對真如蟲集蓼古人亦有言  
憂思令人老同是作客身胡不善自保天涯地角見有

時勿復煩憂中懷抱

留別陳養珊司馬

奏勳

腰閒霜氣拂吳鉤十載追隨定遠侯歲月漸消征馬足  
功名總薄爛羊頭雨中春樹鳧山綠馬上寒雲濟水流  
臨別更申重到約與君鴻雪話南樓

再別養雲

相逢已恨十年遲聚首無多更可悲送客忙於春去日  
別情濃到酒闌時疲驪偃蹇經荒壘斷雁飛鳴向水湄  
同作人間淪落客羨君兄弟是生離

謂令兄仲雲先生

鬼山樓詩集

卷三

八

約園刊本

去兗州再宿靈陽驛

題壁詩猶在上頭靈陽已是兩番遊荒涼禾黍流亡後  
破碎城垣戰伐秋銷恨須拚千日醉壓裝空賸十年愁  
故鄉親友如相問爲報征人去兗州

旅店題壁和楚邱蕉鹿子韻

客路風高撲面沙停車小坐野人家道旁一帶靡蕪綠  
更覺傷心故里花

晏城卽目

樹頭啼老子規聲覓宿時時間客程一縷鞭絲遙指處



麥花開徧晏嬰城

山梨結子青如豆野葛牽絲綠上牆穩坐不須嫌晝暖  
兩隄濃翠護車箱

饒陽道上

明發饒陽道輕寒襲敝裘轍含新雨潤鈴語曉風柔野  
屋鋪茅葦春耕雜馬牛故園禾黍盡爲爾動鄉愁

邯鄲老倡行

春風颯颯吹塵沙遠山隱約明殘霞停鞍繫馬覓棲宿  
中庭一樹櫻桃花金盤膾鯉玉壺酒屑桂研薑烹蕨芽

見山樓詩集 卷三

九

四明藏書  
約圖刊本

舉酒欲飲苦岑寂忽聞門外鳴箏琶邯鄲女兒豔妝束  
紅顏白靨長眉綠冰絃玉柱錯雜彈學得新腔半未熟  
夜深嬌惰不肯行薰香願伴旅人宿一曲徒傷白傅心  
兩行未當司空目中有一人殊可憐雲鬢霧鬢雙翠鈿  
徐娘老去顏色改風神婀娜還如前招來猶是背人後  
羞與羣小爭芳妍手抱瑤瑟訴哀怨聲聲淒斷鴛鴦絃  
自言十五正年少不數師師與好好千萬纏頭付阿母  
曉妝只解蛾眉掃玉貌潛看鏡裏催銅山頓覺年來倒  
寵博原知愛不專頭回無奈身先老當時早嫁東家王

雙飛雙宿春宵長舞裙歌扇早拋卻荆釵椎髻生容光  
如今悔作化萍絮鸞鳳泊歸何方談禪未遇玉局老  
覓偶怕逢浮梁商我聞歌聲淚沾臆又聽斯言重歎息  
白日不停過隙駒黃金難鑄韶年色吾儕哀樂逼中歲  
人生富貴須何日浪迹方知道路難廢書深悔頭顱黑  
我將策騎返故林著書兀兀抒素襟勵志當讀茂先傳  
遣懷但理淵明琴青袍紅粉本一例美人名士同一心  
盛時莫負光陰好請聽當筵老妓吟

泰安道中

鬼山樓詩集

卷三

十四

約園刊本

嶺頭嵐氣征鞍濕天半罡風獨客寒輪鐵易銷愁未減  
家山太遠夢都難大河濁浪空中落日觀春雲馬上看  
多少鄉情拋不得翻勞僮僕勸加餐

返都途中卽事

輪蹄輾轉碾新晴詩夢惺忪續不成野陌水枯資井汲  
小車風利挂帆行村墟太遠嫌無酒姹女多情解弄箏  
只有青青原上草送人一路到春明

柳絮和壁閒韻

漫天飛絮起愁思一落人閒悔已遲飄泊難償今世債

淒迷猶戀舊時枝，化萍願逐三篙水。綰恨羞添兩鬢絲，  
不少離亭來往客。春懷撩亂有誰知。

抵家四首

鐵鹿長檣海上行，故鄉重到不勝情。支離東北遊人俗，  
破碎河山淚眼驚。三度劫殘存老屋，一家痛定慶餘生。  
荒城新有炊煙起，總爲鄰封事漸平。

時餘姚賊新退

一城徧閱感滄桑，遠客新歸訪舊忙。地館荒煙埋骨地，  
市塵青草放牛場。知交問訊驚爲鬼，土著遷流半在鄉。  
愁聽女牆秋夜裏，招魂幾處泣清霜。

見山樓詩集

卷三

十一

四明雜書

約園刊本

一家聚首幸團圓，話到鄉鄰慘不歡。貧乏無緣通慶弔，  
往來相約恕衣冠。浮沈菰米秋霖重，寥落帆檣大澤寒。  
戶口日凋生計蹙，哀鴻聲裏夕陽殘。

妖氛今喜漸消磨，儘許溪山付醉哦。地有餘閒三徑足，  
家無長物一椽多。江湖世界隨塵夢，瑟瑟乾坤入短蓑。  
畦畔偶鋤殘箭鏃，驚魂猶是怯干戈。

呈四姑母

前歲江南揮淚別，大家都是未歸人。音容不信三年隔，  
霜雪俄驚兩鬢新。兒長苦無書可讀，家貧況與病爲鄰。

流離情事從頭訴愁對蓬廬四壁春

哭兄四章

哀哉不能言子竟棄我去去亦無定所念子竟何處子  
生有異才去或多奇遇子死無遺息去亦何顧慮斯世  
多荆棘豺狼臥當路子歸得所歸泫然返其素獨念重  
闈人哀酸逼歲暮我生鮮兄弟緩急失所助形質渺難  
追精魂當可語不樂人閒來奚必人閒駐旣墮塵寰中  
去住寧無據悲子還自悲孤雁號清曙

江南六月杪余將有遠行子病猶未瘥扶杖來軒楹偃

見山樓詩集

卷三

十四明徵書

約園刊本

寒體不仁舉步防跛傾勸子好珍攝心舒疾自輕子言  
汝遠去迢遞登神京文戰爾自捷捷歸須兼程我亦懷  
壯志所苦沈痼嬰揖別曾幾時候忽寒暑更悲風起庭  
宇怪鵬傳哀聲一書知病亟再書知目瞑捧書淚盈匊  
痛極轉不驚夜寐竟無夢不瞬何由成死生亦常事兄  
弟難爲情

寒冬十一月攜家棲山麓草露沾裳衣烽火驚心目寇  
平泛海來病機自茲伏客中鮮良醫參苓多誤服一家  
羈海上餬口苦不足醫藥良失時軀幹損愈速我獨客

遠方無由知疾篤調護不得親含斂復勿矚行役悔半  
生征塵何僕僕歸來望靈幃顧影傷幾獨

君詩摹老杜四壁聞呻吟矧復值離亂煩憤多哀音麻  
鞋屢驚竄亂踏層山陰蒼然感身世下筆成古今君已  
溘焉逝遺墨猶堪尋同輩多手錄珍重如璆琳長吉血  
已盡錦囊留其心苦憶我與子自少無商參讀書各自  
勵得句還相對四海一子由佳譽誰能任一且幽明隔  
愁思江水深但留珠玉在閱者悲人琴豈必負形骸濁  
世隨浮沈

東山樓詩集 卷三

十三 四明叢書

約圖刊本

收晚禾與鄉人閒談

鋤犁已燬無錢置牛犢新添不任耕差幸索租人較少  
今秋遲聽打門聲

三十感懷

歲月堂堂駒過隙塵寰擾擾海成田客中奔走萬千里  
愁裏消磨三十年草木變衰沈殺氣江湖浩蕩動霜天  
修名未立容顏改白酒黃花更可憐

荒郊狐兔走盲風多難乾坤感慨中十里池隍新戰血  
四山魂魄舊沙蟲飽石塵劫身猶贅滿貯牢愁句未工

賴有如雲豪氣在肯隨南阮哭途窮

買棹攜歸海上春一家慘慘亂離新成名敢笑方三拜  
娶婦真同第五倫骨肉難消生別恨腰肢悔瘦浪遊身  
登高今歲增惆悵插到茱萸少一人

北地風花淹日月南天菰菜滿江湖煙塵湏洞雙蓬鬢  
身事蹉跎一腐儒浮世聲名餘白雪故交消息問黃壚  
桑麻杜曲田猶在寂寞空山守舊株

海市 用東坡韻

雪山滾滾飛遙空登萊數點雲煙中中有樓閣條隱見

見山樓詩集卷三

十四四明叢書  
約園刊本

千門萬戶開琳宮海外九州昔所聞豈真鬼斧兼神工  
瑤臺貝闕精結撰神仙絡繹騎白龍鑪頭定有貰酒媪  
壺中豈無采藥翁潛蛟蟄蜃作光怪波濤顛擲聲沈雄  
須臾雲散碧空淨令人目力千里窮東坡居士禱海神  
一見幻影心神融對此異景發異想天情特爲詩人鍾  
我亦樓船泛海角乘風惜不毛羽豐重樓翠阜杳難見  
惟有落日鉦懸銅高歌卻望東方雲倏忽萬里隨天風

兵亂後故居燬於火城西有老屋數椽斬棘披荆

聊容棲止雖三徑荒蕪有可入吟詠者輒綴以

詩得八章

曉來春夢醒模糊  
檢點茶爐又酒爐  
豆葉漸長麻葉短  
一庭晴日弄雞雛

開窗小啓淨無塵  
春草綿綿綠似茵  
何必更栽桃與李  
野花香豔已撩人

盡日無人晝掩關  
一家真住翠微間  
樓窗四面湘簾卷  
看徧南山又北山

正是閒庭雨過時  
微陽隱約下階墀  
自尋野菜供餐飯  
分付山妻著意炊

東山樓詩集

卷三

十五四明叢書

約園刊本

扁豆作花紅意爛  
天絲引蔓綠痕新  
更留階下珊瑚草  
要與秋蟲作主人

此中風景似田家  
晝曬新禾夜績麻  
蝴蝶不嫌秋圃冷  
伶俦猶抱馬蘭花

一畦寒菜自成春  
庭宇蕭條絕四鄰  
牆角數弓還種蕘  
庾郎何事更愁貧

瘦影珊珊傍短牆  
野梅初植似人長  
去年開得花三五  
也解迎春到草堂

題金匱鄧晉占貳尹

思錫

清可亭論詩圖

雲廊水榭向秋開  
蘭友談心日幾回  
怪底詩情清到骨  
惠泉山色入簾來

眼底風光筆底新  
外人未許略知津  
此宵相對蒼茫裏  
祇有江山是解人

一自傷心走礮車  
故園同望暮雲遮  
一官飄泊同蓬梗  
盞裏家山不是家

大好湖山在眼前  
儘堪隨意付吟箋  
坡翁亦是無家客  
陽羨何妨更買田

孫蓮士太守

廷璋

陳鈞堂明經

康祺

同飲桂林校

兜山樓詩集

卷三

十六

詞明叢書

約園刊本

書妝閣醉後題壁

來認雲英掌上身  
華堂笑語豔生春  
顛狂孫楚眞名士  
湖海陳登泥酒人  
一縷嬌喉聲嚶玉  
兩行豔燭夜燒銀  
明朝重看留題處  
醉草如龍定入神

贈蓮士卽題其豔情詩後疊前韻

江南薊北老吟身  
無奈尋春是惜春  
三月鶯花行樂候  
百年天地浪遊人  
飄零法曲傳瑤瑟  
宛轉靈心瀉水銀  
共羨比紅詩豔絕  
羅虬當日幾傷神

食枇杷示內兼示劉姬

室人生長姑蘇  
姬爲吳縣人



虛橋登盤一半青西園風物佐春醞爲言此味江南好  
無限鄉心落洞庭

鳳山八詠

邑西鳳皇山秀挺一峯懸互十餘里石根蜿蜒  
起伏江底蓋餘姚慈谿劃界處也山有殊景余  
少時讀書其中雨屐煙蓑遊覽殆徧因區分其  
景爲八錫以名柏甫萊仙各有詩余繼之以俟  
葺邑乘者採入焉

金孟峯

東山樓詩集

卷三

十七四明續譜

約園刊本

誰攜玉女盆置此青雲邊若種瑤池藕應開十丈蓮

仙人坡

老仙去已久此地留仙坡月明人靜夜猶唱洞仙歌

乳泉

巖石俯深澗泉流淌如乳不識在山甘那知出山苦

斷橋

爲有津梁在征人過往頻願教橋盡斷應少送行人

龍湫

老龍蟄空潭百里起雲霧亢旱及今時用汝作霖雨

旱井

此井胡名旱寒泉徹底清從來能濟物原不計浮名

石牀

巖花錯雜飛石磴青苔上撫琴人不來泉流滴清響

錦雞洞

天門開蕩蕩自有鴉鷺在爾居石室中慎勿炫光彩

題鄧晉占夢遊雪竇圖

時鄧攝奉化縣事

四明之山二百八十峯峯削出青芙蓉中有雪竇景殊絕長空晴瀑蜿蜒飛白龍梁谿鄧侯好遊覽足跡已

鬼山樓詩集

卷三

十六四明叢書

約園刊本

徧雁蕩天台中前年莅茲邑下車觀民風除奸剔弊苦無暇探幽選勝難爲功恨不棄手版來扶綠玉筇名山咫尺未易逢山靈岑寂誰與同官閣夜深憶泉石精誠不覺魂夢通芒鞋一兩出門去茫茫不辨桃源路仙人白玉冠相邀雲之端隱約煙雲足底生飛越萬壑千層巒手攀皓月捫星斗六銖衣薄天風寒仰視浮雲浮俯聽流水流猿啼虎嘯巖谷幽澗松洞草含清秋倏忽遊興闌凜乎不可留旭日照耀天雞唱依然偃臥官署樓迴思臥遊趣恍惚若可求補之畫師老好事爲君煙嵐

金碧圖瀛洲

圖爲楊瓊隱大令筆

攜圖過我索新句披圖令我心

悠悠憶昔曾遊武夷曲其時我年方總角過眼好山領  
略疏棹唱重緇愧塵俗壯歲策馬遊濟南日觀諸峯紛  
滿目客中苦無濟勝具孤負岱宗迎面綠歸來滄海挂  
雲帆欲窮蓬島尋仙躅登萊數點尙模糊安望神山資  
眼福翻羨使君神思閒一夕清興酬林泉名山管領得  
仙吏山神亦得開心顏我亦明州好奇客金莪非遠祇  
目前不須夢神弄狡獪擬將桃枝竹杖挑破千峯煙置  
身絕頂縹緲虛無間

東山樓詩集

卷三

十九四明叢書

約園刊本

萊仙三十初度亭江諸友置酒爲壽余適與斯會

別後卻寄

羨君三十正青春已有文章動世人放浪酒杯狂阮籍  
淒迷芳草古靈均

君詩多香豔語

青衫一領何嫌誤蜀錦千箱

未是貧著述名山應自勵肯隨流輩逐風塵

海嶠鴻泥跡尙留翦燈重話少年遊八閩山色歸行篋  
五夜灘聲入旅愁畷荔同緇忠惠譜采茶曾棹武夷舟  
南中隨宦從前事忽忽流光二十秋

家山徧處起榛荆礮火縱橫徹夜明棟宇成灰愁燕雀

江流卷地走蛟鯨道猶可恃還須守心縱難平不敢鳴  
羞幸干戈寥落後尙留餘地可躬耕

懸弧正值麥秋天舊雨重逢亦有緣柳浪碧催詞客舫  
榴花紅映酒人筵三軍詩國張旗鼓兩部蛙聲當管絃  
爲寫新辭作屏障數行留看到他年

喜馮蓮君

如潮

趙瑾伯

家薰

馮翁堂

全壩

毛溪芷

瓊俞筱雲

斯碧

秋闈獲售

捷書飛度浙江潮仙侶同舟未寂寥萬里鴟鵬初變化  
十年朋輩各雲霄君苗近日謀焚硯季子當年有傲貂

東山樓詩集

卷二

二十四

明叢書

蓮君年最長瑾伯筱雲均累赴京兆試

我自放歌還縱酒讓君大筆去題

橋

悼陳孺人

亂離歲月半消磨旅食京華草過萬里關河歸夢杳  
五年夫婦別時多嬌癡旋失懷中女辛苦初牽屋上蘿  
時葺屋未竟此去慈親勞爾侍泉臺渺渺夜如何

病耗驚聞夜已闌明州歸路苦漫漫出門祇辦三宵別

永訣誰知一面難

余適以事赴甬聞病趨歸已不及矣

堂上悲聲憐我到

牀頭鐙影怨更殘四絲昨夜真成讖從此離鸞莫再彈

前夜聞歌  
四絃俱絕

慟哭靈幃幾度聞  
哀思添我爲朝雲  
捧稠經歲原知命  
侍藥連宵解效勤  
樛木有恩能逮下  
曇花易散倍憐君  
傷心亂後無裝飾  
賸與留仙舊日裙

蘇臺舊宅記依稀  
妝閣成灰野鳥飛  
兄弟存亡都是夢

婦四弟亂後無耗

邱墳無恙幸相依  
外舅姑墓均在慈鄉  
杜陵蓬蓽歸猶

早元相齋錢願總  
違歲歲茅菴作寒食  
棠梨花發淚沾

衣

唐西郊之迎賓菴菴中多棠梨花

庭花示絳雲諸妹

東山樓詩集 卷三

王四明叢書  
約圖刊本

東風昨夜來春氣滿  
四壁羣花笑相迎  
如見新來客去冬  
盛雪霜眾芳亦已  
寂轉愁萌  
斃盡或恐孤培植  
豔質難自棄  
紅白盈階側  
當窗媚主人  
盛妝鬪顏色  
嬌姝多垂鬢  
鉛黃解塗澤  
簪花輒滿頭  
狼籍隨手摘  
戒汝勿嬌癡  
猩紅忍拋擲  
茲花良可憐  
韶華猶堪惜  
披枝莫傷心  
來歲圖良覲

題鄧晉占清可亭集後

論交難得性情真  
示我瑤編字字新  
吏隱不妨甘冷淡  
詩家無礙是清貧  
湖山歷劫空陳迹  
花草多情待舊人

署中花木多庚辛  
以前君所手植  
料得頌椒仙侶在  
退衙同詠一庭春  
夫人  
丁詩

贈晉占

我亦生平汗漫遊  
曾登泰岱瞰河流  
廿年行迹歸詩卷  
兩載長安賸傲裘  
饑到鳳皇還自惜  
媒來鳩鳥反成仇  
知心幸有神仙尉  
同對殘山賦四愁

茉莉

細朵零星折黃昏  
發異香更無雲鬢  
插簾幕月如霜

客武林贈郭晚香同年

傳璞

鬼山樓詩集

卷三

二五四明叢書

續園刊本

君家甬水曲我住寶山頭  
相訪輒相左年年叢桂秋  
今來湖上路日日弄扁舟  
高興乘時發詩篇爲爾留

武林鄭媪戊午己未閒舊館人也  
兵燹後遇諸途  
邀過其家具雜黍焉余憫其貧老無依感贈是

詩

亂後何從問姓名  
青裙白髮見還驚  
十年重到曾遊客  
一飯猶伸舊主情  
歸夢歸期勞共計

媪本蛟川人

無兒無食

痛餘生脫驂相贈吾何靳  
日暮驅車涕泗橫

黑水洋觀日出歌

黑風吹水海水立波濤如山天黑色赤烏熠熠飛出扶  
桑來百千萬頃搖動琉璃碧樓船奮激聲浪浪天雞啼  
破遙天荒五更殘月墮水底但覺四圍雲水銜微茫排  
空突兀赤城起霞光霍霍互千里眼中幻相莽無定翠  
雀金鷄紛蔚歧倏忽天風來雲彩淨如洗水色天光鋪  
欲平閃閃不辨赤白青黃紺與紫一丸如斗欲出旋復  
入恍疑靈鼇神龍窟裏爭吞吸一起一伏波低昂炎炎  
紅鏡擎出臙脂濕轟然直上凌雲霄晶光徧射九州七  
舍東西與南北精移神駭銀海眩欲花車蓋盤盂欲辨  
何由得我昔遭離亂北走來燕京中原道路苦梗塞茫  
茫滄海凡四經魚龍叫嘯風濤怒嘔吐狼藉難爲情豈  
無蓬萊山恍惚不可憑豈無登州市變幻難具名相傳  
日月照耀有如金銀臺驚濤駭浪使我不復雙眼明新  
皇御極今七載蛾賊掃除倒懸解九重召試羣儒生海  
隅微臣亦得覩文采東吳粳稻輸帝京我隨雲帆轉遼  
海蛟馴龍擾歌安瀾舟中放眼天地寬一輪華曜瞻宣  
明俯仰今始徵奇觀我聞有虞時光華廣復旦又問漢  
時宗祀日日宣重光天文燦是皆盛德誠帝天昇平有

象天章煥方今帝業誇中興多士霞蔚兼雲蒸歌功頌  
德吾何能李程五色自有詞臣賦一詩聊同下里獻曝  
抒真誠

天津

津南楊柳亂飛鴉河北冰霜未發花村落萬家銷劫火  
孤城三月隱悲笳正供猶滯天庾粟殊錫新分海客棹  
捻匪撲天津江浙海運  
商船助戰得賜匾額戊卒暮同行旅宿條侯軍令本  
無譁

通州

東山樓詩集

卷三

三

四明叢書

續編刊本

莽莽塵沙策騎行鞭絲搖夢到神京三春輦路埋芳草  
九曲河流抱禁城掩映畫船煙水闊淒涼石獸墓田平  
前年記出都門去嘹唳秋霜雁有聲

都中寓齋種竹歌

炎天赫赫塵亂飛赤雲如蓋明朱曦庭中老槐半枯死  
晝長陰薄蟬何依汗出如漿沾葛衣呼童揮扇噴力微  
精盤纍纍堆蓮藕未覺冰雪清肝脾桐柳椿杉植無藥  
樹木誰甘十年約眼前苦無避暑臺夢中枉自尋邱壑  
有客手持青琅玕勸我徧植庭階前北地龍孫素寶貴



一枝直作珊瑚看，手攜鸚嘴刷苔綠。四圍排列森翠煙，清風灑然起天末。便覺庭宇生微寒，黃昏好雨未斷絕。千個萬個青拂拂，下種未當竹醉時。且喜十栽得九活，明年新筍定滿林。籊龍飛舞拏雲出，三竿兩竿化作億萬竿。直上雲霄看一一，吾邑人文古稱勝。近歲科名尤鼎盛，少年同隊多。凌雲玉筍班中互輝映，君不見竹林中鬱鬱佳氣何。蔥龍勁枝直節自有挺生質，干霄蔽日尤資造化功。此君堪爲吾邑科第券，不徒北窗高臥爲我招涼風。

東山樓詩集 卷三

五十四明叢書

約園刊本

六月二十三日保和殿覆試恭紀

樓臺金碧耀輝煌，萬戶千門敞曙光。風定采眉飛燕雀，日高笙管動鸞凰。御廚絡繹傳珍品，玉座飄飄發異香。天上瑤函曾手啓，畫長抽筆賦長楊。

欽命四書詩題朝考一名例得開函

恭錄

七月初四日引見養心殿恭紀

班繼鸛鸞入紫宸，彤庭授簡漢儀新。綠槐翠柏傳遙漏，舜目堯眉識聖人。御榻花明香滿座，宮袍煙惹錦添春。九天雨露無私被，釋褐猶慚草莽臣。

京邸臥病贈俞子黃明府同年

纏綿牀蓐入秋天，瘦怯形容到鏡前。  
患難交情徵一病，迢遙歸路阻三千。  
異方醫藥勞斟酌，客裏愁懷共鬱煎。  
憐我呻吟難自主，累君輟轉不成眠。

滬上送湯春谷廣文

繩和

同年歸武林

申江花月夜渺渺，別雲飛爲有高堂。  
望西湖一櫂歸滿，攜燕市酒歡舞老萊衣。  
我亦句章去重巖，定省稀。

同楊澹泉

鴻元

俞子黃

斯察

兩同年乞假航海歸

里

東山樓詩集

卷三

一三四明鏡書

約園刊本

滄海渺千里，佳朋同一舟。  
宦情三月淡，鄉思夜潮遶。  
島嶼懸窮髮，星辰浴亂流。  
故山自咫尺，歸未及深秋。  
久客思歸省，無能合退耕。  
本來慚製錦，豈是薄簪纓。  
花竹家山夢，杯盤故舊情。  
縉屨猶素服，重與話春明。

讀國朝人詩效元遺山論詩體

錢牧齋

顛倒筆端傾獻吉，淒涼身後負龐蕪。  
枉將出處師長樂，曾有飛熊應夢無。

錢詩有未應飛熊鬣已幡句

吳梅村

卻聘何緣一字慳空留詞賦動江關愛才自出先皇意  
恰誤南朝庾子山

王漁洋

秦淮秋柳豔新詞海內風騷賴主持萬首爭誇陸務觀  
無人能誦劍南詩

施愚山

循吏儒林世所崇暮年更入玉堂中京華獨有朝雲淚  
一代文章哭鉅公

宋荔裳

鬼山樓詩集

卷三

王孟明叢書

約園刊本

大風東海尙雄聲刀俎餘生夢亦驚哭望西川諸老友  
獨能生死見交情

汪茗文

生平詩律守唐賢人誚頽唐到暮年無限蘇臺楊柳曲  
有誰風韻自天然

屈翁山

公卿隊裏唱酬頻身是前朝謝茂秦一卷名山自千古  
白衣悔著帝京塵

梁藥亭

田薛雄藩日邊戈傷貧傷亂奈愁何時清不覺詩人老  
插到宮花白髮多

陳元孝

獨澁堂中格調超屈梁左右共揚鑣布衣亦有興亡感

豈忍詩名占兩朝

陳詩兼採入明詩別裁

尤悔庵

悔翁樂府感滄桑國事當年劇可傷留與前朝徵信史

未容變雅入明堂

樂府諸篇後別裁悉不錄

惲壽平

見山樓詩集

卷三

天  
四明叢書

約園刊本

詩筆清微迴不羣毘陵六逸總推君甌香拓本南田畫

三絕如今鄭廣文

姜西溟

唐人詩筆元人畫兩漢文章兩晉書公自不應科第貴

凌雲一賦誤相如

毛西河

壽世文章已等身經師餘事作詩人蘇公博洽非難學

良法何曾阻後塵

陳其年

萬肩火色氣如雲湖海才名夙所聞祇有如青儷白句  
纒穠不是六朝文

朱竹垞

搯腹撐腸孰與齊瓣香杜老與昌黎鄉人浪誦鴛湖曲  
詩派紛紛說浙西

徐虹亭

畫壁旗亭負妙才一編本事見心裁豔情重費君家筆  
新敘爭看續玉臺

趙秋谷

東山樓詩集

卷三

五

約園刊本

鴻毛輕擲宦情慵杯酒難澆塊磊胸不廢江河流萬古  
一書辛苦著談龍

宋締津

坡公才氣浩縱橫宏獎風流誦後生吳下至今傳合刻  
可能元白竟齊名

吳漢槎

秋笳嗚咽慘吟魂白髮飄蕭入玉門一代詩書艱苦得  
投荒萬里亦君恩

沈方舟

西湖歸夢梅勞勞韋布聲名日下高十載長安彈鋏客  
不曾賦到鬱輪袍

厲太鴻

便便腹笥久傳名始信文從醞釀成多少詞人工獺祭  
無緣夢見玉溪生

查初白

雄才健筆歷時流萬里黃河瀉九州蕭選總推臣善本  
眉山香火共千秋

袁簡齋

見山樓詩集

三  
約園刊本

驚才絕艷足名家爲有瑕瑜指摘加僞體別裁風雅定  
揀金人苦懶披沙

蔣茗生

名作流傳信不刊西江派又重詞壇元輕白俗諧時目  
定論三家鼎峙難

趙雲崧

遂初早賦謝明廷萬首新詩寫性靈不少東方諧謔語  
豈容三百補葩經

沈歸愚

江南名士鬢絲幡六十年華到大羅  
蕭統何須文字顯  
一生心力選樓多

黃仲則

荆門旅魄嘯寒煙  
遺集猶歸老友編  
乃是青蓮命長吉  
天公情向此人偏

張亨甫

松寥集與南來錄  
韓筆杜詩兩擅之  
宗武誰憐寥落甚  
湖湘無地寄相思

禽言

見山樓詩集 卷三

三十四 詞話

幼園刊本

行不得也哥哥

行不得也哥哥  
行不得也哥哥  
行不得也哥哥  
哥哥獨地是關河  
行人行白  
多

布穀

布穀布穀春不下  
種秋不得粟  
布穀布穀

泥滑滑

泥滑滑泥滑滑  
愁煞遠行客  
春霜露白露  
白赤腳

不如歸去

不如歸去不如歸去  
日歸日歸歸無路  
豺狼在山蛟龍

在洲商人重錢刀忍使恩愛捐

春去了

春去了故園落花知多少白馬郎君歸信杳天涯何處  
無芳草

割麥插禾

割麥插禾割麥插禾往歲工夫蹉過多地頭空便下種  
八口無饑須勤動

姑惡

姑惡姑惡姑惡莫怨誰年少終須受折磨昨日新婦今

見山樓詩集卷三

三四明叢書

約園刊本

爲婆

脫卻布褲

脫卻布褲脫卻布褲布褲脫卻換紈褲狂夫富貴在青  
春功名猶如草頭露齊紈脆裂絲布澀吁嗟紈褲不如  
布

提壺盧

提壺盧提壺盧畢卓臥甕頭劉伶埋路隅晉人清談誤  
天下道旁愁絕提壺盧

鴉鵲



鵲鳩鵲雙雙哺雛晴喚婦雨逐婦結髮爲夫妻白頭  
期相守一朝富貴下堂走世人不信看鳩婦

得過且過

得過且過安本分受福多銅山鑄錢負郭置田鮮衣美  
食黃金韉千金美人萬金高爵人心不足江難填天子  
猶是求神仙

待燕爲坦園主人王魚山老人

廣成賦

有燕巢堂迴翔審顧若覓營巢地主人爲植木  
於梁俟之

見山樓詩集

卷三

三

四明樓齋

約園刊本

海外言歸覓主人蓬門花草亦生春歡迎如見新來客  
珍重何殊入幕賓莫道數椽同逆旅且圖半載作芳鄰  
呼童版築非無意掃徑情懷一樣真

坦園紫白藤花盛開主人置酒賞焉卽席示同學  
諸子

藤花繚繞護山亭爲惜春歸酒不停壓樹都成紫瓔珞  
凌波如見玉瓏玲隨時野菜登盤綠有意雲山入眼青  
一徑春風童冠在陶然主客共忘形

立夏坦園主人設飲席閒賦呈主人

名園借作讀書樓  
冉冉光陰近  
麥秋人是龐公忘  
主客  
天教蔣徑著羊求  
謂子黃  
同年  
雲山對酒常如醉  
花草催詩  
豔不收  
領略  
卮廚櫻筍味  
亭前何惜倒金甌

詠西瓜鐙

摘得黃臺顆顆新  
雕鏤幻出畫堂春  
偶然玉骨冰肌客  
來對鳶肩火色人  
冷暖世情移片刻  
炎涼光景想前因  
虛心饒有丹心在  
始信東陵是逸民

渡錢唐思蔣中丞作

曉風颯颯江草黃  
江濤十里流淼茫  
檣腳篷背露猶濕

見山樓詩集 卷三

三四 四明 續編  
約圖刊本

長蘆短荻含清蒼  
大船帆滿激如箭  
小舟隱約浮鳧雁  
白馬不來波浪平  
一片澄江淨於練  
海門東望雲冥冥  
龕赭對立雙鬢青  
鹽官一城煙霧裏  
紫微峯影排零星  
須臾城郭倏隱見  
篙師攏船促登岸  
吳山含笑送青來  
三年重撲遊人面  
我初涉江自乙卯  
秋風卷地波浩浩  
行人爭渡聲喧豕  
輿輪棄置臨江道  
犢車兀立江心中  
波濤頓撼如轉蓬  
破舟人滿慮傾覆  
舟人索價猶洶洶  
將俟開藩來吾浙  
力求利濟除結習  
凌虛靈飛巨艦成  
設官監制期無缺  
昔也待渡動經時  
風潮愁絕行人遲

今也飛渡僅片刻登者并不憂斧資羅刹江水清且深  
行旅謳歌無古今侯今去矣澤猶在慈航寶筏仁人心  
況聞江潮近暗漲十二銀山氣不壯娥江轉復飛秋濤  
越山壁立資摩蕩豈真伍相怒銷歇靈旗漸逐鷓鴣夷沒  
又豈兒女多英靈翻借洪濤舒鬱勃是皆我侯誠格天  
蛟馴龍擾龜鼉遷手障百川東入海鐵弩不用勞三千  
君不見西湖兩隄號蘇白千秋治迹誰爭席爲侯今譜  
安闌歌我亦錢唐往來客

登吳山

吳山樓詩集 卷三

三五 四明雜書

秋圖 刊本

秋高風勁暮蛩哀十里雄封倦眼開湖氣作雲隨樹動  
江湖如雪抱城來塵埋敗屋停炊火淚灑殘山罷酒杯  
行倦偶憑危石坐野鷹鷺客卻飛回

弔張忠烈公墓

義師倉卒潰江濱唾手中原飲恨新宗社存亡憑一髮  
海山慟哭賸孤臣棲霞魂魄生同調柴市英靈沒有神  
聖世不難容梗化要傳勝國此完人

輓胡柏甫孝廉

體坤時自武林  
歸舟泊大亭作

前日山樓上悲歌共酒邊別來剛可月何意忽重泉天

竺新歸客亭江乍泊船陡傳凶耗至一櫛向霜天  
歸來京國後意興轉闌珊排解鄉鄰易停調骨肉難伸  
宣真弱體長吉竟嘔肝白首慈闈在喬棺臥豈安

腸熱翻多累情深易費財人皆嗤喜事我自惜奇材篋  
笥遺文貴山邱舊友來獨令王濟死孫楚語何哀

有子皆英物依然讀父書縱遭新劫火猶剩舊田廬莊  
夢醒何早蓉城爾可居士衡應聚首歎逝重悲予

先兄與君

爲莫逆交

菱娘與鳳女郎居城西時余數過訪一別幾二十

鬼山樓詩集 卷三

三玉園明叢書

約同刊本

年重見顏色霧鬢雪鬢美人遲暮矣因出折梅

士女圖求詩余憫其寥落不偶爲書兩絕以誌

萍蓬之感焉

紫玉多情碧玉癡西城壁上記題詩廿年不見驚鴻影  
已是徐娘半老時

故知衫鳳懶隨鴉無奈風塵老鬢華晝裏美人應解意  
歲寒猶是抱梅花

自題畫梅

墨汁無多酒力微雪梢風蕊認依稀漫矜瘦硬通神筆

寫到癯仙不敢肥

庭梅初放忽來數蝶感賦

歲寒風雪鎮相侵冷澗春從數點尋不向最繁枝上覓  
可知爾亦抱冬心

暮冬得周長沙師書

摩到魚書涕滿胸西風毳毳感秋容自慚技是羊公鶴  
反累人譏葉縣龍艱苦功名違壯志米鹽心事逼殘冬  
起居空向南鴻問雲水瀟湘阻萬重

見山樓詩集卷四

辛未至甲戌

清慈谿張翊儔麟洲著

滬上雜感

江干草長水濛濛  
裏外雙橋落彩虹  
珠翠輝煌鮫客市  
樓臺金碧島夷宮  
四圍煙樹連天綠  
十里華燈照夜紅  
如鏡平沙難辨路  
香車寶馬任西東

天地沈沈合醉昏  
中華文物久無存  
羅紉徧體輿臺貴  
冠蓋盈街估客尊  
魔女佩環朝習舞  
諸郎檀板夜開樽  
李唐畫與廷蘭曲  
挾技長依顯者門

見山樓詩集

卷四

四明叢書

約園刊本

脂香粉膩鬢垂鴉  
到處相逢油壁車  
十二娃娃都識曲  
萬千門巷盡藏花  
境空水月誰能鑑  
鄉縱溫柔未是家  
不信樊川狂杜牧  
江湖春夢醒繁華

煙花豔景勝揚州  
十萬腰纏試一遊  
西土本來稱極樂  
南朝從古號無愁  
浮生若夢歡娛短  
舉國如狂感慨留  
海燕卽今巢幕慣  
豈知人世有春秋

都中觀繩伎孟三娘演雜劇作

春明門裏春草綠  
楊花李花亂馬足  
隆福寺前好圍場  
遊人日暮猶追逐  
高竿百尺懸晴空  
彩繩一縷搖東風

少小女郎貌端正婆婆來去西復東飛行直似馬縱轡  
翻身忽作輕燕墜雙跌瘦削春筍翹鬢花墮地脂痕膩  
整頓雲鬢下地行嫣然一笑秋波明請爲諸君演雜劇  
紅衣重束腰肢輕百轉車輪舞乍息跨盤高立天咫尺  
天風吹衣衣亂飛愁殺旁觀花底客演罷當場頓改妝  
砑羅裙子綠衣裳尊前覩腆不成曲錦瑟隨身一樣長

喜陳子仙同年欽入詞館

季方吾畏友生小同鄉曲長我不十年肩隨互追逐二  
十富詞華文場旗幟卓三十共苔岑荆山耀雙玉奏賦

見山樓詩集

卷四

二四 朔鐵齋

約園刊本

星羅胸談經笥在腹沾丐來世人殘膏兼賸馥視我猶  
弟行箴規嚴課督風雨每聯牀快談忘信宿尊酒論古  
今抵几張雙目此邦全盛時冠蓋自相屬甲第動連雲  
金張盡貴族達者不盡賢賢者淹薄祿所以數百年佳  
傳無可讀跳躍輒自奮慷慨雜歌哭兵亂經歲時山林  
苦踰伏忽忽已中年一官各初服我食武昌魚君逐長  
安鹿君登金玉堂我職牛羊牧宦迹倏中分天涯復海  
角會面自茲稀交情應倍篤金石保素心歧途慎投足  
平昔志攸存良友交相助傾心聖德詩努力名臣錄爲

君喜不寐知君不隨俗

京邸慰尹秋雪舍人并誌別

北里鶯花羈客夢東華樓閣起春陰朝衫京國緇塵滿  
旅鬢江潭柳色深一第艱難名士恨百年湖海故人心  
無窮和氏荆山淚灑到征夫漢上襟

諸友餞別陶然亭卽席賦謝

豔豔鶯花做別筵鳳皇池客玉堂仙倍添愁緒春三月  
莫惜離尊斗十千地北天南分宦迹哀絲豪竹感中年  
喧闐車馬忽忽回首燕雲益惘然

東山樓詩集

卷四

三四明齋書

約園刊本

出都端午前一日由滬駕番舶歸甬次日抵里喜

占兼憶留都尹秋雪舍人

長風一夜動江關千里樓船獨客還忽醒繁華京國夢  
來看青翠故鄉山室中椿樹垂重蔭庭外榴花帶笑顏  
寄語春明留滯客香蒲莫放酒杯閒

天津舟中贈馮舸月孝廉

可鋪

北闕書空上西山人倦遊功名慳我輩風雨快同舟夜  
氣橫平野春潮湧濁流且吟新白紵莫問舊貂裘

山有桐 傷楚遊也



山有桐其葉楚楚我有王父我不能撫勞人之跼跼兮  
山有梓其葉沃沃我有嚴君不我能畜勞人之蹙蹙兮  
原有脊令翩其逝兮巢有雛燕迭相棄兮我之遠行莫  
或畀兮草草勞人心如醉兮

晨風忽來吹我白雲飄飄遊子載離里門笑吾弗見歎  
吾弗聞滔滔江漢越關渡津哀我勞人悔此勞人

之官留別家人并鄉中諸親友

浮雲起天末一雁翔遠空野田稻梁盡逐食來西東哀  
哀念其侶日暮號悲風志長羽翼瘁天路安可窮遊子

東山樓詩集

卷四

四十四明嚴書

約園刊本

去荆楚飄飄傷斷蓬不擇陋宗測得所慚龐公出山爲  
小草茲事寧素衷黃鵠隨燕雀憔悴將何從

生平少年時意氣何縱橫破浪慕宗慤入洛隨賈生結  
交盡游俠驅馬走帝京痛飲酒徒集高歌神鬼驚亂離  
失舊業頽然返柴荆故山多榛莽蕪穢不可耕輒思公  
田秫一醉謀泉明赤牒應官去悽惶顏面更磬折自茲  
始寧爲夸譽名

慈烏屋角棲夜夜啼不止反哺見汝心微禽迺能爾我  
有重闌親白頭垂過耳顯揚苦不早薄祿甘卑仕所以

廬江生捧檄增欣喜遊子縱有方春暉難久恃商飈四  
北來江流方瀾瀾白雲親舍遙平原渺千里

征馬當門嘶晨露草霑濕行人慘將發一家黯無色親  
朋送我行杯盤羅廣席悲感鬱中懷對酒不能食豈惟  
酬酢情肝膽無拂逆出處各有時天涯互努力嘉會絲  
管陳相思山海隔臨別且須斯別後懷今夕

別笙和叔

祖鋪

我別重闕去誰能奉老親不愁門祚薄要有讀書人歲  
月隨時惜文章與日新癡名臣叔著莫使誚鄉鄰

東山樓詩集

卷四

五四明叢書

約園刊本

別王生縵雲

定祥

似爾聰明少知余屬望深聲名早歲得師友古人尋夜  
雨催更漏秋風緊客心明朝江海上別酒漫停斟

留別京兆君

枇杷白板夜沈沈如水柔懷淡後深一面已教三日憶  
千金難鑄兩邊心情癡不祝雲英嫁春老重煩杜牧尋  
同有天涯遲暮感落紅成陣淚沾襟

辛苦重營燕子樓牽蘿日日費綢繆本來骨瘦何堪病  
如此心多易著愁寂寞銅環三徑雨蓬鬆雲鬢一簾秋

算來還是沾泥好忍看輕萍逐水流

金尊相對每宵分一炷心香細細焚不合時宜識坡老  
曾拋心力事朝雲情絲幻作空中結薶澤頻從醉後聞  
比去恩恩湖海上悔教烏帽誤紅裙

三載心盟又臂盟將離無奈贈卿卿一尊風雨留行客  
萬疊雲山寫別情樓上花枝君自惜渡頭桃葉我來迎  
今宵眼看蒲郎去白馬門前噤不鳴

秋七月捧檄之鄂道出姑蘇謁恩竹樵方伯

錫

牙旗飄蕩戟門開曾憶相依杜甫臺未必陳琳工草檄

東山樓詩集

卷四

六一四明叢書

約園刊本

祇緣嚴武解憐才家貧親老歸心迫世難年荒別緒哀  
今日南天重聚首恩恩已是十年來

詞壇藝苑卓旌旂宏獎風流世所稀下筆公存千載想  
出山我惜一官微江南花月騷人主楚北煙雲別夢飛  
本是舊時王謝燕畫堂相對總依依

題竹樵方伯南行紀遊詩後

春水桃花湧畫艘金焦數點落篷窗名區今得詩人管

肯放青山一過江

公遊宦淮鳳聞嘗以不得過江爲恨每誦天公爲厭揚州俗無數青山不

過江

句

兩行旌節豔芳時  
軟水溫山盡入詩  
我惜江南諸父老  
福星來已廿年遲

五人墓

山塘寂寞秋花紅  
纍纍五冢青苔封  
冢中五人明義士  
顏君佩韋乃其雄  
身則市井心則公  
一腔義憤凌蒼穹  
殺人媚鬼五人死  
至今冤魂號寒風  
天子唯饒日戲蕩  
太阿魁柄移東廠  
北寺冤沈傾顧廚  
同文獄具誣朋黨  
妖燄薰天天不明  
緹騎疊出東南行  
楊左諸公錮獄底  
銀瑤又逮周先生  
先生卓卓吳中英  
道旁觀者多不平

東山樓詩集

卷四

七

約園刊本

問天子詔竟何在  
若輩狗彘何縱橫  
老拳攢擊斃一騎  
中丞鼠竄僚吏驚  
檻車北去萬人散  
嗚呼五人死其難  
五人雖死老奸懼  
虎狼不到江南岸  
拚將一死障清流  
英賢幸免抄瓜蔓  
虎山埋骨妥精魂  
五人之墓巍然存  
大書特書題墓門  
五人始得稱成人  
當時朝士竟何等  
乾兒義子蟲紛紛  
近聞楊家有孫子  
聞是楊念墓田設  
肆花成市魂魄何  
須苦寂寥寒食清  
明一陌紙逆祠燬  
盡餘荒邱劓棺散  
骨無人收轉恐餘  
腥沾蔓草墳前奠  
燕沈香頭

眞娘墓

芙蓉露凋鴛鴦死秋冢霜寒叢草紫百蝶成塵雁柱灰  
地下美人呼不起美人例台古今憐千載遊人想玉顏  
松柏西冷抔土淺一雙兒女豔湖山

山塘卽目

半塘橋外碧波平一派笙歌續斷聲日暮遊船銜尾溟  
鬢花香滿闔閭城

孫養雲大令 振翮 見贈兩律次韻奉酬

生死干戈裏重幃得奉親願隨遺逸士長作太平民舊

見山樓詩集 卷四

八四初藏書  
約圖刊本

業眞成夢名場愧置身元規難免俗回首已風塵

太傅文章客風流領一州幕中多俊彥健筆寫清秋我  
亦與高會君非爲浪遊仲宣今得主莫漫賦登樓

擬吳梅村戲題士女圖同竹樵方伯作

一舸

戰勝帷房敢自誇五湖深處且爲家美人智計高流輩  
不許隋師斬麗華

虞兮

兒女情深難割捨君王氣盡可如何定陶楚舞淒迷夜

淚比烏江澗更多

出塞

家邊青草怨春深  
長信昭陽有夢尋  
脩得琵琶憎不似  
美人心是漢臣心

歸國

託命新人亦自傷  
塞垣歸後鬢絲蒼  
桑榆暮景留何意  
衍得書家一瓣香

當墟

放誕風流莫便輕  
聞人亦是擅才名  
茂陵秋雨瀟瀟後

苑中樓詩集 卷四

九

四明叢書

約園刊本

誰有雄文採長卿

噴樓

慘絕瓊花倒地時  
季倫真不負情癡  
早知尤物能妨主

一死終嫌碧玉遲

奔拂

笑脫貂冠逆旅中  
蛾眉有幸事英雄  
不教飛騎追亡妾

大度終須讓越公

盜絹

一種關情郎記無  
重門深鎖路縈紆  
誰知三五中天月

做到團圓是老奴

取盒

一夜飛行路幾千  
牀頭金盒到軍前  
可憐百萬生靈命  
都繫佳人裙帶邊

夢鞋

盟心盟臂忽盟寒  
縱有黃衫作合難  
堪笑李娃塵俗眼  
榮陽誤作十郎看

驪宮

零落餘香錦襪留  
華清風雨不勝秋  
仙山更比銀河遠

見山樓詩集

卷四

十四明齋書

約園刊本

從此長生讓女牛

蒲東

檀板紅牙曲裏人  
蒲東遺事豔如新  
太常墓表千秋在  
莫更風流說會真

婁門夜泊

城外新秋露氣濃  
宵深詩夢太惺忪  
可憐一樣干戈後  
來聽寒山寺裏鐘

崑山道中

疏柳斜陽一抹秋  
龍頭畫舫下蘇州  
櫓聲爲出吳娘手

山色水光分外柔

贈居星樓參軍

錫

虎臥龍跳筆如君有幾人壯心消翰墨薄宦傲風塵氣  
爲知交盡家因濟眾貧宵深懷故友相與一沾巾

君與陳夢

樵爲總角交

消渴憐司馬尋春共牧之偶飛黃浦棹忽有虎山期花  
氣迷菱舫詩心滿劍池恩恩江漢去無地寄相思

題星樓玉山讀碑圖

劉龍洲墓碑暨王文成手書大學

名賢詞客兩千秋零落殘碑手澤留飛舞龍蛇人不識

鬼山樓詩集

卷四

十二

四明叢書約圖刊本

幾年埋沒冷荒邱

婁江仙尉古名流坐臥能爲三日留手拓硬黃千百本  
人閒始覺重銀鈎

韻

八月乘番舶由滬之楚途中有懷竹樵方伯疊前  
黃浦牙檣趁曉開一宵已見雨花臺十年戰伐餘新壘  
六代江山惜霸才吹水大魚隨淚出宿蘆鳴雁入秋哀  
誰知叔寶茫茫感無那洪濤滾滾來

風颭樓船五色旂空江煙樹晚來稀  
妻孥相看孤燈在



滄海頻經一命微憶昨蘇門斗酒會深秋幕府落花飛  
萍飄蓬散蹤無定楚尾吳頭夢尙依

望北固樓

峩峩鐵甕江流急隱隱飛樓曙色開三楚水隨帆影落  
六朝山到眼前來津關自昔金湯固戰鬪頻年畫角哀  
爲盼吾鄉賢太守四州凋敝仗奇才

時鄧趙粹甫  
先生守鎮江

過金焦

海艘十次破江潮轉眼名山去已遙未試中冷一杯水  
斜風急雨過金焦

見山樓詩集

卷四

十二四明叢書

約圖刊本

郭璞墓

莫道江干地不靈千秋抔土峙滄溟自家安骨重泉下  
貽福青烏一卷經

采石磯弔李供奉

世人欲殺真可哀殺之不得先生才先生負才先生懼  
隻身逃入鮫宮來水仙忽聞先生至鼇山大啓龍樓開  
先生穩坐青鯨背錦袍玉帶何壯哉水仙稽首願讓先  
生主水國名位豈足擾我先生懷但得江流百千萬斛  
化作蘭陵酒瀛洲突兀高築糟邱臺先生痛飲行復醉

先生醉後無人陪魚鼈共舞龍鼉戲波濤日夜聲如雷  
泊舟我亦江上客醜酒高歌樂今夕一天星斗懸尊罍  
長庚爍爍搖動秋潮白大聲呼謫仙謫仙杳不膺先生  
此時想已醉欲眠無人入水喚起先生醒五更月落巖  
岫暝吟詩且與蛟龍聽

烏江

大王千古之英雄英雄一旦真途窮名馬不前美人死  
江濤嗚咽流向東阿房縱火函闕紅帳前叱咤生英風  
畫溝自守良失算力征經營難爲功曲逆淮陰盡長往  
撞斗老臣空鹵莽中原地盡圖江東謀士惟餘一亭長  
八千子弟爲王死父老重逢真可恥大王信是人中龍  
龍飛無力墜江水力能扛鼎鼎不遷九鼎卻歸無賴子

馬臺山

世間快事真快哉帝子閑成才子來世閒怪事何咄咄  
子章文就子安出江上神人亦多事一帆風換數行字  
王郎當代文中雄興酣下筆無羣公造物有意成名勝  
千里號召來奇童天心久與文心通文人筆底能生風  
筆所未到機先動水仙助順非其功君不見蘭亭一序

右軍作崔顥題詩在黃鶴洪州誰更話滕王今古重文  
不重閣

過彭澤

泉明解組後人識晉山河舉世猶塵夢先生返梓蘿鄉  
封來下吏捧檄此經過聖世無遺逸君恩五斗多

琵琶亭

潯陽江湖秋夜至寂寞空亭發秋思烏紗玉貌各心腸  
老妓琵琶老臣淚筵前不合談京城江州遷客魂先驚  
每飯不忘杜陵意江湖魏闕朝朝情人道白公多憶妓

見山樓詩集

卷四

十四四明叢書

續圖刊本

忠誠悉寓溫柔裏汧公臺近殊突兀此亭應亦名望闕

鸚鵡洲

幼時解誦先生賦壯歲來拜先生墓冤魂嗚咽向江濤  
慘慘漢陽城下樹文舉薦賢獨抗疏欲借先生延漢祚  
先生不解善刀藏疾俗如仇等沈痾奸雄宜遠不宜辱  
辱之不已奸雄怒殺士刀原江夏操鋤忠機早漁陽露  
鸚鵡洲芳草留惜哉正平不能善自謀一坏還使萬古  
才人愁子魚屈節事老瞞至今名士羞龍頭

漢口

楊柳蕭疏不忍攀，漢南秋色已爛斑。  
風聲直撼晴川闊，水氣長浮大別山。  
卅里燈光騰夜市，滿江帆影聚雄關。  
寧過解佩真成俗，遊女朝朝拾翠還。

錢唐許淑甫廣文等身寓吳日猥贈長句抵鄂卻

寄奉酬

風檐角藝記從前，相見翩翩盡少年。  
十載亂離傷劫火，兩家消息阻山川。  
鄭虔暮氣歸詩卷，潘岳閒愁到鬢邊。  
忽漫逢君仍異地，一杯涼雨話吳天。

繁華無改舊金闕，一櫂紆回到水鄉。  
官舫迴時來妓舫，

東山樓詩集

卷四

十五 四朝詩書

約閣刊本

茶香濃後雜花香，尊前瑤瑟消長夜。  
鬢底金鈿落野塘，獨有虎山山下塔。  
顏唐無語閱滄桑。

東山在昔謁荊州，戎幕春深足唱酬。  
君又同舟追李郭，我慚公燕廁應劉。  
客愁江閣蘆花雨，詩夢衙齋桂子秋。  
惆悵相逢更相別，勞君直送水西頭。

番船風高破浪行，青山遙拱武昌城。  
龜龍陡作峻嶒勢，江漢長流日夜聲。  
終使爭看名士筆，分襟重憶故人情。  
題詩寄與天中鶴，東去吳門煙樹橫。

登黃鶴樓

江天寥闊暮雲長鶴去樓空事渺茫百尺亭臺新土木  
一城瓦礫舊滄桑峩峩雪浪堆巫峽葉葉風帆亂漢陽  
我亦鄂州羈薄宦梅花玉笛助思

黃鵠磯謁益陽胡文忠公祠

寒濤落日起英風想見神游下碧空裘帶風流羊叔子  
門牆桃李狄梁公獨維大局援鄰意不共諸賢競戰功  
奉檄自憐來已晚秋深蘋藻薦靈宮

戴晴初同年

開基

之當陽任修別賦贈

燕市曾經識姓名相逢迺在鄂王城一宵斗酒此高會

東山樓詩集卷四

卷四別集

卷四別集

千里雲山又別情懷縣板輿花底擁荆門官舫月中行  
定知循吏歸儒吏好看兒童竹馬迎

寅鄂偶成

江漢橫流抱鄂城城垣遙與楚山平重闌色笑千峯隔  
獨客江湖萬里情壞壁陰森秋有迹虛樓杳窈夜多聲  
他鄉日日看叢菊愁聽孤鴻唳太清

題錢唐王子用大令

自題

尊甫蓉垞先生山水畫

冊先生辛酉  
在籍殉節

劫灰莽莽散昆池妙墨神靈爲護持一卷乾坤存正氣

漫云名士豹留皮

一詩綴入輞川圖爲有同官是小蘇知爾思親時下淚  
風光不忍寫西湖

詠蠟梅

數枝籬落發幽香寒客邀來別樣芳金屋有緣裝庾嶺  
蠟丸何喜報東皇蜜官驛使傳春信姑射仙人試道妝  
贏得樓東妃子笑宮袍今許著鴉黃

殘冬偶成有懷王生縵雲

古越山川入望頻宦遊偏值歲時新尋詩官閣梅驚夢

見山樓詩集

卷四

十七

四明叢書

約園刊本

聽鼓鈴轅雪滿身郢上我爲巴里曲王郎爾是眼中人  
別來幾度揮柔翰舞象年華自可珍

題紅梅水仙冊

夢醒羅浮試豔妝漢濱遊女綠衣裳神仙自是風流慣  
不解人間有雪霜

鼠尾筍

楚山童童竹林尤鮮閒有野篠叢生山谷中兒  
童刷其芽以入市淪之爲菹細裁如鼠尾閒居  
之久佳品乏絕每一咀嚼亦足助清苦爰錫其

名曰鼠尾筍紀以詩

吾鄉僻南溟瑤蛤登海錯南方三月來餘腥滿城郭慈  
湖好菰菜秋深悲濩落壯歲事宦遊攜家來郢鄂楚人  
重食魚嗜味非所樂糟香沍風狸餒飴調雛雀稍近緣  
俗尙胸中時作惡春風昨夜迴凍雷忽焉作庭木有生  
意淺綠映杯酌老僕趁市歸筍芽一束縛新萌爛比銀  
露氣猶在籜脫殼付庖廚佐以胡扇臠細瘦不盈指鼠  
尾略相若我從田閒來久已厭葵藿矧此籜龍孫咀含  
味不薄問何得嘉種本不生籜落羣童苦飢寒搜尋徧  
巖壑我聞鷺與桑生民之所託旣足寧婦子亦不飢穉  
弱山鄉宜壓柏樹藝貴審度獵食殃微物生計苦蕭索  
對食輒三歎此亦斯民瘼

訪劉紫葢同年

延禧

不遇

有約雙柑踏繡隄三春佳日好招攜籬深遙聽奚童應  
堂靜惟留乳燕棲湖氣成雲迷舍北江風吹日墮城西  
丹山近又添雛鳳凡鳥何人敢浪題

正月新  
舉一雄

乞帖呈紫葢

憶昔好塗抹筆陣縱橫掃描摹斯冰篆剛振鉅張草龍

跳珍義之驛渴思徐淮雖乏金玉裝守若連城寶臨池  
忘疲勞領袖迹如阜邇來遭顛沛棄置難自保煙雲一  
過眼龍蛇影已杳安得如子固蘭亭長在抱服宮來鄂  
城行李一肩了破書數百卷聊自資搜討楚地苦卑溼  
半爲蠹魚飽閒欲縮蛇蚓胸中無舊稿側聞我公幹四  
壁圖書繞墨香溢硯池書籠騰光蔭澄心迄絳潭卷軸  
輝緗縹願從獨孤乞不學蕭翼狡坐筆更臥紙肆力苦  
不早收此臨摹益兼自慰枯槁知君尙風雅新詩爲界  
紹他日重攜來定如壁歸趙

見山樓詩集

卷四

九

明齋書

以黃花魚餉咸寧雷少司寇

以該

猥贈篇什倒次

元韻奉答

魚爲夷舶自四明  
攜來者色味猶存

棟子花盛開南風盪天起一網千百頭聞聲老漁喜

石首

來時有聲如雷春蕪調作羹金玉豔口齒吾鄉餽海鮮宴客動

盈簋何意來武昌薦新乃有此冰雪護金鱗河中泣

鯉飛騎進荔支珍罕略相似聊佐君子餐銅盤宜獻尾

烹鮮勝負蕩遠來尤足美含笑問盤中故鄉幾千里

休寧程桂舟輓詩

名懋恩陳忠烈王四十四世孫咸豐六年率鄉



團與粵匪戰於休寧南鄉之山斗谷陣亡年三

十四歲

峩峩白嶽絕壁奇峯篤生異人世繼其忠一章 先皇六

載月在辛丑西寇驛騷大江左右二章 英英年少蒿目

時艱奮臂一呼其徒三千三章 張我弓矢脩我戈矛旣

固我圉亦扼其喉四章 五嶺阻脩賊行孔速千乘萬騎

山斗之谷五章 一戰再戰我師敗績我突其圍不出其

壁六章 武夫糾糾夫子桓桓壯士不忘爰喪其元七章

維彼草莽永矢厥貞鹿奔鼠竄迺曰警蹙八章 先祖先

東山樓詩集卷四 二十朝叢書  
約園刊本

王克配禋祀無忝爾祖順孫孝子九章 寇亂旣平念彼

湮淪亦有義士愧我鄉人十章 鄉君子林桐齋與賊  
戰死於節縣因家屬無存至

今未蒙  
恩卹

馮秋白茂才清樓 寄示四十四自述詩賦此爲祝

敬通一別歲云暮忽地傳來自壽篇吾面亦驚如子面

髻年相看盡中年飄零生事嗟誰惜偃蹇功名各可憐

兩處情懷渺無着越山風雪楚山煙

怪雨盲風虜騎驕一城戰骨冷蕭蕭絕裾枉自追溫嶠

贈策何人信繞朝短髮經愁原易白壯心歷劫未全消

獨收碧血干戈後多少冤魂賴楚招

卅年無改舊狂生月旦鄉中自有評腸熱敢爲大難事  
志高翻受不羈名煙花過眼無留跡鷗鷺同心可結盟  
僭石何儲輕一擲如雲豪氣莽縱橫

一身異地苦羈棲回望家園路轉迷獨羨封人猶有母  
不愁牧犢更無妻

近新續絃

我經宦海才偏拙君老名場志

莫低來往書憑樓上鶴相規何惜數行題

九日黃鶴樓晤張今坡明府

錫鑾

賦贈

涼颿獵獵動危樓仙去樓空我輩遊百歲重陽淺風口

東山樓詩集

卷四

五十四

詩刊本

一杯茶話小勾留孤鴻遠度隨帆影殘照斜飛人淚流  
與子同來名勝地白蘋分管楚天秋

### 題武漢全圖

四蜀之水流浩漫百轉千回入江漢大別小別峙中流  
天關橫鎖長江半兩郡夾峙騰洪波大城百雉何嵯峨  
下接三吳上連粵南來北往帆檣多幼時讀史慕形勝  
楚材卓犖南風勁三國遷流兩晉沈空指與圖讖英備  
邇來遊宦入此邦一家洞溯來江鄉遠山隱隱接平野  
驚濤滾滾凌大流駭此天構非人力縱覽名區苦日極

有客忽攜斯圖來丹青照耀江山色晴川倒臥江上流  
樓頭黃鶴重來遊闔閭撲地五卅里萬家煙火空中浮  
客言往歲大苦兵大江南北無堅城鄂州形勢最衝要  
十年虎鬪還龍爭中興名將李與郭櫂槍掃盡妖氛惡  
手戮鴟梟安鳳鸞痛艾蕭艾栽蘭若昔日第宅多蒿萊  
今時金碧規樓臺昔日少壯盡散失今時估客舟車來  
桑田滄海何足據當局攬圖堪借箸河山須待偉人扶  
力挽凋殘成富庶其閒煙柳青濛濛島夷棲集沙洲中  
腥穢惜爲斯圖玷點綴未免愁畫工我聞客言殊默默

見山樓詩集

卷四

三四明叢書

新刻九本

撫今追昔重歎息宣光武烈揚漢周光復舊物完邦域  
鴻敷四息無流民萬物並育吾皇仁皮服亦足壯王會  
葵貢本不珍西人作圖深意吾能悉願從繁盛思蕭瑟  
不是畫師張擇端上河苦憶清明日

赴襄陽留別漢口諸鄉友

時十一月

饑客華筵徧道周發船鉦鼓動中流千程雲水沿襄曲  
十里風帆度市樓劉晏奇才既無分汪倫雅意可能酬  
他時我有天涯憶回首春風鸚鵡洲

漢川

華髮蕭疏隨日短，長途吟嘯斲身閒。迴沙曲港舟多滯，衰柳高隄鳥獨還。浪口水寒猶有雨，陽臺雲暗更無山。一城燈火遙遙見，知宿煙波第幾灣。

經沔陽

時委玉桂珊大令同年隄丁

奪路驚湍出高隄，勢欲穿柳枯根倒立地。盡屋空懸天自洪，波警人寧歲事捐。近聞移葉令亟爲策安全。

天門憶鍾譚而弔之

一代詩名逐逝波，天門山勢尙嵯峨。時流體格羞優孟，山鬼才華豈女羅。風氣總隨名士改，刀圭亦誤後賢多。

龜山樓詩集 卷四

王孟四明叢書

續附列本

如何廢食專因嗜，卻怪長洲選政苛。沈歸愚澄明詩不錄鍾譚

舟中示內

烏帽紅裙盪遠遊，青簾白舫漾中流。殘霞遙落潛江水，晴雪初融覆釜洲。勞逐萍蹤四千里，同迴鄉夢一扁舟。石城漸近還相望，雙槳何時送莫愁。時遣人回鄉一姬未至

同內望蒙山戲占

荆門西兩峯對峙狀如蛾眉

江行日已夕，涼月追我舟。遠山闕媚嫵，淡掃蛾眉脩。石磴近羅列，螺函疑未收。安知非神女，步履來芳洲。交甫期不至，滿貯雙峯愁。又恐莫愁女，蕩槳曾來遊。豔歌

未已宛宛臨清流置酒佐遊賞扣舷寫我憂我生半江  
海萍迹無定留涉險畏風浪感別懷女牛今者胡不樂  
與子同金甌轉苦山靈寂佇立無與儔風緊薜衣裂露  
滴雲鬢稠約看曉妝好紅鏡懸樹頭

舟中

寒風振林木荒草亂江皋淺水時妨柁盤渦不受篙天  
涯遠歲暮身世且塵勞鷓鴣夜呼急傍檣霜月高

莫愁村

幾家茅屋沍蒼苔六代風流事可哀一自豔歌人去後

見山樓詩集

卷四

十四明菴書

約圖刊本

不知艇子爲誰來

家山戎馬昔留恨江海風波今斷魂悔作人間飄泊客  
廿年遲到莫愁村

溜水溝

河流西北來一瀉不可遏初陽出樹梢金蛇倏明滅我  
舟逆流艱苦行累月笮急愁檣放篙驚水奪時見  
高岸崩緣邊懼傾沒斜行入駛流沙淺波出骨舟人競  
奔忙客子增机阻衝波一釣舟漁歌正未歇

晚抵宜城

牙檣獵晚風鳴催送行舟百十程四面平沙迷野渡  
千畦寒菜接荒城月明小艇人呼酒雷動危樓吏報更  
聞道鹿門明日近一宵無寐聽濤聲

阻雪

舞雪亂天宇朔風搖大河草隨敎岸沒檣集凍鴉多乞  
火來鄰舫敲冰到短蓑襄陽自咫尺舟楫更蹉跎

襄陽

日夕濤聲入鼓鼙嵯峨粉堞接雲霓隔江燈火樊城見  
繞角峯巒峴首齊如此江山笑豚犬當時歌舞尙銅鞮  
大朝浮豔今消盡麥草青青認大隄

樊城

縱橫塵市臨江渚寂寞臺隍護薜蘿三國英雄陳事業  
萬年封建古山河風吹帆脚雨來健塵暗驟綱北上多  
移節正宜資鎖鑰籌邊還盼息琱戈

張家灣

江濱舸艇泊縱橫茅屋千家野市成蒼峴雪消沈朔氣  
白河冰泮動春聲地偏易燻呼鼻習俗悍猶多帶劍行  
譏察正須勞夜出街頭糶糶重三更

賣兒行

破車輾輾從西來夫爲挽妻爲推小兒三五啼聲哀面  
形枯瘠沾塵埃朝來村中暮來村外口乾唇燥呼賣賣  
人不買兒向人拜富家無兒常苦富貧家有兒常苦貧  
嗟嗟天下無風塵此輩兒多愁殺人

龍山黃仲濂大令

元諱

猥題拙稱作此奉謝并述

別懷

十載騎驢京洛客三年遊宦鄂州身偶然弄筆紀行迹  
豈有奇文動世人同谷悲哀此離亂安仁憔悴竟風塵  
無雙幸遇黃江夏贈我詩篇語語真

見山樓詩集

卷四

五十四

明發書

約園刊本

同看名山到鹿門君猶萍迹我蓬根中年哀樂詩千首  
異地交情酒一尊小別鶯花經上已懷人風雨滿江村  
卽今伯玉知非日規過毋忘直道存

君新以五十自述  
景示贈詩有各存

直道  
句

巫山何梅生參軍見示題拙稿佳什賦此奉酬

大海狂瀾倒中流砥柱難斯文日趨下古調更誰彈歲  
月期雙鬢江山負一官書遲十年讀攬卷淚汎瀾

風雅周公瑾

謂藝  
卿

精嚴黃伯思況來平叔裔共有鹿門

期千古紛爭地三春豔冶時連情宜發藻何惜費新詞  
儒生慚壁畫權會慄明條西北猶羣醜征求豈聖朝金  
銀愁地竭鼠雀入秋驕各有憂時感華顏日夕凋  
住此襄江曲江流曲曲通風帆沙鳥外茅舍竹籬中清  
儉吾家慣天涯薄宦同何時尊酒會主客似龐公

贈梅生

俊絕何郎筆三年襄水端書猶讀平準

時襄辦專局釐務

人自

滯微官與子共杯酒相將訂歲寒近追皮陸雅慎勿負  
林巒

東山樓詩集

卷四

七十四明徵書

約園刊本

再寄仲濂

春到樊城又鄧城六年花柳寓公情臨江畫角樓船動  
警夜紅燈部屋明斂版今愁官吏罵揮戈舊識弟兄兵  
風塵骯髒英雄老嗚咽波流助不平

寓廬述懷

方城山翠擁雙螺吏隱全家寄薜蘿芳草薰人綠敗堵  
亂帆搖影度長河不愁孔奮脂膏潤終讓弘羊心計多  
吳蜀鹽麻憐薄殖天時人事漫悲歌

景升臺



大郡宗臣坐鎮勞野鷹呼罷朔風高勤王義旅公何靳  
躍馬英雄氣不豪名士無虛傳翰札

北苑曰景升書家  
祖師工於翰札

江山可惜付兒曹阿瞞訕笑真多事一例銅臺沒野蒿

### 王粲樓

重顧將軍父子同爲憐先世漢三公客邊忽動思歸興  
樓上今傳作賦工獻策忍亡荆楚地論才合重建安中  
應劉陳阮饒英雋七子何須著孔融

### 隆中謁諸葛忠武草廬三十韻

六月大鵬息千秋鳳鳥鳴先生此高臥天地一柴荆入

鬼山樓詩集

卷四

天四明叢書

約園刊本

谷樵能引捫碑薜不明遙山抱龍虎怪柏走颺颺展像  
宗臣肅羞蘋士女盈風雲新藻繪吟嘯古蓬瀛憶昔桓  
靈日炎劉事業傾艱難隨從父離亂託宗盟當世苟無  
意南陽且獨耕知人司馬哲下土豫州誠卓爾帝王佐  
歸然三代英使君真契合夫子乃功名和拒權吳魏乾  
坤費甲兵讀書學何事得主用而行雄辨強侯動廢兵  
老賊驚鳳衰悲入蜀龍戰惜連營分鼎早知命偏安總  
不平精神凋北伐心事畢南征無待風雷悟終酬魚水  
情遇真符呂望運自厄阿衡地失陰平險天教仲達生

文章兩表重氣數一身爭列聖崇良輔純臣祀兩楹勳  
猷偉旦爽理學起周程公食馨香報人懷德澤宏僑居  
曾郡縣故宅尙荃蘅隱見亦常事蓬茅况屢更升堂思  
憩琴入室儼牆羹風馬羣峯護靈旂夕照迎涼颿滿巖  
壑梁父有餘聲

昭明臺

舊名文選樓  
在襄陽城

儲君嗜學新開府賓從多賢盡在門選政獨開千古例  
羣才收入一家言樓臺只合文星在翰墨何關帝子尊  
當日浮屠競金碧可能棟宇至今存

峴山樓詩集

卷四

五

國朝叢書

約目刊本

峴山

峴山碑在峙嶙峋當日賓朋宴賞頻千古功名數行淚  
百年天地幾傳人獨將遺愛留殊俗莫認清談誤後塵  
但使吳平勞聖慮何須荆棘便傷神

客中見桃花

春風三月亂塵沙寂寞山桃始著花未許異鄉春到眼  
一家怕說是天涯

草廬

屋靜長河轉門喧大道通昏霾非有瘴空闊自多風俗

儉宜家室山遙在雁鵠章廬聊嘯傲竊喜古賢同

杜甫故里

奉先鄜時家無定夔府荆南客未還一代鳳皇饑飯類  
千秋文藻重江山弟兄終恨淹長葛魂魄猶當戀故關  
苦憶峴山碑不昧兵戈阻絕鬢毛斑

早起

薄霧幕清曉十里青濛濛登場小麥熟虛壠來和風騎  
陽射藁秸暖氣蒸蓬蓬此鄉重牟麥秋至歲已豐瓜果  
隨意植亦不勞人工客自故鄉至穡事憂村農去秋迄

鳧山樓詩集

卷四

三十四明發古

約圖列本

冬盡雨雪俱未逢斤函數百里黃落凋固菘秧田要水  
注厚斗閒畝東河底圻龜兆荆棘生蒙茸所嗟播種艱  
益愁杼柚空天心普惠愛南北皆忻豫膏澤宜廣破吾  
鄉何不蒙家人厭梁肉獨飽殊夢夢爭訴異方苦安識  
鄉人窮翹首望田里哀此南來鴻

濱海

濱海東南故壘存韓公心力瘁花門靈鱗跋浪坤維絕  
毒蠱飛天夜氣昏腥垢豈容沾化宇驅除自昔在中原  
羯胡事主從廷議息戰應知大造恩

百萬軍儲急轉輸計臣抑末豈全關津賦格納嚴艦艦  
城市租銖入葦蘆徹給原非資久計錢刀翻恨傲強胡  
海山眼見舟車絕賈客猶多捷徑趨

漢家溝洫議從容水利新勞問九重萬頃波濤艱竹石  
十年巢窟返此龍鄭莊未擬新渠易買讓應難上策從  
不許運沽資海舶豈愁風信誤租庸

忽報王師三月捷正逢廟略萬方初終南峯淨妖人迹  
西洱河流戰血餘顯戮久稽嶠有虎遊魂易撲釜無魚  
大防亟爲嚴夷夏精銳休教道里間

鬼山樓詩集 卷四

三四明續  
約圖刊本

東仲濂次再寄韻

日坐書城抵百城每從懷古發幽情待書天末雁遲到  
憶友清宵月自明萬壑煙雲驅筆陣兩家旗鼓鬪心兵  
丙忖偶付天涯柳鉞石腸柔宋廣平

新寄示柳  
絮諸什

雨過仲濂不過歸後卻寄仍用前韻

漫天絲雨冷荒城泥濘空孤過客情傍水危隄疲馬滑  
隔山疏樹斷虹明性真披豁高常付酒盞猖狂阮步兵  
何惜扁舟來就我江頭草長暮潮平

仲夏卽景

曉霧散庭角狂風來樹端大河三日漲高閣五更寒  
轉書多阻羈棲屋苟完此閒少梅兩鄉思總辛酸

襄陽曲

妾住襄陽城郎作樊城賈一夕江湖生相思隔煙渚  
春風吹楊柳日夕花成陣莫向大地行亂點遊人鬢  
金刀膾鯉魚襄陽鯉魚瘠辛苦西北來郎看雙尾赤  
大隄不種花花滿遊人目西風吹散人空芳繞林木  
洛陽買花同長安販藥去花誤買將離當歸休再誤  
朝出濟漢門暮上昭明臺郎行縱不返花喜萑蒲開

見山樓詩集

卷四

三四期藏書

納園刊本

小船貼水搖蕭蕭雙飛燕漢江小舟名雙飛燕秋深載君行春深  
不得見

絲管夜悠悠嘔啞水上樓南人渾不慣惟有北人留

龍坑

襄陽古名勝西北之要衝大隄足遊治冠蓋想追從車  
馬蹴塵土帆檣蔽遠空上有青樓女絃管騎春風自從  
經喪亂道里久不通商賈既寥落居民憂困窮我來司  
權稅僦居襄城東鄉村乏墟市廬舍多蒿蓬災日苦大  
暑寒風號嚴冬家人色不樂詭詐時一逢出門視鄰里

傷哉心有忡妻子象禽獸夕殮朝不饗室處鮮牀榻偃  
臥糞土中連年漢水溢麻豆傷私蟲原田隨岸鼓水涸  
聲隆隆無田不得種種亦不必豐一室淨如洗租吏猶  
恟恟安能適樂土庶免嗷饑鴻此方良困苦拯救籲上  
穹狂瀾靖江漢百里堅隄封瓜果旣憺憺禾黍尤芄芄  
蓋藏各有資樂利羣生蒙

苦雨

一春苦不雨一雨便成愁霉氣連牀溼河聲入戶流崖  
煙朝結陣山瀑夜鳴秋我已浮家慣仍深泛溢憂

見山樓詩集

卷四

三三四四冊叢書

續編刊本

襄陽旅思

滔滔逝不息漢水日東流折柳不盈把春心滿道周川  
原渺無極歲月忽然道淹滯真非計高堂有白頭

漢溢

江流忽傾瀉一氣走洪波舟楫來從隔原田折入河魚  
龍隄上嘯蛙鼃竈頭多本自貧難耐流離更奈何

刈草行

襄陽女兒十四五日日刈草襄江浦腰繫短鎌手執筥  
鍤盡大隄隄上土借問鋤草誰家女早年失母無公姥

麥田滯穗不半飽無薪愁對飯與釜朝鋤草暮鋤草手  
腳沾泥面如皁歸來還傾筐揀取臨當道野菜葉肥作  
羹好野菜根短喜乾燥不辭辛苦日爬刷明日陰雨炊  
不足炊不足淚盈剝豪家少婦新妝成金爐香繞銅荷  
燭

遊習家池

山公池上醉一醉竟千秋寂寞山南水蒼涼漢代流斷  
磯浮敗瓦古色鬱長楸我亦高陽客無人共此遊  
訪士元古里

東山樓詩集

卷四

三五四明樓書

續編刊本

一鳳飛翔地羣星聚會年才非百里長生有使君賢伊  
祖同心濟巴巫大業捐桑園今寂寞斜日峴山前

夏夜苦熱

暑氣鬱如此散襟遲夜涼撲燈蟲人帳避濕蟻緣牆鄰  
笛忽然起籬花時一香無緣思枕簟不敢怨更長  
皇天怪一雨炎赫逼堂坳電掣龍舒甲星流烏墮巢園  
疑繪雲漢室更陋蓬茅且坐北窗下微風盼樹梢

曉起看籬上牽牛

空青淡白自清幽點綴疏籬一抹秋獨爲看花侵曉起

牛鉤殘月挂牽牛

秋夜憶笙和叔

秋聲一夕至涼氣滿庭皋獨客滯江漢新結上鬢毛露  
寒天宇近風定月輪高卻憶承歡者書窗問字勞

襄陽大營

大郡雙城峙雄兵十萬屯星旗明上將雷鼓動營門馬  
蹴驚沙起戈翻白日昏高堂頻與宴戰士自知恩

閉居

鹿門山下客滿目楚天秋鴻雁鏡中沒滄浪空際流日

東山樓詩集卷四

三五四明叢書

約園刊本

斜忙驛騎風定數行舟縮項魚偏美槎頭試下鉤

新秋

涼氣颯然至風聲四壁多鳴湍驚暗漲洛木露明河夜  
靜思杯酌衣單怯菱荷無眠今夜月歸思滿煙蘿

襄江暮眺

蒼蒼暮色橫遙浦莽莽塵沙逼絳霄高樹雲開孤雁下  
大河風動四山搖騎驢少婦花堆鬢躍馬雄兒箭在腰  
虎鬪龍爭都歇絕樵歌漁唱日蕭條

溪之水 懷俞子也俞君子黃居孝溪之側塞門



不仕有高尙之風故張子懷之

溪之水瀏其清矣言念故人弟及兄矣玉友金昆終和且平

莫違  
溪之水清且漪矣言念故人琴瑟宜矣雍雍熙熙德音

鏘鏘  
溪之水達君堂矣言念故人雛鳳翔矣其文章章其鳴

自逸  
溪之水入君室矣言念故人舍簪笏矣我友不出我友

鬼山樓詩集

卷四

五

四明叢書

約園刊本

冬至日書示小姬香史

十四嬌癡一女郎眉痕狼藉學時妝我教識字妻教繡  
願爾功夫綫綫長

大雪

北風催急雪江上曉寒重一白渺無際門庭盡日封敗  
爐珍宿火枯寺斷晨鐘誰識天公戲飄飄襲玉龍

乍驚高樹短頓與大河平杯墜手煩戰缸凝燄不明兒  
童眠更靜雞犬噤無聲獨賦苦寒曲艱哉異地情

雜詩

不有貧與富人，心無險阻。不有詩與書，人品自淳古。穿  
鑿失性真，飢寒易肺腑。愚賤不自甘，豪奪兼巧取。一令  
智識開，民乃墮網罟。文運化狂榛，忠深功不補。

四時承天運，溫肅各有時。春至何足喜，秋來何足悲。蜩  
蟬泣高樹，蟋蟀吟空帷。感時忽淒楚，微蟲亦爾爲。遊子  
久漂泊，晨征暮無依。野田盛霜露，芳草日以萎。歲晚行  
未已，憂思當告誰。

共工頭觸天，傾陷徧四方。高厚失所恃，凶饑何其張。賴  
有女媧氏，煉石生光芒。補苴盡工巧，景運乃重光。叔季  
尙澆薄，傾敝逾故常。殃陷在衷曲，奢念無時忘。富貴不  
自足，攘奪以爲強。安得補心手，事事如願償。

東陵老廢斥種瓜，于青門韓彭佐炎漢。殖醢酬其勳，盛  
衰未定時輕重。隨世人碌碌，老圃賤赫赫。王侯尊富貴，  
得奇禍貧賤。乃保身，憚犧雞斷尾，知幾何其神。

少年不得意，策馬遊長安。朱門徧九衢，十謁不一延。道  
旁遇遊俠，玉勒黃金鞍。相見盛意氣，藹若平生歡。尊酒  
莫辭醉，燔炙堆銅盤。願我刺漫滅，慨然起浩歎。自言識  
要津，推挽非所難。去家日以遠，鄉思日以牽。多謝遊俠

子歸去身名全

青樓有嬌女被服何麗娟秦珠耀耳飾黃金作臂纏對  
容彈箏篋新聲清且妍云是遠遊曲聞者多涕漣願惜  
聞者苦勿復終此篇何所無芳草故宇殊自憐

浩浩長江流漠漠遙天暮踽踽獨行子滔滔無與波舟  
楫安可求洪波去不住褰裳莫徒涉涉水蛟龍怒豈不  
思改途所憂失故步不見古楊朱慟哭在歧路

滄溟浩無際上有三神山扶桑耀晴旭突兀開仙闕宮  
闕結珠貝樓閣相迴環仙人廣成子羽衣白玉冠得道

見山樓詩集

卷四

三十四明叢書

約圖刊本

羲皇時服藥常駐顏我欲乘風去拜乞壺中丹洪濤吼  
如虎雲路難追攀金石促壽命違天信所難百年受其  
順至論不可刊

北邙多松柏鬼哭何啾啾新舊鬼或異貴賤同一邱悲  
風起巖壑涼月號鶴鶻憫憮老狐戴踰躅行道周死者  
長已矣生者起百憂朽骨豈足惜令名誰久留神仙本  
浮誕賢聖多功脩且求長不死不死寧外求

美人顏如花芙蓉映朝日薰香不下樓當窗理瑤瑟冷  
冷指下音清心協妙律春圓蝴蝶飛芳菲事已畢菖蒲

久不開桃李漸成實獨居寧不懷素履寡儔匹停柁起  
彷徨低頭入機室亮乏同心人流黃不肯織

西子被吳寵歌舞嬌青春被體綺羅厭耀首金翠紛宮  
女滿春殿愛極忘妬嗔當其育芷蘿浣紗溪水濱被服  
既不充膏沐何足云何以美名著早在東西村素質耀  
霜雪粉黛空如雲恩寵不增價荆布乃氣伸世人苦茫  
昧求之在笑顰

皓皓泥中藕的的池上蓮翩翩比翼鳥蕭蕭花底眠十  
六爲新婦羞顏出堂前委身事君子妾身君自憐容華

東山樓詩集

卷四

三五四明叢書

約園刊本

鏡裏變愛憎情忽遷新人工巧笑舊人愁棄捐蓮枯性  
自絮藕斷絲能連君恩儻中返賤妾何憂煎

喔喔晨雞鳴殘星當戶牖遊子攬衣出嚴霜蔽林阜離  
別在斯須燕婉不能久丈夫志四方熒熒舊簪君行  
妾念之手此盈尊酒河水無定流浮萍依左右女蘿何  
所寄盤石堅且厚高節君自操寸心復何有

纖手攀垂楊青青不盈把柔條非可珍將以遺遠者憶  
昔初別離相送臨廣野妾乘油碧車郎騎紫騮馬君赴  
河北營妾歸白門下道遠相見稀相思誰與寫時光日

變移臨風傷婀娜之子歸不歸彷徨泣道左

龍門有孤桐凌霄挺百尺高潔本性成枝柯聳巖壁叢  
木不敢生何論枳與棘朔風厲仲冬冰雪忽已積處高  
良獨難孤生長戚戚賞識鮮良工摧殘殊可惜

深山有嘉樹拱把枝已繁朝作路人蔭暮入匠氏門大  
匠巧雕斲丹雘常如新珍重俎與豆燦然郊廟陳當時  
樗與櫟相慶逃斧斤歲暮蝕冰雪僵臥東溪濱人生貴  
不朽脩短奚足論老僑死牖下豈曰明保身

幽蘭生空谷郁郁揚其芳叢莽互纏結猗猗相扶將愛

東山樓詩集 卷四

四十四明叢書

約園刊本

此芬馥質移植君子堂誅艾刈蓼蕭草盡蘭亦傷譬彼  
高隱士強此登廟廊組綬豈不貴徒侶良難忘故山望  
不見日夕凋容光

灼灼朝槿花過午色已變皎皎草頭露日高不復見顯  
赫會幾時流光激如電嗟嗟市朝子得失爭一線青春  
不再來黃梁詎可戀榮名何補身奔走徒爾健暮景催  
風霜茫茫歸路晏

牆頭有小草枝蔓翠相錯秋深尙微暄依依發紅萼霜  
露倏然至一夕驚零落植根既不牢生機何淺薄發榮

不及時金風已肆虐本乏歲寒姿憔悴竟何託

盲風振巖谷荆棘森路傍嘉卉苦摧抑枝葉萎以黃持  
斧艾棘枝蛇虺白日藏毒霧幕林莽側足慮我傷驅馬  
舍之去中心多惻愴安得商飈發凜然天隕霜木落蛇  
亦蟄艾惡鋤其強善類日滋長和氣感上蒼

大鵬發南溟斥鷃不笑止神龍挾怒霆井蛙震欲死古  
來英俊人往往驚俗士德修謗更來才高毀愈起非與  
斯人仇器識苦不偉滄海測以蠶淺見誠可鄙大樹撼  
蚍蜉擾攘何時已

鬼山樓詩集

卷四

學二四明叢書

約園刊本

豺狼不生麟鸞鳳不產梟種類使之然善惡故昭昭人  
爲萬物靈變化當自操奈何甘廢棄濁世隨滔滔聖賢  
本無種不在世冑高疇能百世下崛起爲英豪

蒼鷹巢村樹不搏樹下雞鷹性非獨廉鷹有巢中兒胡  
爲當世人徇欲忘恩私棲息託賢主反噬售其欺一口  
千眾怒名裂身殉之戕人適自戕自謀無乃非聊厚不  
爲薄微禽真可餅

山中有文獸自名爲猩猩旣負能言異復擅前知名遊  
遨過林澤豺虎不敢輕獵人慕其利杯酌歡相迎禍至

故蹈之汪飲遂輕生攜贈偕斗酒雙淚囊中傾

見山樓詩集

卷四

聖

四明叢書

約園刊本

見山樓詩集卷四

跋

見山樓詩集四卷張麟洲先生晚年定本也其門人王

文父舉人

定祥

方擬付梓遽歸道山遂未刻布予於丁

巳春日由費文瑚卿

崇高

處假得王氏鈔本

費由陳雪樵處借來

命寫工別錄此冊聞張氏後人所藏爲庸妄者改刪非

虛山眞面目矣己未四月馮貞羣識

見山樓詩集

跋

四明叢書  
約圖刊本



四明叢書

四明叢書  
約園刊本

四明叢書

四明叢書  
約圖刊本